




आलारि



बोसोरारि मोखां लाइसि
20थि बिसान 2023



गाहाइ सुजुगिरि
बिनेस्वर बसुमतारी



बिजनी सोलोंसालिमा बर' थुनलाइयारि आफाद


सुजु आफाद, 20थि बिसान 'आलारि'-2023



ड० बिरहासगिरि बसुमातारी
बोसोनगिरि



ड० गोगोम ब्रह्म कछारी
बोसोनगिरि



ड० बाबुल बसुमतारी
बोसोनगिरि



बिनिका गयारी
बोसोनगिरि



जयस्रि नार्जारी
मासिगिरि



बिनेस्वर बसुमतारी
गाहाय सुजुगिरि



दैमासा ब्रह्म
लोगो सुजुगिरि



अनसुमा बर'
लोगो सुजुगिरि



अमब्रित दैमारी
लोगो सुजुगिरि




खुंगा 32थि सानजारां लक्षेस्वर ब्रह्मनि थैनाय गोसोखां सान फालिनाय
खुंफुं आफादनि बिबानगिरिफोर

आलारि

मोखां लाइसि
20थि बिसान 2023

बोसोरारि मोखां लाइसि
फोसावगिरि:
बिजनी सोलोंसालिमा बर' थुनलाइयारि आफाद



गाहाय सुजुगिरि-
बिनेस्वर बसुमतारी

आलारि

ALARI: A mouthpiece published by Bijni College Bodo Literary Society on 1st & 2nd Sept. 2023 in connection with 40th Death & 32nd Death Anniversary Celebration of **Sanjarang Lakheswar Brahma** and Bijni College Bodo Literary Society at Bijni College, Bijni.

सुजु आफ्ताद


- बोसोनगिरि : ड० बिरहासगिरि बसुमातारी (गोरायुं)
ड० गोगोम ब्रह्म कछारी
ड० बाबुल बसुमतारी
बिनिका गयारी
- मासिगिरि : जयस्त्रि नार्जारी
- गाहाय सुजुगिरि : बिनेस्वर बसुमतारी
- लोगो सुजुगिरि : दैमासा ब्रह्म
अनसुमा बर'
अमब्रित दैमारी

- बिखं सानस्त्रि : सुजु आफ्ताद
- बिखं महर साजायगिरि : आकाश बसुमतारी
- टाइप सेटिं : आकाश बसुमतारी
बिनाथि मुसाहारी

सेबखांसालि : एम.बि. एन्टारप्राइस, कुकलुं र'ड, बिजनी
जानबुं : 8638975211, 9954257906


बाउनाय

जों अरायबो
नोंसोरखवौ मान होनानै गोसोखाडो
कंसादि सानजाएां लक्षेखर ब्रह्म आरो
कंसादि बिरेन्द्रगिदि वसुमतादी
नोंसोरनि गोथाए जिउमानि मुडाव
नैबे दिहुनगा 20थि बिसान “आलारि”
बोसोरादि खुगा लाइसिखवौ
गोसो गोथाए बाउनाय जाबाय।



-सुजु आफाद।

Sri Pramod Boro
Chief Executive Member
Bodoland Territorial Council
Kokrajhar



Bodoland Territorial Council,
Bodofa Nwgwr, Kokrajhar
Phone No. 03661-286800
Email Id:

खालार : 26-08-2023



हामब्लायथि रादाब

नोंथानि लाइजामनि गेजेरजों देगलायबो 2022-23 मायथाइयाव बिजनी सोलोंसालिमा बर' थुलाइयारि आफादआ "सानजारां लक्षेस्वर ब्रह्म"नि 32 थि थैनाय गोसोखां सान फालिनायखौ फैगौ सेप्टेम्बर दाननि 1 आरो 2 अक्ट'आव साननैनि मेहेरगोनां हाबाफारिजों खुंनो लाहार-फाहार खालामनाय खौरांखौ मोन्नानै गोजोत्राय मोन्दों। बे हाबाफारिजोंनो लोब्बा लाखिनानै 20थि बिसान 'आलारि' मोखां लाइसिखौ दिहुन्नो लानाय खौराडा थारैनो जोबोद गोजोन्थाव रादाब। 'आलारि'आ दासिम गोलाव लामा हान्थिबोबाय आरो बिहा जाफुंसारनायनि गोलाव जारिमिन दंसै। नोंथानि राफोद आखायनि सुजुनायाव दिहुन्नो लानाय 'आलारि' मोखां लाइसियाव गोदान मुगानि फरायसा फोलेरनि सान्नाय-हनाया बेरखांनायजों लोगोसे गावनि राव हारिमु थुनलाइ आरो माहारियारि थामोनथाखौ हमथानानै लाखिना नाजानायनि मोन्थोरानो गोदान आरो गोजाम लिरगिरिफोरनि रेबगननि गेजेरजों बेरखांथों। आरो सिगांफोरनि बाइदिनो बर' थुनलाइनि बाखियाव गोजोर बिहोमा होलानो हाथों।

जोबथारनायाव दिहुन्नो लानाय आलारि मोखां लाइसिया गसिबो बिथिडाव जाफुंसारथों। नोंथामोन बयनोबो फिन खेबसेबाव आनि गोसो गोबोनिफ्राय हामब्लायनाय हरबाय।

गोजोन्थों। एसेनोसै।

सिम,
बिनेस्वर बसुमतारी
गाहाय सुजुगिरि
'आलारि' मोखां लाइसि


(मुन्नि प्रमद बर')
गाहाय मावफुं सोद्रोमा
बड 'लेण्ड हायुडारि गौथुम
कक्राझार।

आलारि

OFFICE OF THE
PRINCIPAL :: BIJNI COLLEGE

बिजनी महाविद्यालयब अध्याक्कब कार्यालय
गोरायुंनि मावख' :: बिजनी सोलौंसालिमा

Dr. Birhash Giri Basumatary
Principal
Bijni College, Bijni



Website: www.bjnicollege.ac.in
Email : bijnicollege@gmail.com
P.O. Bijni, Dist. Chirang (BTAD) Assam
Pin- 783390
Phone- 03668-295025

हामब्लाइथि रादाब

गाहाइ सुजुगिरि, "आलारि"



बिजनी सोलौंसालिमा बर' थुनलाइआरि आफाद (BCBLS) आ 'रुंसारि सानजारां लक्षेस्वर ब्रह्म' नि 40 थि थैनाय गोसोखां सान फलिनायजों लोब्बा लाखिनानै देग्लायबो 20 थि बिसान "आलारि" खुगा लाइसिखौ दिहुत्रो लाहार-फाहार खालामदों । आं मिजिंथियो, आफादनि हाबाफारिया जाफुंसारगोन आरो 'आलारि' खुगालाइसिनि गेजेरजों बर' थुनलाइआ आगानसे दावगाबावगोन आरो गोदान थुनलाइगिरि सोर्जिनायाव गोहोम खोरब्लैगोन । गोजोनथों ।

अक्ट - 25-08-2023

(डो बीरहास गिरि बसुमातारी)

प्रिन्सिपाल,
बिजनी सोलौंसालिमा
Principal,
Bijni College, Bijni

V

बिजनी सोलौंसालिमा बर' थुनलाइयारि आफाद (2023-24)

आलारि

OFFICE OF THE



दुलाराय बर' फरायसा आफाद
ALL BODO STUDENTS UNION

Dipen Boro
President
borodipen@gmail.com
(M) 7002341038

HO: BODOFA HOUSE, BAGANSALI, W.NO-7,
KOKRAJHAR, BODOLAND
ESTD: 1967

Khanindra Basumatary
General Secretary
kaninb83@gmail.com
(M) 9954725660

Ref: ABSU.....

Date: 18/08/2023

हामलायथि रादाब

सिम,

बिनेस्वर बसुमतारी,
गाहाइ सुजुगिरि
20थि "आलारि" मोखां लाइसि।



मानिनां बसुमतारी,

गिबियावनो दुलाराय बर' फरायसा आफादनिप्रणय गाहाम हामलायनायखौ बाउहरग्रोबाय। बिजनि सोलौंसालिमानि बर' थुनलायारि आफादा फैगौ सेपतेम्बर दाननि 1 आरो 2 अक्ट'आव साननैनि मेहेरगोनां हाबाफारिजों "सानजारं लक्षेस्वर ब्रह्म"नि खुंगा 32थि गोसोखां 40थि थेनाय सान फालिनो नागिरनाय खौरांखौ खोनानानै आं जोबोद गोजोननाय मोन्दों। लोगोसेनो बे हाबाफारिजों लोब्बा लाखिनानै 20थि "आलारि" मुनि गांसे मोखां लाइसि दिहुननो लानायखौ मिथिनानै आं गोजोननायजों गाहाइ सुजुगिरि लोगोसे सुजु आफादनि सुजुगिरि बिथांमोन आरो बिजनि सोलौंसालिमा बर' थुनलाइआरि आफादनि गासै दैदेनगिरि बिथांमोनिसिमबो साबायखर बाउहरबाय। आथिखालनि बिगियान आरो बिरौंदाकिननि मुगायाव सुबुं समाजनि सोदोमस्त्रिखौ जौगाहोनायाव फरायसानि गोहोम आरो बिफावजों लोगोसेनो थुनलाइ सोरजिनायाबो मोनसे गोनांथार बाहागो जानानै दं। मिजिंथियो, गोदान आरो गागि लिरगिरि बिथांमोन आरो सोलौंसालिमानि साननो हनो गोरों फोरोगिरि बिथांमोननि बेसेनगोनां लिरबिदांफोरनि गेजेरजों बिजनि सोलौंसालिमा बर' थुनलाइआरि आफादनि सान्यौ, सानसि आरो मावथांखिफोरनि सावगारिया रोखा-रोखायै बेरखानायजों लोगोसे फालिनो लानाय हाबाफारिया गाहामै जाफुंसारगोन आरो बेसेनगोसा थुनलाइ सोरजिनायाव बिहोमा होगोन।

जोबथारनायाव, बिजनि सोलौंसालिमा बर' थुनलाइआरि आफादनि थांखिया अराय जाफुंसारनाय आरो 20थि "आलारि" मोखां लाइसिया बयनिबो अनसायनाय मोनगोन मिजिंथिनानै हामलायथि रादाब हरनाय जाबाय।
गोजोय्थों।

दिपेन बर'
आफादगिरि

दुलाराय बर' फरायसा आफाद।

vi

बिजनी सोलौंसालिमा बर' थुनलाइयारि आफाद (2023-24)

आलारि



मावख' बिजनी जिल्ला बर' थुनलाइ आफाद

गाहाय मावख'- लक्षेश्वर ब्रह्म गोसोखांसालि, बिजनी
ला.सो.- बिजनी, पिन- 783390
गाइसंनाय बोसोर- 1990

आफादगिरि
ड० गोगोम ब्रह्म कछारी
जानबुं नं- 9954052484

नेहाथारि
दिलीप ब्रह्म
जानबुं नं- 6900452070

हामलाइथि रादाब

सिम,

मुस्ति बिनेस्वर बसुमतारी
गाहाइ सुजुगिरि, आलारि



मानाव गेदेर,

गिबियाव बिजनी सोल्लोसालिमा बर' थुनलाइयारी आफाद, सुजु आफाद आरो गासै फरायगिरिफोरनिसिम आफादारि खुलुमनाइ, सिबिनाय आरो अननाय हरग्रोबाय। बिजनी सोल्लोसालिमा बर' थुनलाइयारि आफादा देगलायबो सानजारां लक्षेश्वर ब्रह्मनिं 40थि थैनाय आरो खुंगा 32थि गोसोखां सानखौ फैगौ 1 आरो 2 सेप्टेम्बर (सुखुरबाराय आरो सनिबाराय) 2023 इंखालि साननैनि हाबाफारि आरो गुबुन गुबुन कलेजफोरनि बाहागो लानायज्जे गाजा-गोमजायै खुंनो लानाय खौरांखौ मोननानै जोबोद गोजोननाय मोन्दों। बेनिखुइ गोजोनसिनबावदों बे सानजों लोब्बा लाखिनानै 20थि बिसान 'आलारि' मोखां लाइसिखौ दिहुननो लानाय खौरांखौ मोननानै। ससाइटिनि गासै हाबा फारिया जाफुंसारथों, आलारि लाइसियाबो देलायलाय महरै ओंखारथों आरो गोदान-गोजाम लिरगिरिफोरनि सिथला (Platform) नि बिफाव लानो हाथों। गोजोन्थों।

नोंथानि फोथायजाथाव

खालार :

बिजनी, 21-08-2023

ड० गोगोम ब्रह्म कछारी
आफादगिरि
बिजनी जिल्ला बर' थुनलाइ आफाद

vii

आलारि

मावख'
बिजनी दखरा

दुलाराय बर' फरायसा आफाद

गाहाय मावख: बड'सा हाउस, बिजनी
ना.सो. - बिजनी - पिन- 783398 - जिल्सा- चिरांग, वि.रि.आर.
दानाय माइथाय - 1968 इ



Email: bacabsub@gmail.com

OFFICE OF THE
BIJNI ANCHALIK COMMITTEE
ALL BODO STUDENTS UNION

H.Q.: BODOSA HOUSE, BIJNI
P.O.: BIJNI - PIN: 783398 - DIST: CHIRANG, B.T.R.
ESTD.- 1968

आफादगिरि-

मुसि सुबिलाल दैमारी
+91-9706736043
subidalma@gmail.com

मोन्यार:- खाँसेथि, धामोन्याय आरो जौगाथाय

बुयिगिरि-
मुसि निकिल ब्रह्म
+91-9101797820

गाहाय नैहायारि-
मुसि मिर्जि दैमारी
+91-7002290433
daimarymijing86@gmail.com

फोर नं

अक्ट

हामलाइथि रादाब

सिम,


मुसि बिनेस्वर बसुमतारी
गाहाय सुजुगिरि
'आलारि' खुगा लाइसि।



गिबियावनो बिजनी दख'रा दुलाराय बर' फरायसा आफादनिफ्राय गाहाम हामब्लायथि हरग्रोबाय। बिजनी सोल्लोसालिमा बर' थुनलाइआरि आफादनि बानजायनायाव खुंगा 32थि सानजारां लक्षेस्वर ब्रह्मनि 40थि थैनाय सान फालिनायखौ गुबुन गुबुन गोजौ फरायसालि आरो सोल्लोसालिमाफोरनि फरायसाफोरखौ थान्दै महरै लानानै फेगो 1 आरो 2 सेप्टेम्बर, 2023 इ अक्ट'आव मेहेर गोनां हाबाफारि लानानै खुंफुंनो लानायजौ लोगोसे 'आलारि' खुगा लाइसि दिहुत्रो लानायखौ बिजनी द'खरा दुलाराय बर' फरायसा आफादा जोबोद गोजोत्राय मोनदौ आरो सुजु आफादनि सुजुगिरिजौ लोगोसे बिजनी सोल्लोसालिमा बर' थुनलाइआरि आफादनि बिबानगिरिफोरनिसिमबो साबायखर बाउहरबाय। नौथानि सुजुनो लानाय 'आलारि' खुंगा लाइसिनि गेजेरजौ समाज फोसाबनाय बेसेन गोनां लिरबिदांफोरजौ साबना-हामनायै आंखारगोन आरो बेसेन गोसा थुनलाइ सोरजिनायाव बिहोमा होंगोन होंनानै मिर्जि थिनाय जाबाय।

जोबथारनायाव बिजनी सोल्लोसालिमा बर' थुनलाइआरि आफादनि खुंगा 32थि सानजारां लक्षेस्वर ब्रह्मनि 40थि थैनाय सान फालिनाय आरो 'आलारि' खुगा लाइसि नि थांखिया जाफुंसारनाय आरो बयनिबो अनसायनाय मोनगोन मिर्जि थिनानै गाहाम हामब्लायथि हरबाय।

गोजोन्यो-


सुबिलाल दैमारी

आफादगिरि

बिजनी दख'रा दुलाराय बर' फरायसा आफाद

viii



सुजुगिरिणि देवगवजो आंनि फंनेसो.....



गिबियावनो आंनि गोसो गोर्बोनिफ्राइ गाहाम हामलायजो लोगोसे बिजनी सोल्लोसालिमा बर' थुनलाइयारि आफादनि 'आलारि' खुगा लाइसिनि सुजु आफादनि जानानै नोंथांमोन गेदेमा थुनलाइगिरि आरो अन्जालु-आनजालि फरायसाफोरनिसिमबो गाहाम हामलायनायजो लोगोसे खुलुमनाय आरो सिबिनायखौ बावहरग्रोनाय जाबाय।

बिजनी सोल्लोसालिमाया बर' थुनलाइयारि आफादजो खुंजानाय सानजारां लक्षेस्वर ब्रह्मनि 40थि थैनाय सान आरो खुंगा 32थि थैनाय गोसोखां सान फालिनायजो लोब्बा लाखिनानै आफादनिनो बोसोरारि खुगा लाइसि 20थि बिसान 'आलारि' खौ आबुंडै महर होनायाव हाजासे मदद आरो बोसोन होबोनाय बिजनी सोल्लोसालिमा बर' थुनलाइयारि आफादनि मानगोनां आफादगिरि जयसि नार्जारि आरो बानजाय आफादनि आफादगिरि ड० इन्द्रजित ब्रह्म, ल्लोगोसेनो बिजनी सोल्लोसालिमानि बिबुंगिरि सार मेडाममोननिसिमबो साबायखर थाबाय। आफादनिनो 'आलारि' लाइसिखौ आबुंडै जाफुंसार होनायाव नांगौ समाव आंखौ बोसोन होबोबाय थानाय बिजनी सोल्लोसालिमा बर' थुनलाइयारि आफादनिनो गाहाइ नेहाथारि रोमै ब्रह्म, लोगो आफादगिरि देबु बसुमतारी, रांगिरि करण कुमार बसुमतारी, खुंफुं आफादनि लेंथुमगिरि सुबुंसार बसुमतारी, रांडारि लेंथुमगिरि खनिस्क' ब्रह्म, सुजु आफादनि लोगो सुजुगिरि अमब्रित बसुमतारी, अनसुमा बर', दैमासा ब्रह्म लोगोसे समेस बसुमतारी मोननिसिमबो आंनि गोसो गोर्बोनिफ्राय साबायखर जासिबाय। आरो जाय बिथांमोनहा आर'जलाइखौ नेवसिगारा जासे लिरबिदां हरनानै 20थि 'आलारि' लाइसिखौ आबुं महर होनायाव थोजासे मदद होनायनि थाखाय बिथांमोननिसिम आंनिफ्राय गोसो गोर्बोनिफ्राइ साबायखर थाबाय। आरोबाव दान्दिसे समनि गेजेरावनो मेंनाय आरो बानाय गैया जासे 'आलारि' खुगा लाइसिखौ आबुं लाइसि महरे सेबखानानै हरनाय एम.बि एन्टारप्राइसनि बिगोमा आदा मानिक बसुमतारी आरो आदा आकाश बसुमतारी आरो आब' बिनाथि मुसाहारी मोननिसिम सुजु आफादनि जानानै आंनि गोर्बो सिनिफ्राय साबायखर बाठहरनाय थाबाय।

थुनलाइ सोरजिनायाव आंहा थोजासे रंगौथि गैयाब्लाबो बिजनी सोल्लोसालिमा बर' थुनलाइयारि आफादआ आंनो गाहाइ सुजुगिरिनि बिबान होनायनि थाखाय बारग' बिबानगिरि बिथांमोनिसिम गोसो गोर्बोजो साबायखर बावहरबाय मानो होनोब्ला आं बे लाइसिखौ सुजुनानै गोबां मोखथांडारि गियान मोननो हादों। जो मिथिगौ थुनलाइआ मोनसे हारिनि आइना। आइनायाव जेरै गावनि महर मुस्त्रिखौ नायोब्ला रोखा नुनो मोनो थिग बे बादिनो मोनसे हारिनि थुनलाइखौ नोजोर होयोब्ला बै हारिनि महर मुस्त्रिखौ रोखायै नुनो मोनो। मोनसे हारिया थुनलाइ गैयालासे गसंथानो एबा थावरिनानै थानाया जोबोर गोब्राब,मोनसे हारिया थुनलाइ जौगाब्लासो हारिया जौगागोन, हारि

जौगाब्लासो हरिया थांना थागोन । बेनिखायनो बुहुमाव बर' हरिखौ गेरेमसा बर' माहारि दानांगौब्ला गिबियावनो जौनि थुनलाइखौ जौ गोजौ थाखोआव लांनो हानांगोन, अब्लासो गुबुन हरिफोरा जौनि फारसे मिथिना आरो बर' थुनलाइन सायाव बिजिनो गोसो जागोन । आथिखालाव जौनि थुनलाइआ गुबुन जौगानाय थुनलाइजौ आगानसेबो जुजिनो हायाखै होनब्लाबो बांद्राय बुंनाय जानाय नडा । बेखौ नोजोर होनाने जौ मावनो एबा थुनलाइखौ सोरजिनो रौनांसिगोन । बेनिखायनो जो बयबो गोजाम गोदान जाखांफुनाय साफ्रोम थुनलाइ सिबिनो मोजां मोनग्रा अनजालु अनजालि फरायसाफोरा थुनलाइखौ बेसेन होनाने जौगा मान दान्दासिम दैखांनो गोब्राब हाबा मावनो नांगोन अब्लासो जौनि हारिनि रावाबो गोजौ फारसे दावगा लानो हागोन । दिनै जौनि गेजेराव जो नुनो मोनो, गावनि बिमानि आंगो रावखौ नेवसिननाने गुबुन रावजौ गाव-गावनि गथ' गथायफोरखौ सोलौंथाइ लाहोनाय । गुबुननि सिगाडाव गावनि बिमानि गोदै रावखौ रायज्जायनो लाजिनाय आरो गावनि हारिमुनि गानग्रा जोमग्राखौ गाननो लाजिनाय, बिब्दिजौ जौनि बिमानि राव हारिमु, थुनलाइआ जौगागोत्रा ? सुबुं समाजाव बर' थुनलाइखौ जौगा होनो थाखाय जौ बयबो बिमानि रावजौ सोलौंथाइ लानांगोन जाय हरिया राव थुनलाइ हारिमु दं बे हरिया समनि फाख'नाव बायदि जेंनाजौ फैनाने हांद्रि बालाजौ फबनाने दोनजाब्लाबो बे हारिनि थुनलाइ आनो सानसे बेलासे बे हरिखौ जौगाखांनयनि लामार्थि थांनो थाखाय थुलुंगा खांहोगोन । गुबुन हारिनि बायदि जौनि हारियाबो राव दं, थुनलाइ दं आरो हारिमु दं ।

जोबथारनायाव 'आलारि' मोखां लाइसिया जरैबादि साबना-हामना, रंगिना संगिना महरै आलारि बायदि गोजौ-सोरां जानांगौमोन नाथाय बिदि सुजुनो हायासै, बेनि थाखाय आं खर' गंग्लायै गाहाइ सुजुगिरि जानाने गासै फरायगिरिफोरनियाव निमाहा बिहरनाय जाबाय । लोगोसे बर' हारिनि गेजेराव खौसेथि अनलायनाय फोथायलायनायजौ बर' थुनलाइ मुलुगाव जौनि बिजनी सोलौंसालिमा बर' थुनलाइयारि आफादिनि मावनो लानाय थांखिफोरा जाफुंसारगोन आरो सानजारां लक्षेस्वर ब्रह्मनि सानस्त्रि आरो सान्थौफोरा गोसोखांजाबाय थागोनखौ मिजिं थियो । बेजौ लोगोसे 'आलारि' मोखां लाइसिया बर' थुनलाइ मुलुगाव गोबां बिहोमा होफेगोनखौ मिजिं थियो । बेखौनो मिजिं आरो हास्थायनाने आनि सुजुगिरिनि रेबगनखौ बेयावनो थुंगे होनाय जाबाय ।

॥ गोजोनथौ ॥

बिनेस्वर बसुमतारी

गाहाइ सुजुगिरि

20थि बिसान 'आलारि'

माइथाय 2023-24

नाइखां बिलाइ

➤ सानजारां लक्षेश्वर ब्रह्म: बैसागु आरो हारिम	✍ ब्रजेन्द्र कुमार ब्रह्म	01
➤ बिष : लक्षेश्वर ब्रह्मनि दोंसेल' सुंद' सल'	✍ ड० गोगोम ब्रह्म कछारी	08
➤ नुनाय आगान	✍ दान्टे बर'	12
➤ इयुना सोमावगोन	✍ सोरासि गयारी	13
➤ बिबार बायदि दा लरहाय नों	✍ लखेन दैमारी	13
➤ मोनस'हायि मोगथां	✍ पबित नार्जारी	14
➤ मुंख्लंफोर	✍ अनिसा बसुमतारी	16
➤ मोनस्लाबे	✍ धनसि गयारी	17
➤ हास्थांयनायनि मिजिजों	✍ रिमा बसुमतारी	17
➤ बिजनी सोलोंसालिमा बर' थुनलाइयारि आफाद	✍ ड० इन्द्रजित ब्रह्म	18
➤ समनि दाहाराव बर' हारि	✍ दिमोल ब्रह्म	23
➤ अननायजों दागले	✍ बिहुला बसुमतारी	23
➤ सखनद्राया एम्बु सिध्र'	✍ बिनायसा बसुमतारी	24
➤ सैथोनि मोनथाइ	✍ सोमखोर रामसियारि	27
➤ जिउ	✍ रिंखां गयारी	27
➤ लांदां बैसागु फालिथाइ : मोनसे हारिमुवारि जावरिखांनाय	✍ अनिला बसुमतारी	28
➤ दंखायो जोंहा गासैबो	✍ रैरुब बसुमतारी	32
➤ फैफिन आंगोखौ नागिरनानै	✍ बिलिफां दैमारी	33
➤ थारिख	✍ अन्जु मनि बसुमतारी	33
➤ अननायनि फिथिखा	✍ रानि दैमारी	34
➤ जिउनि मोनसे सावगारि	✍ लैथोसि बसुमतारी	36
➤ इत्तेफाक	✍ अरन राजा	37
➤ गावखौ सांग्रां खालामदो	✍ गुनिन मुसाहारि	44
➤ फागुनाव गोसोथोनायनि आराव: थैनायनि उनावबो	✍ लताच पि नारजारि	46
➤ बेनो समा गावखौ सोदांनायनि	✍ आरन कसारि	49
➤ सोरांखौ संदाननानै	✍ सुमित्रा बसुमतारी	50
➤ फरायसा जिउ	✍ अनसुमा महिलारी	50
➤ गोरोन्धि	✍ आजोला बसुमतारी	51
➤ मोनबा जिउनि गोनां रादायफोर	✍ मथुरा ब्रह्म	55
➤ मोनदांथि	✍ देबु बसुमतारी	56
➤ नैजिसे जौथाइ, बालाबगासे	✍ उपमा राणी दैमारी	57
➤ आस'लथे गोसोथोनाया माबादिमार ?	✍ दैमासा ब्रह्म	59
➤ जोंनि आगुनि हाबिला	✍ मुसि सुदेम नार्जारी	63
➤ बर' राव, थुनलाइ आरो बिजोंनि फारसे जोंनि सांग्रांथि....	✍ अनसुमा बर'	64

नाइखां बिलाइ

➤ सोदोबनि खबाम आव गोमानाय सावगारि	✍ अनजालि सरगियारि	67
➤ नोंखौ नेनानै	✍ बिनेस्वर बसुमतारि	67
➤ हादाननि दुखुथिया जिउ	✍ रथ 'मालि बर'	68
➤ खायसे हरफोरा नॉनि गोसोखांथिजोंनो बारहोंजायो	✍ राजेश बर'	69
➤ दैदेनगिरि	✍ धनसि गयारी	69
➤ जौ आरो हारि	✍ बिजुलि बर'	70
➤ बयबो बाहागो लादो	✍ दिभिया बसुमतारी	70
➤ लोगोरि	✍ क्रिष्णा गयारी	71
➤ फाग्ला बिबायारि	✍ रमा बसुमतारी	72
➤ आघोननि फोथार	✍ प्रनब बसुमतारी	75
➤ सिमांनि अनजालि	✍ रनजय बसुमतारी	76
➤ फुंबिलि आरो आं	✍ रिमा नार्जारी	76
➤ सिगारेट	✍ चम्पा लामा	77
➤ फागोला गोसो	✍ सनजिब बर'	77
➤ ओइ लाइमोनसि गोरबो खेंफोरनि फै	✍ माइनावसि दैमारि	78
➤ जों बयबो खौसे जा	✍ जमुना ब्रह्म	80
➤ नेनानै दं	✍ गुनिन मुसाहारि	80
➤ थानाय हरनि सिमां	✍ फुकन बसुमतारी	81
➤ जिउ	✍ उषा रानि मुसाहारि	82
➤ मेन 'खा	✍ बिदांसि बसुमतारी	83
➤ बिबार	✍ करण कुमार बसुमतारी	87
➤ फैमाल मिजि	✍ सानसुलि बसुमतारी	87
➤ नाजानाय गोहो	✍ साइख्लं बसुमतारी	88
➤ सिमांनि राजखुंगुर	✍ करिना नार्जारी	88
➤ सायर' मोखां	✍ सर्मिला दैमारी	89
➤ दोँथाम लिमारिक	✍ जरना बसुमतारी	90
➤ बर' हारिनिसिम फेरलेबसे गुमु	✍ सोरां ब्रह्म	91
➤ दख'ना	✍ कनिखा ब्रह्म	94
➤ जिनाहारि	✍ अनजु रानि बसुमतारि	95
➤ गलामनि सोंथि	✍ प्रमद इसलारि	95
➤ जिउनि सानरेब बिलाइयाव	✍ लक्षीस्वर बसुमतारी	96
➤ मन्दिरानि आददा	✍ रिश्मा दैमारी	97
➤ फोरमाय हायासै	✍ जोंसार सरगियारि	98

सानजारां लक्षेश्वर ब्रह्मः बैसागु आरो हारिमु

ब्रजेन्द्र कुमार ब्रह्म

गोजौ देरस्रां नायनो मोजां (handsome), गाजिला बैसोनिमोन लक्षेश्वर ब्रह्मआ। गन्थं-मोखां गेबें। मंगलियान मेगन जरा, गोगो दैसानि दोहौ बादि खानाइ खंखि, बयखौबो गोजोन होनो हानाय अराय मिनिस्त्रां। मोदोमाव गुफुर धुति-पान्जाबी, गोदनायाव आर'नाइ, गावखौ बर' होननानैसो सिनायथि होनायनि रोखा नेरसोन। बिथानि सोमोन्दै मोनसे बाश्राखौ बुडाब्ला बिथानि personality आ आबुडै बेरखांनाय नडा। बिथाडा सिफुं दामनो गोरोंमोन। आखाइयाव अराय सिफुं गंसे लानानै बर' हारिमुनि गुदि संनो नाजायोमोन जानो हागौ। आंहा दाबो गोसोआव दं, गुवाहाटीनि मालिगाँवआव रेलवेआव साखि मावनाय समाव लोगो जुथिनानै लक्षेश्वर ब्रह्मआ 'सिफुं' मुनि गंसे लाइसिबो सुजुनानै दिहनदोंमोन। मोनसे समाव बिथाडा साखि गारनानै बिजनीआव गंसे फरायसालि गायसननानै फोरोंगिरि जानानै थाफैयो। बेनि उननि बाश्राखौ आं बेयावनो दोनथ'बाय। आं गुसुडै सावरायनो सानदों बिथानि जुनियायै मुंख'जाथाव 'बैसागु आरो हारिमु' मुनि बिजाबखौ लानानै।

बड़'फोरा फिसा-फिसौ माखासेमानि फोर्बो एबा उतसब खुंब्लाबो लिरगिरि लक्षेश्वर ब्रह्मनि बादिब्ला गाहायै मोननै बैसागु आरो खेराइ। बैसागुआ गोदान एबा उदां बोथोरनि फोर्बो आरो खेराइया धोरोमनि फोर्बो। बे मोननै फोर्बोखौ बर'फोरा बिस'म्बियावबो मोनहास'यै समनिफ्राय फालिबोबाय थादोंमोन। बेनिखायनो जों गोरलैयै हमनो हायो बे मोननै फोर्बोआ बिसोरनि जोबोद आंगो। बेखौ नायनानैनो लक्षेश्वर ब्रह्मआ बुंदों- 'बैसागुआ बर' हारिनि आमाइ थख्ल', बिखानि खावसे।'

बुंनाय जादोंदि बैसागुआ गोदान बोसोरनि फोर्बो। इन्टारनेसनेल केलेण्डार बादिबैब्ला इंराजि बोसोरनि जानुवारी दान हाबब्लानो बोसोर गोदान जायो। नाथाय बारहावाखौ नायनानै भारतारि केलेण्डार हिसाबै बैसाख दान हामब्लानो बोसोर गोदान जायो। गोजां बोथोरनि रानस्राव-रानसि आबहावायाव बिफां-लाइफां रानज्रब-खुज्रब जाब्ला मानसि आरो जिब-जुनारफ्रा गोजोननाय गैया गैया सुखुवा-बुखुवा मोनो। नाथाय बोथोरा बेनो बे थाबाय थाया। It winter comes, can spring be-

fore behind? बोथोरा सोलायबाय थायो। गोजां बोथोर थांनायनि लोगो लोगो हाया थाजिम जाबोयो आरो बिफां-लाइफां गोदान जिउ मोनफिनो; बिलाइ खिलियो, बिबार खिलियो, बिबार गोवलाडो, सिखिरिया बाहां-बिरहां बिदै सोबो, दावसिन-दावला मेथाइ खनो। जेरैबो रंजालु आबहावा। मानसियाबो मिथिंगानि एंगारनो हायै बाहागो। बेनिखायनो दुलाराइ मिथिंगायानो जेराव रंजादों मानसिया बौरै रंजायाबानो थानो हानो? बे थांखिखौ लानानै बैसागु आरो बायदिसिना फोर्बो फालिनानै दामनाय-देनायजों लोगोसे मेथाइ खननाय आरो मोसानायजों रंजा-बाजा खालामो। हरिमु-सोदोमस्त्रि गोनां मानसिया ओंखाम-ओंखि जानानैल' alone गुबुन रावै, थांनानै थानो जेखौ जेखौ नडाब्ला जाथारा, बेफोरनि अनगायै उफेरा मोननो लुबैनानै रंजानायनि लाहार-फाहार खालामनानै लायो। आरो बेबादिनो मोनसे हरिनि हरिमुआ साग्लोबसार जायो। बेफोर बाध्राखौनो लक्षेशवर ब्रह्मआ बे बिजाबाव गुवारै लिरदों। बेनि सोमोन्दै बै समनि एम.एल.ए. चरण नार्जारीआ गावनि रायफोरनायाव ओरै बुंदों- "Prof. Brahma has dwelt at length on the origin and development of the Boisagu festival of the Bodos and its tremendous influences upon the neighbouring Assamese culture, and in support of his arguements he has profesely qouted from the authorities."

जोंनि बिसम्बियाबो मोनहास'यै

समनिफ्रायनो बैसागुखौ फालिबोनाय जादों होननानै गोजौआव बुंबोनाय जादों। नाथाय 'बैसागु'- बे सोदोबनि गुदिखौ संनानै रावबो थि बुंनो हायाखै। अबस्ये हासॉनि 'बिहु' सोदोबनि गुदि संनायाव गोबां बेले-बेजे दंब्लाबो, बर 'नि 'बैसागु' सोदोबनि बेलायाव बेयो गैयाखौनो बुंनो हायो। बैसागुखौ बर 'फ्रा फालियो बांला बोसोरनि बैशाख (बैसाग) दानाव। बेनिखायनो बे बैसाग दाननि मुडैनो फोर्बोनि मुडा बैसागु जादों होननानै बुंनो हायो।

बैसाग दाननि बैसागु फोर्बोनि आखुथाइ (Characteristic) आ जोबोद ओंथि गोनां। बे समान बिलाइ

बिबारजों दुलाराय मिथिंगाया सुदेम समाइना जायो। दावसिन-दावला जुलि लायै लायै बासा बोयो, दै गोदान मोननानै ना आरो एम्बुफ्राबो रंजाखाडो, गुबुन जिब-जुनारफ्राबो रंजाखाडो। मानसियाबो मिथिंगानि एंगारनो हायै बाहागो। बेनिखायनो मानसियाबो रंजायाबा थानो हाया। अब्लाबो बयनिखुइ गेदेमासिन जिब जानायलाय बिनि रंजानायनि आदबआबो दूलामैनो जुनिया। बे रंजानायखौ बियो रावै-फावै फोरमायो, दिन्थियो। देंखो होयै होयै मेथाइ सुजुयो, खनो आरो मोसायो। बैसागु मेथाइयाव गाहाइयै आथोनारि हाबिलास बेरखाडो। बेनिखायनो बैसागुखौ जोलै सोरजिनायनि फोर्बो (Festival of procreation) होननाय जायो आरो बुंनो थाडोब्ला बैसागु मेथाइफ्राव बेनि इसारा बेरखांनाय नुनो मोनो। नीलेशवर ब्रह्मनि बैसागु मेथाइयाव बेयो समायनायै बेरखांदों-

(i) अखाफोर बैसागनि अखादैन हनै
जोमै नायदाव नादाव दावबोलायगौ हनै
जुलि लायै लायै ना खुरसा
ना खुरसा ना खुरसा आगै
मैनागुरिनि सेवारि जिउनि सना

(ii) आदा नॉखौ मोनाबोला
बुर्लुबुथुरनि दैयाव
ज्रुम बाज्रुमनानै थैगोन आंलाइ
नॉनि मिजिडावसो सिख्रि मानसिफोरखौ
उरायहरबाय आंलाय उरायहरबाय।

बेबादि हौवा (संग्रा) आरो हिन्जाव (सिख्ला)
फोरनि खुगानिफ्राय ओंखारनाय गोबां बैसागु मेथाइनि
विदिन्थि होदों लक्षेशवर ब्रह्मआ गावनि 'बैसागु
आरो हारिमु' मुनि बिजाबाव। बैसागु मेथाइया सुबुं
मेथाइ (folk-song)। सुबुं मेथाइया लेखा-फरा
गोरोंफोरनि सोरजिनाय नडा; लेखा-फरा रोडै सादा-
बुसा मानसिफोर खुगाजों खुगा सोरजिनायसो।
बेनिखायनो जानो हागौ मोनसे समाव बेखौ खुगा
मेथाइ सुबुं मेथाइसो बुंसै। मानोना, folk नि ओंथिया
जाबाय 'सुबुं' जायखौ असमीयायाव (लोक)
होननाय जायो। बे हिसाबै इंराजिनि folk-song,
folk literature, folk dance, थुनलाइ सुबुं
मोसानाय, सुबुं दामजु जायो।

आथिखालाव बे आयदायाव गोरों-गोराफ्रा
गोथौवै साननो लाबाय। मोनसे सम दंमोन जाय
समाव बैसागु फोर्बो फालिनाय, बैसागु मेथाइ खननाय
आरो मोसानायखौ बे सोद्रोम होननानै
सॉखारिनायमोन। सॉखारिनायल' नडा, गुरुं आखल-

आखुनि फाव-फेसन होननानै जायगा जायगा
जुरिमानाबो फोनाडोमोन। दा बियो लासै लासै
गैया जालांबाय। दा गामि गामि आरो टाउन-सहर
जेरावबो बैसागुखौ गाजा-गोमजायै फालिनो लाबाय।
फण्डितफ्रा बिजिरसंनानै बुंनो हमबाय- बैसागु मेथाइ
आरो मोसानायाव गामियारि सुबुं जिउनि असे
सावगारि बेरखाडो। बुंनाय जायो जेराव जारिमिनआव
मोनसे हारिनि सोमोन्दै रोखायै जेबो बुंनो हाया,
बेयाव बैसागु मेथाइ एबा सुबुं मेथाइया बै हारिनि
गोबां बाश्रा बुंनो हायो। गुबुन हादरनि मुंदांखा
पण्डितफोरनि बाश्राखौ मुंख'नांलायलिया, खालि
जोंनि आसामनि माखासे रोंग'साफोरनि मुंखौल'
रायखांजायो जायफोरा बर'नि सुबुं मेथाइ एबा सुबुं
थुनलाइखौ गुवारै बिजिरसंनानै लिरलांबाय। बिसोर
जाबाय ड० प्रमोद चन्द्र भट्टाचार्य, ड० प्रफुल्ल दत्त
गोस्वामी, भबेन नार्जी धुपाराम बसुमतारी, मोहिना
मोहन ब्रह्म, ड० अनिल कुमार बर', सुकुमार
बसुमतारी आरो गुबुन गुबुन। बिसोरनि गेजेराव
ड० अनिल कुमार बर'आ बे आयदायाव
बिजिरसंनानै डक्टरेट डिग्री मोनदों।

एसेबां जासेयावबो जोंहा नाथाय इसेबो
सुथुन गैया, जों गावनि खननाय-मोसानाय आरो
हारिमुखौ नेहाद साननानै मोनफा मोनफा नागारलानो
हमबाय आरो मालायनिखौसो लानो हमबाय। हारिमुवा
मोनसे हारिनि असे सिनायथि होनायनि नेरसोन।
बेनिखायनो बुंनाय जायो, हारिमु थैब्ला हारियाबो
थैयो। सा-साज्रां नोजोरजों नायनानै गावनि हारिमुखौ
नेहाद, बेसेन गैथारै सानब्लाबो गुबुननि नोजोरावदि

बेयो बेसे समायना आरो बेसे बेसेनगोसा, बेनि फोथायथाव मोनसे बिदिन्थि होदों लक्षेशवर ब्रह्मआ गावनि 'बैसागु आरो हारिमु' मुनि बिजाबाव। इं 1957 मायथाइनि सुबुंदारा सान (Repuplic day) नि फोर्बोआव भारतनि गुबुन गुबुन जायगानिफ्राय हारिमु आफादफोर बाहागो लाहैदोंमोन। आसामनिफ्रायबो बर'फोरनि मोनसे हारिमु आफाद (कृष्टि आफाद) बाहागो लाहैदोंमोन। गोदान दिल्लीयाव जानाय बे फोर्बोआव गिबि गिबि बर' कृष्टि आफादआ 'माइ गायनाय' मुनि सुबुं मोसानाय (folk dance) दिन्थियो। बे मोसानायखौ नुनानै नायग्राफ्रा जोबोद मोजां मोननानै बाखनायसोगारो।

28 जानुवारी (1957) खालि ओंखारनाय मुंदांखा गिबि सारिन इंजि सानसेयारि रादाब बिलाइ- The statesman आव ओर होननानै बुंदों- "After the interval came one of the last dances, the "Mai gainay" by the Bodo people of Assam, the woman wore a blaze of yellows and oranges, tightly wound round slender hips and sway ing in gentle and excellent time, they made those gentle flowing blowing movements that remained one more of Mongolian and malaya dances than of India. They carried genuine farming inplements, the men's spades were the same they use in their fields with the carth of assam still clinging."

नायग्राफ्रा सानदोंमोन जानो हागौ बर'फोर मोसानाया उनाव बेनिखुइ आरो साबसिन जानाय नंलिया। नाथाय उननि मोसानाया जेब्ला साबसिन जायो, अब्ला बयबो सोमो नाजोबबाय आरो 29 जानुवारी (1957) खालिनि 'The statesman 3 The first day of the folk-dance festival, so excellent a programme could be bettered on the second. But this what hap pened, for Monday's and colour, they also had a gay abandoned, a fast tempo that was only occasionally halted for a gentler and slower dance.

The charm that this simple folk caste on the sensitive spectators is diffecult to de scribe. Surely it was best expressed in the lovely dance of the maiden of the Bodo tribe of Assam, a dance performed in the secrecy of night that was probably never permitted to watch what the girls do when they are among themselves after the day's work is done."

गोजोआव बैसागु मेथाइ आरो मोसानाय मोननै ए मोनथामसोल' बिदिन्थि होनाने गुसुडे सावरायनाय जादों। नाथाय बैसागु मेथाइनि आयदा लानानै आयदा आवथाया गुवारथार। लक्षेश्वर ब्रह्मआ गावनि बिजाबाव बैसागु मेथाइखौ मोननैसो बाहागोआव रानबावदों। सा-सानजा नायब्ला बेफोर रोखोमसेब्लाबो बेफोरनि

गेजेराव एफा-एनै फाराग दं। बैसागुवा जाबाय बोसोर गोदाननि रंजानाय फोरबो। बेखायनो बेखौ रंजालि बैसागु होननाय जायो। गोसोथोलायनायनि मिजिं-हाबिलासआ सेंग्रा-सिख्लानि खुगानिफ्राय ऑखारनाय-मेथाइयाव उदाडै बेरखाडो। सासे सेंग्राया गाव मोजां मोननायखौ लाखोमाया सिखोमाया बैसागु मेथाइनि गेजेरजो माबोरै फोरमायदो नायदो-

इन्जुर खेबलु खेबलु मानो गाबदो

आगै मानो गाबदो

बासोरो फादां.....

गय जरा जरा फाथै जरा जरा बैराथि जरा नायनो थांबोला दाफिराय आगै बासोरो

फादां.....

बेबायदि गाव गोसोथोनाय सेंग्राखौ मोननो हास्थायब्लाबो बोथोर सौफैयैलाय आख'-फाख'आव गोलैनाने दं। मानोना सिखलाया माहाजोननाव रुवाथि थानायनिफ्राय गखांनानै दानाय-लुनायखौ फोजोबखांब्लासो सेंग्रानाव थांनो हागोन। माने खारसनहैनो हागोन। बेनिखायनो हाखु-दाखु खालामनो नाडा होननानै सेंग्राखौ खावलायहरदो-

आदा देग्लाय देज्लानि अखा दामब्रायाबो

दाहाथ' आदा दाहाथ'

अमा खासिखौबो दाफानथ'

हाइ आदा दाफानथ'

देग्लाइ दैज्लाडावबो रावखौबो रुवाथि

दालाथ' आदा दालाथ'

दख्ना दानायखौ हायोबोला आदा

माहाजोना आंखौ हगारोब्ला

दा नुजानाय अखाफोर गोरलैयाव बेलारोम बेलाराम सौहैथारगोन आदा नौनियावनो ।

बुंनाय जाबोदो दि बैसागुवा रंजानायनि फोर्बो। बे रंजानायहा गोबां बिथिं दं बे बिथिंफोरखौ लानानै मानसिफोरा रंजालु जायो। जोनि जिउआव जो सेंग्रा-सिख्ला, बोराइ बेन्थ' रंजायो, मेथाइ खनो आरो मोसायो। बेफोरनि गेजेरावनो जो सोरखाबा जंखाय जंखाय मेथाइ खनो- सेंग्राया सिख्लाखौ थांखिनानै आरो सिख्लाया सेंग्राखौ थांखिनानै। लक्षेश्वर ब्रह्मआ बेबादि गोबां बिदिन्थि होदो। गाहायाव बेफोरनि मोननै होनाय जाबाय-

(i) इसे इनै रौनायजोनो देदलामांग्रा (क फालाजोनो मुलुग जाग्रा), नाथाय हालावबो थाडा मैयावबो थाडा सेंग्राफोरनि आखलखो नुनाने सिख्लाफोरा जंखाय जंखाय मेथाइ खनो-

हाबाब आदाया खोमसियाव लेखा लिरनाय,

हान्थुसे हाब्रुवाव बल जोनाय आदा,

जोनि लागोनिलाय हिरेन्द्र दुगामारा।

आय' आदानि बिरि लानायखौनो

खोलोम लानाय बादि नुलायलांबाय।

(ii) साफ्रोमबो सिख्लायानो गावनि जिउनि हिसाबै सेंग्रा मोजांखोनो मोननो लुबैयो। बेबादिनो साबसिननिफ्राय हामसिन नायगिरनो थांनायावनो एखनब्ला सेंग्रा मोजाडा एरायलाडो। बेखौ नुनाने सेंग्राफ्रा जंखायनाने मेथाइ खनो-

उखुम बेसानि खुमब्रा गुफुद,

ओइ आगै सात बासि बासि

एन्दा बासि बासि फिसाइ जनाया
जों बादि हालुवा बहुत।
अलै आगैलै जाम्फै बारनायनि
गोसोमै थाव गोनां।

बे लिरबिदांनि बबेबा मोनसे जायगायाव
बुंभोनाय जादोंदि मोनसे हारिरिनि सोमोन्दै जारिमिनआ
जेराव बबा, बेयाव सुबुं मेथाइया बे हारिनि सोमोन्दै
गोबां बाथा फोरमायो। सुबुं मेथाइया गामिनि आबाद
मावनानै जिउ खुंग्रा मानसिफोरनि गोबों राव। गोबोंनि
बाथाखौ लाखोमाया फोलाया गेबें गेरलै रावै
फोरमायनाय जायो। गाहायाव बेनिनो मोनसे बिदिन्थि
होनाय जाबाय-

रंजादो दे लेफोर आइ आफाफोर
गोदान बोसोरनि बैसागुवाव
गोदान बोसोरनि बैसागुवाव।
एब्-अं एम्बुवा गाबबोलाइगौ
सुनि खाफालनि हालुवा देहाया
दैलां बोथोरा सौफैलायगौ
रंजासादो जोंनि हालुवा जाम्बानिया
गोदान बोसोरनि बैसागुवाव
गोदान बोसोरनि बैसागुवाव।

दाउला दाउ गिसिरब्लानो मोसौ हालुखौ
फोजानाडो

अखा नायबोलानो नांगाल-जुंगालजों
खमलायनाडो ।

गोदान बोसोरखी रंजानायनि फोबो हिसाबै
दुलाराइ बहुमनि गुबुन गुबुन हारियानो फालियो।
अबस्यै जायगा नायै जायगा बोथोरफ्रा एफा-एनै हेर-

फेर जानो हागौ आरो बे हिसाबै रंजानायनि फोबों
फालिनायनि समाबो एफा-एनै हेर-फेर जायो बेबादिनो
मोनो जो जोंनि आसामनि 'बैसागु', 'बिहु', मध्य
प्रदेशनि उरावफोरनि 'फागुवा', 'छारहुल' फोबों,
सावथालफोरनि माइ हानाय बोथोरनि 'सहारि'
मालाबारनि मालयाफोरनि 'बिसु', गनदफोरनि 'चैत्रपर्व'।
सा भारताव 'बैशाखी' मुनि मोनसे गिदिर रंजानाय
फोबों दं। हारियाना आरो राजस्थानावबो बेबादि रंजानाय
फोबों दं। थाइलेण्ड आव बयनिखुइबो देरसिन गोदान
बोसोरनि रंजानाय फोरोंबआ जाबाय 'संक्रान'। जानो
हागौ संक्रान्तिनिफ्रायनो बे 'संक्रान' जादों। बेबादिनो
दुलाराय बहुमनि गुबुन गुबुन हारिया गुबुन गुबुन मुडै
बोसोर गोदाननि रंजानाय फोबों फालियो। बे फोबोंआ
रंजानायनि मुड रंजानायल' नडा। बेजों मिथिंगा
आरो सुबुनि जिउ खानायजों गोथौ सोमोन्दो दं। थारखौ
बुंभो थाडोब्ला सुबुनि जिउ खानाया मिथिंगानि सायावनो
बासिन सोनारो। बेनि गेजेरजोंनो सुबुनि हारिमु आरो
सोदोमस्त्रिआ जौगाखाडो, जायखौ लानाने सुबुडा
बयनिखुइबो गेदेमासिन जिब जानो हादों। गुबुन फारसेथिं
मानसिनि अनगायै गुबुन जिब-जुनारफ्रा मानसि बादि
हारिमु सोदोमस्त्रि गोनां नडा। मानोना बिसोरहा
मानसिफोरनि बादि खायदा बुद्धि गैजारोडा। जोंनि
बिसम्बियाबो मोनहासौयै गोदो-गोदाय मोनसे समाव
मानसियाबो जुनारफोर बादि थायोमोन, जायोमोन,
नाथाय सोरजिनिफ्रायनो मोनबोनाय गोखें मेलेम आरो
खायदा बुद्धि बाहाय बाहाय लासैनो जौगा जौगा दिनै
रकेट-कम्पिउटार मुगासिम सौफैदों। नाथाय गुबुन
जिब-जुनारफोरहा बे गुन गोहोआ गयैखायनो जौगानो

हायाखै; गोदो जैरैमोन दाबो बेबादिनो दं।

लक्षेश्वर ब्रह्मआ गावनि बिजाबाव बैसागुनि सोमोनदै गुवारै सावरायनो थांनायाव हारिमुनि बाध्राबो बुंफादों। मानोना, बैसागु, बेजों लोब्बा थानाय मेथाइ आरो मोसानायाबो एंगारो हायै बाहागो। नाथाय गोबाडानो खननाय-मोसानाय दामनाय देनायखौल' हारिमु होननो सानो। बेयो गोरोन्थि। थारै हारिमुनि ओथिया गुवारथार। मोनसे हारिया जिउ खांनायाव जाय खामानिफोरखौ मावो आरो गोसोनि सर्सा खालामो, बेफोरखौनो हारिमु बुंनाय जायो। बेनि सोमोन्दै Standard Dictionary of the english language आव रोखायै ओरै होननानै बुंदों- "The sum total of the attainments, and activitis of any specific period, race, or people including their implements, handi craft, agriculture, economics, music, art, re ligious beliefs, traditions, language and story."

हारिमुवा मोनफा हारिनि गुबै मुस्रि, हारिनि सिनस्रि। बे हारिमुनि इयुनखौ लानानै लक्षेशवर ब्रह्महा जेसेबां मिजिं दं, एसेबां गिनायबो दं। बिथानि मिजिं आरो गिनाया जौनिबो (हारिनिबो) मिजिं आरो गिनाय। मिजिं खालामनाय जादों, बर'फ्रा गावनि आंगो राव आरो आसार खान्थिखौ बावाखै, बेनिखायनो

बायदिसिना खैदां-खैफोद, जेंना-हेंथा उम्रिनाने दिनैसिमबो थांनाने दं। Across the golden Heights of Assam and NEFA मुनि बिजाबाव J.D. Baveja आ बेखौनो बुंदों- "The Kacharis have been the victims of fate. Due of invasions by foreignness, they were reduced to the status of poverty and forced to live in the jungles. But the chaging times have not been able to destroy their culture and traditions."

नाथाय आधिखालाव जों नूनो मोनो, गुबुन लोरबां हारिफोर बादि बर'फ्राबो गामिनिफ्राय सहर फारसे मोखां जानो हमबाय। जाउनाव मोब्लिब जुन्थिनि गेजरजों गुबुन हारिनि गोखों हारिमुवा साग्लोबसार गोहोम खोखलैनायलाय गावनिखौ नागारनानै गुबुननिखौसो लानो हमबाय। ग्लबालाइजेसननि गोहोमआ बेबादियैनो फैयो, गोबां हारिनि लोरबां हारिमुफ्रा थैलांगोन होननानै जों जायखौ गिदों। बर' हारिमुनि अलखदखौ नुहरनानैनो हारि अनफावरि सानजारां लक्षेश्वर ब्रह्मआ बेनिखायनो हुसियारि बोसोन होदों- "दानि थांनाने थानायनि थाखाय जुजिनाय बादायलायनायनि मुगायाव जौबो आंगो हारिमुखौ फोथांनानै लाखियाब्ला इयुनाव आन्दायनांगोन।" *

बिष : लक्षेश्वर ब्रह्मनि दोंसेल' सुंद' सल'

—ड० गोगोम ब्रह्म कछारी

'गोजांस्रिउ मोनो बिनारामा। बियोदि अमासिखौ गारनानै आरो (अमासि) बिफा बुदेलखौ थगायनानै फरायनाया आरो बालाथिखौ हाबा खालामनाया बेसे गिदिद इनाइ आरो बेसे गिदिद गोरोन्थि!' -¹

—बिनारामआ दिनै उन दाहा खालामदों, गिखांदों सानफिनदों. बुदेल माहाजोननि मददआव लेखा गोरों जानानै थगायनाय, बुदेलनि सिथलायावनो मोसानानै बिनि सिथलाखौनो जावखुनाय, बुदेलनि थोरसियावनो ओंखाम जानानै बे थोरसियाा खिबोनाय, मालायनि आदार जानानै गां रामारनो बिरलांनाय बेफोर हाबायादि मोजां जायाखै, बेखौ दिनैसो हमदांनो हाफिन्दों बिनारामआ। बेनि जाउनाव सासे आइजोनि जिउआदि थेर बेथेर! बेनि दोहो दोहो अरा बिनारामनि गोरबोखौ खामदों रोमो रोमो।

'बिष' सुंद' सल'वा लक्षेश्वर ब्रह्मनि सोरजिनाय दोंसेल' सुंद' सल'। बे सल'आव दावदाब मोनसेनि थरथाम अनथाइबादि गुबैयै साथामनि जिउजों सोमोन्दो लाखिनानै मानसिनि आखलनि मोनसे बिथिखौ सावरायदों। जाय बिथिडा बर' समाजावबो गैया नडा दं।

मानसिया खाबु फलान। फान्दायसुला,

थगायसुला थाखोनि मानसिफ्रानो मुखा गाननानै गिदिर गिदिर समाज फोसाबनायनि, हारि जौगानायनि खबां (जथुम) फ्राव बिबुंथि होनाय मानो मोना जानो जौनि समाजावलाय? नाथाय मैला आखायजों मालायनि मोखांखौ हुगारजाया।

सल'नि गुबै बाथ्रा :

निखावरिनि फिसा, उन्दैआवनो बिमा-बिफा गोमाजानाय लाइ-लथर गैजायै बिनारामा नाथाय फरायनायाव मोजां। रांखान्थिनि आंखालाव टिउसन लाबायनानै सोल्लोथाय लानाय बिनारामा गोजौ सोल्लोथायनि थाखाय बुदेल माहाजोननि मदद मोन्दोंमोन। बिनि मददआवनो गोजौ सोल्लोथाय लाहैदोंमोन गौहाटियाव। बेनि सोलाय फिसाजो अमासिखौ हाबा लानांगौनि जबान। बुदेलआ हा-हु फाननानैब्लाबो नांगौमानि हरदोंमोन। गौहाटीयाव कलेजनि सोल्लोथाय लाहैनायावनो बियो बालाथिखौ लोगो मोनो आरो गोसोथोलायो। बुदेल माहाजोनादि फिसाजो अमासिखौ हाबा होनोसो बिनारामनो रां मदद होदोंमोन, फोरोंदोंमोन-बे बाथ्राखौ नाथाय बिनारामा बावलांबाय बालाथिनि महर मुस्त्रियाव गोजावनानै। बिनाराम-अमासियाबो नाथाय मोजां मोनलायखानायमोन।

“.....सानसे समाव बालाथि होत्राय लेखा गोरों सिख्लाखौ हाबा खालामनायसै बियो अमासिखौ जिउ, महर, मुसुखा आरो सावगारिखौ बावनानै”²। सल'आव बुंथिनाय बे बाथ्रानिफ्राय विनारामादि फोथाय खेबस' हाबा मावदों -बियो रोखा। लंकायाव थांब्ला रावण जायो।

हाबानि उनाव बिजनीनि मबेबा गंसे हाइस्कुलाव माष्टार साखि मोत्रायसै। माष्टार जानायनि उनाव समाजाबो सासे गोरों मानसि होननानै साज्राडै गनायथि होबाय। जायनि जाउनाव खबां (मिंटि) फ्राव बिबुंथि लाखिनोबो हांख्रायजानाय जाबांय।

बे सल'नि गेजेरजों जों मोत्रो हानाय सोलोंनां बाथ्रा (lesson) फ्रा जाबाय-

1. मानसिया खाबु फ'लान, सुबिधाबादि (selfish)।
2. माखासे खाबु फलानफोरनि थाखाय माखासे थाखोनि मानसिफ्रा नासयजायो, नेवसिजायो, जिउआव आन्दायनाडो।
3. समाज बेरेखा, अगेन सुबुंफ्राबो गावनि नंगुबै आख'लखौ दोनखोमानानै समाज फोसाबनायनि हाबायाव ओंखारफलानानै गावनि दाय दोफोखौ दोनखोमानो नाजायो, समाजाव गावखौ गाइसंनो नाजायो।
4. मानसिया मालायनि इनाय हाबा मावनायनि थाखाय गावनो गोसोनि साजा मोननाडो, उन दाहा खालामनाडो, गन्थं गोनांब्ला लाजिनाडो।

5. समाजनि मानसिफ्राबो लेखा गोरों होनब्लानो मोजां सानजोबो, खाबु होयो। बिजिरागारा दैदेनगिरि सात्राया राइजोफोरनि मोनसे गोरोंथि।

6. सोलोंथाय लानो थाखाय रांखान्थिया जेंना जानो हाया। मेलेम दंब्ला, गोसो दंब्ला मदद होग्रा थायो।

बिनारामनि थाखायनो अमासिया दिनैसिमबो हाबा जायाखिसै एबा लायाखिसै। बियो अमासिनि मोनसे सतबांसा। सतबांसा इनायजों जुजिनायनि। “.....अमासिया थारैनो मोजां मोनोमोन। हयथ' जिउ थासान्दियाव बियो हाबा खालामनाय नॅलिया”³ -बिजनीनि साहा थानाय लाउगामियाव जानाय आइजोफोरनि खबांआव बाहागो लानो थादोंमोन बिनारामा। सिख्ला, बुरै, गोरों-रोडैः जनाय जायगानि हिनजावफोरनि खबांआव बिबुंथि लाखिदों हाइस्कुलनि फोरोंगिरि बिनारामाबो।

-“हौवा हारिल' गोरों-गोरा जाब्ला जाया। हारिखौ गोजौ जांख्नायाव गाखोहोनोबा हिनजाव हारियाबो जाखांबोनांगोन, जान्जि खाफ्रानांगोन आरो.....। हिन्जाव हारिफ्राबो नेरसोन गोनां जानांगोन”⁴ नाथाय बिनारामा बुंजोबनो हायाखिसै। खबांनि दाबसे खनाथिं हाथासि मोखाडैः जिंगायल' जबायथानाय अमासिखौ नायसन्नानै बनि बिबुंथिया थाबथायो। लोगो लोगो बिबुंथिखौ फोजोबनानै, आफादगिरिनाव सोंनानै लांफेथा होबोनायसै बियो। 'अमासिया थारैनो मोजां मोनोमोन' -बिनारामनि

2. लक्षेश्वर ब्रह्मनि रनसाइ माला, बिलाइ-19

3. लक्षेश्वर ब्रह्मनि रनसाइ माला, बिलाइ-19

4. लक्षेश्वर ब्रह्मनि रनसाइ माला, बिलाइ-13

साननाय बे बाश्रानिफ्राय मिथिनो हायोदि, अमासिया गावखौ मोजां मोननायखौ साज्रां लादोंमोन बिनारामा। गोथैयै अमासिनि गोरबो इसिडाव हाबनो नाजायाखैमोन बियो।

बिनारामा अमासिनि थासारिखौ नुनानै गोसोआव जेथो नांदों। अमासिनि मोखाडाव दिनै बियो नुनो मोन्दों अमासिया जेन संसारनि मायाखौ नागारजोबबाय। बियो संसारखौ मुगैबाय। मुगैबाय बिनाराममोनबादि लेखा गोरों, लांसुनिया, फान्दायसुला हौवाफोरखौ। नाथाय खुगायाव राव गैया। जानो हागौ राव होनो मोनथायबो थानाय नडा। बियो संसारखौ बाला हामाबादि रानस्राव मोनजोबबाय। साबेसेयाबा संसाराव अमासिमोनबादि थगायजादों, नेवसिजादों।

बिनारामनि गोसोआ दिनैसो उन दाहाजों थेर बेथेर जादों। गाव लेखा गोरों मालाय मा जानो, माष्टार मालाय मा जानो; गियान आरो आख'ला सोल्लोंथायजों सिथाबफानाय जिराद नडा।

हारिनि हखाय सानग्रा ब्रह्मआ बे सल'नि गेजेरजों हारियाव थानाय गेना सात्राय मोनसे बिथिंखौ नोजोर थिनानै समाजआव फोरमायनो नाजादों। सल'नि गेजेरजों फोरमायदों- “बिनारामा सानो- अमासिया गोजौ हाजोआव आरो गाव बेसेबा गोथौ फुख्रियाव।.....अमासिया हयथ'..... बुंनो सान्दों- बिनारामा थगायसुला, अनजिमा गैयै मानसि। गावखौ बिनारामा जेरै थगायदों, बिब्दि जेन दस्राफ्रा

थगायजाया। बिनारामबायदि थगायनानै जानाय गोरों हौवाया हारिनि गेजेराव नेर्सोननि जेबो बाश्रा बुंनो हाया।दिनैनिफ्राय रावबो दाफोथाय, लामा दाहो। बिनाराममोनबायदि मानसिया हारिनि आरो समाजनि हांगार।”⁵

बालाथिया नाथाय बेफोर बाश्राखौ खि फोददा जेबो मिथिथारा सिबाय। बेखायनो खबानिफ्राय थाब फैफिनब्ला सोगोमदोंसो- “मा जाखो मानो थाब फैफिनखो?” जानो हागौ बालाथिया बेफोर बाश्राखौ सिगाडावनो मिथिनायमोनब्ला जाथायफ्रा गुबुन आन्थोरजों थांगौमोन।

“.....अमासिनि खोमसि मोखाडाव होमब्ला बिनि गोसोआव साग्लोबफैदोंमोन”⁶

लक्षेश्वर ब्रह्मनि सानस्रिया गेबें आरो रोखा। बिथानि “गोजोत्राय” रायथाइयाव फोरमायनाय फंसे बाश्रानिफ्राय जों दिन्थि महरै लाबोनो हायो- “मोजां मावनानै गोजोन मोत्रायाव गोगगानाय थानो हागौ: नाथाय गात्रि आखलै मोननाय गोजोत्रायाव गोगगानाय थानो हाया। ईस्वर चन्द्र बिध्यासागरा बिमाखौ सिबिनायाव, सिन्धुमणिया खाना बिमा-बिफाखौ सिबिनायाव गोथार गोजोत्राय दं; नाथाय रत्नाकर दस्युनि बिमा-बिफाखौ सिबिनायाव बियो गैया”।

लक्षेश्वर ब्रह्मआ गावनि सल' फोरमायनाय आदबजों फरायगिरिफोरनि गोसोखौ मुहिहोनो हादों। सल'नि बिथाया दोल गोनां, साज्रां नडा। गेवलाहांबोनाय

5. लक्षेश्वर ब्रह्मनि रनसाइ माला, बिलाइ-20

6. लक्षेश्वर ब्रह्मनि रनसाइ माला, बिलाइ-20

बर' समाजखौ लानानै दानाय जादों सल'नि बिथाखौ ।
 सल' फोरमयनाय आदबा गावजों-गाव सोमोन्दो गोनां ।
 लिरगिरिया गावनि मोन्दांथिजों बर' समाजनि गेना-
 गोरान्थिखौ दिन्थिनानै मोनसे बिथिंखौ नोजोर होनानै
 आरो गोरान्थि मावब्ला, मालायनि इनाय खालामब्लादि
 उन दाहाजों गोसोनि साजा मोननाडो बेखौ फोरमायदों ।
 सानबोलावरिजों सोरजिनाय समाजनि रिफिनाय गोनां
 बे सल'खौ फरायब्ला खामाखाय मोखथांबादि मोनफ्राडो
 आरो फरायग्राखौ मुहिहोनो हायो । सल'नि
 जाफुंसारनायाबो बेवहायनो ।

नाथाय इसोराबो एखनब्ला मानसिखौ आसि
 थाइबानि जायगायाव थाइद' सोरजिफ्राडो । बेबादिनो
 लक्षेस्वर ब्रह्मनि 'बिष' सुंद' सल'आव बुदेलखौ
 माहाजोन होननानै दिन्थिदोब्लाबो बिनारामनि
 फरायनायावनो हा-हु, दोहोन-सम्पति फानजोबनांदों ।
 बेफोरखौ खुदै मन'योब्ला सल'आ जाफुंदों । "नाथाय
 अमासियाखि बिखौ निमाहा होगोन? बेसेबा गोबाव
 सिगाडावनो बारग'लांबाय बे समा।" -ब्रह्मनि
 फोरमायनायबादियैनो सल'वा गावनि आखुथायबादि
 suspension नि गेजेरजों थुंगेदों ।

7. लक्षेश्वर ब्रह्मनि रनसाइ माला, बिलाइ-20



नुनाय आगान

—दान्ते बर'
बारग' फरायसा

फुंबिलि समाव दाउज्ला गिसिबनायजों
गोमसारहोदों गामिखौ जॉनि,
उन्दै-उन्दै लाइमोन फरायसाफोरा
बायदि मैया रोखोमनि रंजानाय मेथाइजों।
आयं बादोरा होलांदों मोसौ हालि
हाल एवनो दुब्लि फारसे।
आबै बेलस्रियाबो सौरा न'आव जिरायना
साहा फुदुंबाय आयंनो फोथार फारसे हैनो।
लारि-लारि बिरलांदों दाउमा-दाउसाफोरा
फैलाव फोथार फारसे गावनि आदारखौ नागिरनो।
उन्दै-उन्दै लाइमोनफोरा गियान सोल्लोंनो थांदों सोल्लोंसाखुलि फारसे।
बेसेबांबा सोमोनांथाव आरो गिथाव
बे बुहुमनि उदां आगान थिलिया...।
सुखु-दुखु, गाबनाय-मिनिनाय, एना-एनि
सहायनांगोन गासै मोननाय
जिउनि बुब्लिखौ।
अबोलासो जाफुंगोन नुनाय आगाना नॉनि
जोंखोल थरसे हाथरखिबादि।

इयुना सोमावगोन

—सोरांन्नि गयारी
बारग' फरायसा
एम.ए.

इयुना सोमावगोन नोंखौ सानसे
नों बुजियाब्ला...
लाथिख' जिउजों गाबनांगोन
नों बुजियाब्ला...
लंथं बिफांनि सिडाव जिरायनानै
जिउनि मोनफ्रोम बुब्लिखौ
नों बारहोनांगोन।
मोदे रथ' रथ' गाबनांगोन
बिदिन्थानि फाखनखौ
नं बुजियाब्ला...
रानजिनाय सोलेरखऔ लानानै
अब्ला बुजिगोन नों।
महर गैयि सोदोब
नोंनि बिबुंधि...
इयुना सोगावगोन नोंखौ सानसे
नों बुजियाब्ला...
अब्ला जानांगोन नों
ओंथि गैयि लाथिख' जिउ। *

बिबार बायदि दा लरहाय नों

—लखेन दैमारी

थाबाय था नों अनजालि
आंनि जिउनि लोगोरि जाना
थैस' थांस' नैबे समायना बुहुम बिखायाव
बिबार बायदि दा लरहाय नों।

अराय आंनि साखाथियाव थाना
मिनिस्लु मोखांजों फोरमाय नों
आंनो गोरबोनि बाथा सुखु दुखु।

दा जायखारलां नों रजे...!

आंखौ गारनानै....!

दुखु मोनगोन गोरलै गोसोआ
सान आरो हर गोमालांगोन
मिनिस्लु मोखांनि इसारा।

खन्थाइआ गोसोनि राव जाना थागोन
सिमां मिजिं हाबिलासफ्रा
दाखा जोमैजों सौग्रावना थेर बेथेर
गोमालांगोन लोगोसे आंबो,
बिबार बायदि दा लरहाय नों। *

मोनस'हायि मोगथां

—पबित नार्जारी

बड'लेण्ड मुलुगसोलो'सालि

दाबा: नों पबित ना?

पबित: औ।

जायला: दोद जावलिया बबे बबेनिफ्राय नुजा फैला बायखौ?

फैफा: दिनैलाय मा मैया मैया धुमकेतु फैखोलै....

आजमुल: खबर मजां न' असल? एमान बसरनि उनाव दिनैस'...

दाबा: साइस जाथारबाय आसोल नोंना हा...हा...

पबित: जावलियाबादि गोब्राम नाडा..

जायला: है बाद हो बेफोरखौ, औरै जिराय फै, खाबसे लोंना हो मेंगानायनि।

बेसेबांबा गोबावनि उनाव पबितआ दिनै दाद जांगिला महर मोखांजों गोगोम गोस लानानै न'नि सितलायाव आगान होफेदों, उन्दैनि लोगोफोरा Party खालामनो लाहार-फाहार खालामगासिनो दंमोन। दाबाया सिनायहां-हां मोननानै गोसो मोनसा-मोनसा सोंनायावसो गावजों गाव साननायजों सौदाव लायनाय मोखांजों मोखां जालायनाया खारो।

उन्दैआवनो न' नागारनानै खारनांनया

पबितनि गोसोआव जेब्लाबो गानो रोडै मोनसे बुब्लि, जाय खोन्दोआ जिउ लामाखौनो गुबुन बिथिजों लादों। पुलिस जों नागिरजायै नागिरजायै बबे बबे जायगायाव नोगोराव थांनानै देरखो गावनो गाव उदिस मोनस्लाबासै। दा कमफानि बायदिफोरावनो खामानि मावला बायनानै जिउ खाडो।

Party जानाय उन्दैनि लोगोफोराबो आदाखावनिया फरायजोबनाय, आलां-फालाडैनो सम हरगो, एखनबा हाजिरा कामलाबो मावला बायो।

एमाव राजाया खर'आव जायगा लाहांबाय। सुर जास्लाबै बांगार आजमुला बर' राव बुंनया गोखोंथारसै-अइ पबित आसल, कमफानियाव लांदब्रा जोंख', निथ' जायगाख-मथिखागना। फेंफायाबो जर हदेरो थांनां सिगोननोसै गामियाव जेबो जानायखौनो मोनथारला माथो... बे समावनो न' सेरनि लामाजों स्कुति गंसे फैना नसुंसे न'आव गाबफैयो। पबितआ नायहरनानै नुबाय सासे समायना सिखअला आरो सासेया बिमा बैसोनि। दाबाया पबितनि नायगोमोनाय नोजोरखौ थांखिनानै बुडो- सिनायाखै नामा? नॉनि

महाभारतसो जावलिया।

11 बोसोर गोलाव सम जायगा गिदिं गिदिं जिउ खांदोंमोनब्लाबो गावनि जारिभिनखौ सम सम गोसो खांनानै मोदै ज्राम बोहैनाया हुदाखा बादि जाबायमोन। नसुंसेनि फेरलेबसे सिरि सिरि मोजां मोनलायखुमानाया गोरानिफ्राय गोरानिसिन जालांबायमोन। सम सम बेरायनाय, गुलि गुलि एदावलायनाय, बोराबलायनाया बारानिफ्राय बारा जानायाव फेरलेब बिमाया स्रोद स्रोद सुलु लाबाय थादों।

बहाबा फुजा जायोब्ला, बहाबा सिनेमा लाबोयोब्ला पबित आरो फेरलेबजों सानसेबो बारग'वा। बारानिफ्राय बारा जालांबाय-थानायनि सिनेमाया माब्ला-माब्ला दं बेखौ फेरलेब बिमाया सुलु लायो आरो बेनिनो सुबिदा लानानै पुलिस थानायाव थांनानै पबितखौ केस हैयो आरो जेब्ला फिसाजोर्जों सिनेमा नायखांनानै न'आव फैगोन अब्ला हमनानै लाबो होत्रा बुंबोयो।

फेरलेब बिमा बुंबोनाय बादिनो पुलिसफोराबो बिसोर सानैनि सिनेमा नायहैनायखौ सुबिदा लाना थांलाय फैलायनि समफारिखौ खौरां लाजोबो। पबितनि न' फेरलेबनि न' एखेयानोबादि जेराव नसुसेल'। बिसोरनि न'आव पुलिस हाबफैनायखौ मिथिना गामिनि मानसिफोरा मा जादों नायनो फैयो, बेनिनो गेजेराव पबितनि लोगो दाबायाबो नायफैदोंमोन। जाथायफोरखौ मिथिनाय लोगो-लोगोनो सिनेमा देखायनाय जायगासिम साइखेलजों रावना

होनो सम आद्रि खालामाखै दाबाया। सिनेमा देखायनाय जायगासिम थाथारा लासिनो न' फारसे फैफिनगोन लामायाव नेनानै थायो। असे लोगोनि बाध्राखौ खोननै फोथाया लासिनो थायाखै पबितआबो। दाबाया जेरै खारखुमानो थिनदों बिदिनो गाननायनानै लायो, थएवबो दुखुजोंब्लाबो न' मोनहासिम फेरलेबखौ दोनफैयो आरो बिदाय लायो। बै समनिफ्रायनो पबितनि जिउआव मोनसे रानरोडै गाराय जानाय थायो।

दाबाया 'नोंनि महाभारतसो' होननाय लोगो-लोगोनो फेरलेब होनना मिथिनायाव से सेकेण्डबो नाडाखै। बेसेबा गोबावनि उनाव दिनै नुनानै नायगोमोदों, साननायनि देबोर नादों आरो मोदैया उदिस मोनस्लाबासै निजोरा बोहैदों।

खर'सा गुदियाव थानाय मबाइला रिं रिं रिडो
आं: 'हेल'।

Unknown Girl: Good Morning
दादा।

आं: Morning आगै।
Unknown Girl: नों आदा पबित ने?
आं: औ आगै आंनो।

Unknown Girl: दादा आं
Bodoland University Bodo Department नि PGET खौ होदोंमोन। आंमफ्राय Merit List आव 80 नि उनावसो। मोनगोना मोनाथाय दादा?

आं: मोनगोना मोना आं दा बुंनो हाया आगै, नाथाय
जुदि 80 सिमनि गेजेराव थानायफोरा सोरबाफोर
Admission लाफै याब्ला 80 नि उनाव
थानायफोरखौ Seat सुफुंनो सोसनगोन। बेबो
बरखल'नाय नडा फारियैसो सोगोन।

Unknown Girl: Second List

ऑखार बावगोन नामा दादा?

आं: बुंनो हाया आगै।

Unknown Girl: मिथिब्ला खबर हरदे दादा।

Unknown Girl: दोनथ'नोसै होनब्ला दादा।

आं: औ दे।

Unknown Girl: Bye दादा।

मुबुं मुसि Received ल' खालामदो, Call

दानखांनायनि उनाव नायब्लासो नुबाय नम्बरा
Unknown, अब्ला फुंनि 7 रिंगा जाबायमोन।

हुस मोनब्ला थायनै मेगनाव मोदैजो सिगलाबनाय,
फेरलेब आरो बिनि बिमाखौ लोगो हमहैनो नाजाफिनदो
आं नाथाय बौरैबाय? Unknwon Girl आसो
दायनिगिरि जाना गोसोआव खें खायसो खालामबाय।

मुंखलंफोर

--अनिसा बसुमतारी

बडाइगाव फरायसालिमा, बडाइगाव

हादरखौ सिनायथि होनो
जोनोम लार्दोमोन नोंसोर
नै मुंखलं जोहोलाव जोहोलावजोफोर।
मुंखलंफोर नोंसोरदि जौनि बेसेबा गोजानाव
हादरनि थाखाय बाउसोमदोंमोन नोंसोर,
गावखौ गोसो मोदोम बाउसोमना,
ग्रिद-ग्रिद ऑखारबोदोंमोन नोंसोर
नाथाय बेयाव गावखौ गथायनांबाय नोंसोर
नै मुंखलं जोहोलाव जोहोलावजोफोर
गोहो हरदो जौनो जुजिनो
जों बजबगोन जोथोनै।

मोनस्लाबै

—धनस्त्रि गयारी

मोखेबगासे उनानो आंखौ,
 दाहानि गुथाल नुहोदों,
 हां खनसेनि थाखायनो मासिया आबुं
 आगानसे सिगाडानो बान्थानि रादाब।
 दान्दिसे उनानो दाहानि दावदाब,
 दाउफोर बादि बिरै-बिरै,
 नागिरदों दान्दिसे जिरायनो,
 मॅनाय सोलेरखौ फोजोबनो।
 नाथाय बांसिनसो सफैदों,
 लामायाव नुबोनायखौ लानानै
 गोसोआव जाखांफैफिनदों,
 बेलासि समावबो बिरलांदों बालाहामायाव।
 रिफिखांनाय सायख'डाबो बायपलेदों,
 गोग्लैनाय हाखराव,
 बिरखोगौ गामि साना दोरोददों
 सोरगिदिं साग्लोबदों खोमसिनि बेंखन
 नाथाय; गिदिंफिननो सम गैला,
 मॅनाय, बानायाबो गोग्लैसिनदों
 दैखांख' हायै जादों,
 धांयारनो जुजिनायानो हां सरथेनांदों।

हास्थायनायनि मिजिजों

—रिमा बसुमतारी

एम.ए. बारग' फरायसा

अम्बासि हर गेजेर समनि
 सि-सि, सा-सा, थि-थि
 गाबनाय एम्फौफोरा मानोबा
 खायसो मोनहोदों गोरबोखौ आनि।
 खालामदों निन गैयै मेगनाव
 गेरब्लाउ नायना माबा सानहाबनो लादों
 सिमा गैयै सानबोलाउरियाव लोहाबनानै
 बायलुं गोसोआ सोरखिनो हाया जादों
 लोरबां गोसोआ सुजुनाय सानध्र'हायै
 इयुन सिगां, सान-हर हान्थिदों,
 गोजांसिउ मोनहोदों समाव गोरबोआ
 नाथाय मानिगोनदा बे
 आब्रा गोसोआ आनि।
 आफा थालाजों गाजबजानाय
 दुब्रि गांसोआबो निरासा जायाखे
 गोदान फुंबिलिनि निहोरजों
 गोदानै खर' दैखां दैखां जाखारबोयो
 नों माखौथो जिगा सिदों
 बुंबाय गोसोआ आनि।

बिजनी सोलोंसालिमा बर' थुनलाइयारि आफाद

-ड० इन्द्रजित ब्रह्म

आथिखालनि चिरां जिल्लानि सिङाव थानाय बिजनी सोलोंसालिमायाव, सोलोंसालिनि बर' फरायसाफ्रा, फरायसालिमा खौसेथि आफाद, दालाइ दुलाराय बर' फरायसा आफाद, बिजनी दख'रा दुलाराय बर' फरायसा आफादनि बिबानगिरि आरो बारग' फरायसा, फोरोंगिरि गासैबो खौसेथै सावरायलायनायनि गेजेरजों गोनांथिखौ मोनदांनानै थांखि आरो नोजोरखौ लानानै, गाहायाव मख'नाय मानिनां सोद्रोमा बिथांमोननो मावफुं बिबानगिरि होनानै इं 1992 माइथायाव बिजनी सोलोंसालिमानि, बिजनी सोलोंसालिमाया बर' थुनलाइयारि आफादखौ दाफुंनाय जायो। गिबि गिबि मावफुं बिबान मोत्राय बिबानगिरि बिथां मोनहा जाबाय फारियै-

1. बिरेन्द्रगिरि बसुमतारी (Vice President) आफादगिरि
2. मानिक बसुमतारी (बारग' GS) बिजनी सोसोंसालिमा), लेडाइ आफादगिरि
3. संकरदेब गयारी- नेहाथारि (फरायसा)
4. आनजेला नार्जारी- लेडाइ नेहाथारि (फरायसा)
5. गोगोम ब्रह्म कछारी- सुजुगिरि (फरायसा)
6. बोसोनगिरि- जमिअ' कुमार बसुमतारि, बिबुंगिरि, राजखान्थि बिफान, बिजनी सोलोंसालिमा।
6. निरु बसुमतारी, बिबुंगिरि, बर' बिफान।

आफादनि थांखि आरो नोजोर:

1. थुनलाइ, हारिमु सिबिनाय।
2. बिजनी हालामनि आरो बायजोनि गुबुन गुबुन गोजौ गेजेरारि, गोजौसिन, सोलोंसालिमा आरो मुलुग सोलोंसालिमानि फरायसाफोरनि गेजेराव लोगो मोनज्जायनाय आरो खौसेथि खालामलायनायनि सुजुग खालामनाय।
3. बिजनी सोलोंमानि फरायसाफोरनि गेजेराव थुनलाइयारि आरो हारिमुवारि आयदायाव सोरजिल्लु गोसो सोमजिहोनाय आरो दावखो होलांनाय।
4. गेदेमा सानजारां लक्षेश्वर ब्रह्मनि थैनाय गोसोखां सानखौ बोसोरफ्रामबो फालिनायजों लोगोसे बिथांनि

मोनथोर सानस्त्रिखौ गोजोर खालामनाय आरो गोसार होनाय।

5. बिजनी सोलोंसालिमा बर' थुनलाइयारि आफादनि बोसोरारि खुगा लाइसि 'आलारि' खौ दिहुनलांबाय थानाय।

6. सोलोंसालिमानि बर' फरायसाफोरखौ खौसेथियै लाखिनाय। इं 1992 मायथाइनिफ्राय दिनैसिम आफादगिरि आरो नेहाथारिनि बिबानखौ रुजुनबोनाने बिजनी सोलोंसालिमा बर' थुनलाइयारि आफादखौ सामलायबोनाय बिबानगिरि बिथांमोननि मुं फारिलायानो जाबाय-

आफादगिरि	नेहाथारि	मायथाइ
(1) बिरेन्द्रगिरि बसुमतारी	(1) शंकरदेब गयारी	1992-1992
	(2) राजेश कु: ब्रह्म	1992-1993
	(3) बिनय कु: बसुमतारी	1993-1994
(2) जमिअ' कु: बसुमतारी	(4) इन्द्रजित ब्रह्म	1994-1995
	(5) इन्द्रजित ब्रह्म	1995-1996
	(6) रोहोसा ब्रह्म	1996-1997
	(7) लाहेराम मुसाहारी	1997-1998
	(8) कमल कु: गयारी	1998-1999
	(9) कमल कु: गयारी	1999-2000
	(10) रबिन गोरा बसुमतारी	2000-2001
	(11) सानसुमा बसुमतारी	2001-2002
	(12) अशक कु: नार्जारी	2002-2003
(3) गोगोम ब्रह्म कछारी	(13) बिसित्रा बसुमतारी	2003-2004
	(14) मनिल बसुमतारी	2004-2005
	(15) हेनरि बसुमतारी	2005-2006
	(16) सुबिलाल दैमारी	2006-2007
	(19) बुद्ध गयारी	2007-2008
(4) इन्द्रजित ब्रह्म	(18) रनजय कु: ब्रह्म	2008-2009
	(19) इजिपस्तेन नार्जारी	2009-2010
	(20) फुलुं ब्रह्म	2010-2011

आलारि

	(21) पुनम बसुमतारी	2011-2013
	(22) सोमदोन ब्रह्म	2013-2014
	(23) ललित ब्रह्म	2014-2015
	(24) कपिल देब बसुमतारी	2015-2016
	(25) दुला बसुमतारी	2016-2017
(5) गोगोम ब्रह्म कछारी	(26) बिक्रमजित ब्रह्म	2017-2018
(6) ड० गोगोम ब्रह्म कछारी	(27) समादान गयारी	2018-2019
(7) ड० गोगोम ब्रह्म कछारी	(28) चन्दन बसुमातारी	2019-2020
(8) ड० गोगोम ब्रह्म कछारी	(29) पबित नार्जारी	2021-2022
(9) ड० इन्द्रजित ब्रह्म	(30) पबित नार्जारी	2022-2023
(10) जयसि नार्जारी	(31) रोमै ब्रह्म	2023-24

बिजनी सोल्लोसालिमा बर' थुनलाइयारि आफादनि बोसोरारि खुगा लाइसि- 'आलारि' खौ इं 1996 मायथाइनिफ्राय दासिम सुजुगिरिनि बिबानखौ लानानै सुजुनानै दिहुनबोनाय सुजुगिरि बिथांमोननि मुं फारिलायानो जाबाय-

बिसान	गाहाइ सुजुगिरि	मायथाइ
सेथि बिसान:	बिनय कुमार बसुमतारी	1996
नैथि बिसान:	बाबुराम बसुमतारी	1997
थामथि बिसान:	कमल गयारी	1998
ब्रैथि बिसान:	अनिला बसुमतारी	2004
बाथि बिसान:	हेनरी बसुमतारी	2005
दथि बिसान	रोजोब मुसाहारी	2006
स्निथि बिसान:	बिपुल मुसाहारी	2007
डाइनथि बिसान:	बिमल चन्द्र मुसाहारी	2008
गुथि बिसान:	राखेब बसुमतारी	2009
जिथि बिसान:	लक्षण नार्जारी	2010
जिसेथि बिसान:	सोरांसार दैमारी	2011
जिनैथि बिसान:	गोगोम बसुमतारी	2013

जिब्रैथि बिसान:	अमित बसुमतारी	2015
जिबाथि बिसान:	गोसोखां बसुमतारी	2016
जिड'थि बिसान:	दैमालु बसुमतारी	2017
जिस्निथि बिसान:	रनसाय रनसाय बसुमतारी	2018
जिडाइनथि बिसान:	बिलिफां दैमारी	2019
जिगुथि बिसान:	दान्थे बर'	2022
नैजिथि बिसान:	बिनेस्वर बसुमतारी	2023

दिनै बिजनी सोलोंसालिमा बर' थुनलाइयारि आफादा फैयै फैयै 33 बोसोराव आगान होफैबाय। बेखिनि गोलाव समाव आफादा, आफादनि थांखि आरो नोजोरखौ गुदि खालामनानै हाबा मावबोबाय थार्दों। सोलोंसालिमा थुनलाइ आफादनि बर' फरायसाफ्रा गुबुन गुबुन सोलोंसालिमाफ्राव जेरै- ईसान मुसाहारि गोसोखां सान (कक्राझार सोरकारि सोलोंसालिमा), जोहोलाव निलेस्वर ब्रह्म गोसोखां सान (गसायगाव सोलोंसालिमा), सतिस् चन्द्र बसुमतारी गोसोखां सान (जन'ता सोलोंसालिमा) आरो रेनु बर' गोसोखां सान (बर'मा सोलोंसालिमा) फालिनायफ्राव नुजाहैनानै थुनलाइयारि आरो बाइदि हारिमुवारि आयदाफ्राव बाहागो लाबोबाय थार्दों आरो देरहासाद जाबोनो हानायनि अनगायैबो गाव गावनि रोंग'थिफोरखौ दिन्थिनो खाबु मोनबोदों। गुबुन गुबुन जायगाफ्राव बाहागो लाहैनायनि अनगायैबो बिजनी हालामाव बर' थुनलाइ आफाद, आरो दुलाराय बर' फरायसा आफादनि बोसोरारि जथुम्मा हाबाफारिफ्राव बाहागो लाबोदों। आफादा, आफादनि थार, थुनलाइगिरि सानजारां लक्षेश्वर ब्रह्मखौ मान होनायजों बिथानि सानस्त्रिखौ गोजोर आरो बर' फरायसाफोरनि गेजेराव गेवलांसार होनाय नोजोरजों बिथानि थैनाय सानखौ 1 आरो 2 अक्ट' सेप्टेम्बराव सिगां समाव बायदि जाहोनाव एसे लोरबां जादोंमोनब्लाबो आथिखालाव बोसोरफ्रोमबो गुबुन गुबुन सोलोंसालि, सोलोंसालिमा आरो मुलुग सोलोंसालिनि फरायसाफोरखौ हांख्रायनानै बायदि आयदानि हाबाफारिजों गाजा गोमजायै आब्रुथिनि गेजेरजों फालिबोबाय थार्दों। आफादनि बोसोरारि खुंगा लाइसि 'आलारि' आबो दिहुन जागासिनो दं। आरो बेनि बिसाना 20 (नैजि) सिम जाफैबाय। जाय लाइसिनि गेजेरजों सोलोंसालिमानि बर' फरायसाफ्रा गाव गावनि थुनलाइ सोरजिखौ फोसावनो खाबु मोनदों। बोसोरफा मोनफा फोसाव जानायनि उनाव गावखौनो सासे राफोद लिरगिरि जानो हानायनि थुलुंगानायखौ मोननो हार्दों।

दिनै बिजनी सोलोंसालिमा बर' थुनलाइयारि आफादा, बाइदि हाबाफारिफ्राव बाहागो लानाय

आरो सानजारां लक्षेस्वर ब्रह्मनि थैनाय गोसोखां सान फालिनायनि गेजेरजों आसाम हादाबसानि दाब दाब जायगायाव बिजनी सोलोंसालिमा बर' फरायसाफोरनि मोनसे गोजोरथि आब्रुथि गोनां थुनलाइयारि आफाद होननानै मिथि जाबाय। बे आफादनि दारैनो सोलोंसालिमानि फरायसाफ्रा बाइदि आयदानि हाबाफारियाव बाहागो लायै लायै जेरै थुनलाइ, मोसानाय, दामनाय-देनाय, खन्नाइ-मोसानाय, बिथिंआव एसेब्लाबो राफोद जानो हादों। गावनि रोंग'थिफोरखौ दिन्थिनो हादों। गुबुन गुबुन फरायसाफोरजों मोजां सोमोन्दो साननो हादों। सोलोंसालिमानिफ्राय दैदेनगिरि ओंखारदों, लोगोसे खन्थाइगिरि रायथाइगिरि ओंखारनानै बर' थुनलाइखौ गेरेमसा खालामनायाव मोजोमसे हेफाजाब होनो हादों। इयुनावबो होलांबाय थागोन, मिजिं थिबाय।

बिः स्रोः बः थुः आः
जिउ लावथों।
थांबानै थाबाय थाथों।

समनि दाहाराव बर' हारि

—दिमोल ब्रह्म

बि.ए थामथि फरायसा

मिथिगानि हायना महरखौ
 नोजोर बोयै बोयै,
 आग'र ज'थाइ ज'थाइ
 एरनाय आर'नाय फालियाव
 दड'ना बर' आयजोनि नेरसोनथि?
 खान्थाल मादा दख'ना स्याय गाननानै
 सेरेरे जानजियाव गान्नाय आर'नायखौ,
 बेखेवनानै गुबुन्नो होफ्राडाखैथ' ?
 आंहा गोसोआव गिखांनाय दं
 दिनै बर' आयजोनि सोलेराव
 हारिनि महर मुस्त्रि गैलिया।
 आथिखालाव जाप्लेबाय थानाय जाथाय,
 बर' आइजोनि जिउ गोमानांनाय,
 गावखौ फोजोबनाय लानाय,
 समाजारि बायदि सावगारिनिफ्राय
 गावखौ दोनखुमा बायदों।
 थाखोमा थाखोमा आनदोआव थानानै
 देहा सोलेर गोर्जास्त्रिउ मोनदों,
 मेग'नाव थरथि थरथि मोदै बोहैदों,
 थारैनो बर' हारिनि खौसेथिया माब्ला फैगोन?
 दिनै हारिनि हाबा मावनो थांनायाव
 गुलाय गुजाय, एना-एनि,
 बेनो नामा ?
 बर' हारिनि गुबै आखुआ। *

अननायजों दागेले

—बिहुला बसुमतारी

एम. ए थामथि फरायसम

अननाय होफिननो हायाबा
 अननाय लानो नाडा,
 खोथा लाखिनो हायाब्ला
 खोथा होनो नाडा।।

गुबुननि गोसोजों गेलेनानै
 गोसो सिफायनाया,
 गोरलै खोथा नडा
 जिव लानायजों समान।।

थार मोजां मोननाया
 सासेजॉल' जायो,
 गोसोखौ सासेनोल' होनो हायो
 सानै साथामनो नडा।

गोदै सिमां सुजुहोनो नाडा
 मोगथां महर होनो हायाबा,
 फावथिना दिनथिप्लानो नाडा
 मोजां मोननो हायाब्ला।।

अननायजों गेलेनो नाडा
 अननायखौ बेसेन होनो रोडाबा,
 अननायानो बुहमनि
 समायनासिन गोदै गोथावसिन मिलौदो बिदै।।

सखनद्राया एम्बु सिथ्र'

—बिनायसा बसुमतारी

दिनै बेसेबा गोबावनि उनाव गामियाव फैदों गुवाहाटी इउनिभारसिटी आव एम.ए. जोबथा बोसोरनि जोबथा आनजादखौ होखांनानै। बेसेबा गोबावसैमोन जौयेना गामिनि आबहावायाव गोजोमनानै थानो मोनैया। बुंनो थाडोब्ला जौयेना HSLC उथ्रिखांनायनि उनाव कलेज हाबजेननायनिफ्रायनो गामिनि आबहावानिफ्राय जानगार जानांदों। कलेज हाबजेननायाव माखासे सानखौ ननिफ्राइ हान्थिदोंमोनब्लाबो कलेजा ननिफ्राइ गोजान जानायलाय आरो थांलाय फैलाय खालामनो माब्लाबा गारिनि जेंना जानायलाय उनाव हस्पिटेलाव थानानै फरायनो गोनां जादोंमोन। सम सम रांनि गोनांथि जाब्लाल' आरो नख'राव गोनांथार खामानि थाब्लाल' न'आव फैयोमोन। बेबादिनो degree उथ्रिखांनायनि उनाव एम.ए. फरायनो थाखायबो हस्पिटेलाव थानानैनो फरायनो गोनां जानायाव गामिनि आबहावानिफ्राय जौयेना बा बोसोरसो जानगाराव दंमोन।

दिनै बेसेबा गोबावनि उनाव न'आव फैनानै जौयेना गामिनि आबहावाखौ गोबां सोलायनाय मोनदों। Bus निफ्राय ऑखारनानै न'सिम इ-रिक्सा जों फैदोंमोन। इ-रिक्सायाव जिरायनानै गामिनि मिथिंगायारि नुथाय थासारिफोरखौ जोबोर मोजाडै गोसो होहाबना नायबोदों।

गुबुन दिनाव न'आव फैयोब्लाबो बेबायदि गोसो होना माब्लाबाबो नायफेरामोन। गामिनि लामा सामाफोरा सिगांनिख्रुइ साबसिन जाबाय। लामा सेर सेर थानाय सिगांनि बेसेबा गिदिर गिदिर सुमब्लि दंफांफोरा दा गैलिया।

बिदिनो फैयै फैयै न' सफैनायसै। न'आव सफैबा बेलासिनि 2 रिंगासो जाबायमोन। न'आव सफैनानै जौयेना 'आयै, आयै..' गाबज्रि फैनायसै। बिबाजैया राव होनानै बुंनायसै 'ए' सफैबाय, आया बैसनाव सि सोंनायाव हिसान थोरनो होननानै ऑखाम जाखांना ऑखारलांबाय।' जौयेना गावनि बेगफोरखौ बिबाजैनो होनानै दिंखलाव आखाय आथिं सुस्रानानै सोंनायसै 'आदा, नानि, आफामोनहालाय?' बिबाजैया खामसालिनि सियारखौ जौयेननो जिरायनो होनानै खोन्थानायसै 'नोंदाया हाथायाव मैगं फानहैनो थांबाय, नानिया टिउसनाव थांबाय, आफाया सिडव गोलानदों।' बिबाजैया बेगखौ न' सिडव दोनहैना जिरायग्रा लाना जौयेनजों जिरायफाफैयो आरो सोडो 'ऑखामालाय हटेलाव जाबोदों नामा?' जौयेना औ हटेलाव जाबोदों होनना बुडो। जौयेना बिबाजैनाव सोडो 'बबाव लादों टिउसन खौलाय नानिया?' बिबाजैया स्कुल आवनो NGO आ गथ'फोरखौ फ्रि टिउसन फोरोंगासिनो होनना

खोनथायो। दसे जिरायखानायनि उनाव जौयेना दसे उन्दुनोसै होनना द्रेस गानस्लायनानै उन्दुनायसै।

जौयेना बिसिनायाव गोलानना थानानै माब्लादि उन्दुलांखो आनदासानो मोनस्लाबासै। जेब्ला फन रिं जायो अब्लासो सिरि मोननायसै। सिखारना नायब्ला गामिनि लोगो जौंसार हरदों। फन दिखानानै रायज्जायहरबा जौंसारा जौयेनखौ फोथाराव थांनो लिंहरो। अब्ला समा बेलसि ब्रै रिंगा जाबायमोन। जौयेना सिखारना दुगैनायसै। दुगैखानानै जेब्ला जौंसारा लामानिफ्राय गाबज्जिहरो अब्ला लामार्थि ओंखारलानायसै। जौंसारा साइकेलाव थानानै जौयेनखौ नुग्रो मोना राव होनानै बुंनायसै 'बाह' मालाय हेण्डसाम जाथारबायलै सोर हाबावनो, आंहासो गामिनि बाखुरारा जाना थाबाय' बिदि बुंना मिनियो। जौयेनाबो मिनिनानै 'हे मा मा बुंलाबायो, गावहालाय गावहा एक्टर खा' होनना बुंफिनो। बेयावनो जौंसारा एदावबावो 'बोरो बाजैयालाय, बाजै लाबोखासिगोनसो नंदोंमोन आं' होनना। जौयेना है थौ गोदाव सोराव बुंबाय थागोन होनना जौंसारनि साइकेलाव गाखो हैयो। बेबायदिनो साइकेलाव गाखोनानै गावसिनि गामिनि फोथारथि थाडो। जौयेनजों जौंसारजों क्लास आ एखेमोन नाथाय जौंसारा graduate खालामनानै न'आवनो थाबाय। जौंसारा साइकेलखौ जोबोर लासैयै सालायदों जौयेनजों गोबां बाथ्रा रायज्जायदों, बिनि University हाबनायनि experience नि सोमोन्दै सोंदों आरो गोबां गियान मिथिनो हादों। जौंसारा गाव University आव हाबनो मोनाखैमोनब्लाबो दिनै

जौयेननिफ्राय बिनि experience खौ मिथिनानै जोबोर गोजोननाय मोननायसै आरो गोसो सिडाव गावबो हाबनो मोननाय मोनब्ला होनना साननायसै। जौयेनाबो गावनि experience खौ जौंसारनो फोरमायनो मोननानै जोबोर गोजोननाय मोनदोंमोन। बेबायदिनो रायज्जाय रायज्जाय बिसोर फोथाराव सहैदोंमोन। फोथाराव माखासे सेंग्राफोरा बल गेलेगासिनो दंमोन माखासेया बिफां सायायाव जिरायना बल गेलेनायखौ नायदों, सोरबा मबाइल थुदों। जौयेनखौ नुनानै फंबाय जानाय सासे सेंग्राया सोडो 'मा आदा माब्ला फैनाय?' जौयेना दहायसो फैदों फंबाय होनना फिनो।

जौंसारा बल गेलेनायखौ नायो, नाथाय जौयेना लामार्थि गथ'फोर गेलेनायखौसो नायहरबाय थाफ्रांबाय मानोना जौयेना बेसेबा गोबावसैमोन बेफोर सावगारि फोरखौ नुयैया। गथ'फोर गेलेनायखौ नुना जौयेननि गोसोआव गावसोर उन्दै समनि सावगारिफोरा जाखांफैयो आरो गोसो सिडाव मिनिस्लुयो। गावसोर माबायदि हाखौनो फिथा हमोमोन, माइ हागोदान नारायाव गुमा गोथाव नागिरना आर्थि आखाय गाराय जाजायोमोन, स्कुलाव थांनाया बबावबा दाव बाहा नुब्ला थुख्लायलानाय, दै बानायाव थालिरनि नाव जावनाय थब्ल'ना दुगैनाय, दालि बारियाव थिनर्थिखालाय नागिरना रूजानाय दालि गाग्लिनायनि सोरजोंबा होसोजानाय बायदि बायदि सावगारि फोरा जाखांफैयो।

बेबायदि सानबाय थानाय समावनो सासे उन्दै गथ'साया लामार्थि बबेयावबा थांनो दों दों

खारलानाय नुहरो आरो बिमाया उन उन थांना गथ'साखौ बुडो 'बबाव थांनो नॉलाय हो, सखनद्रा फैयो सखनद्रा, बस्थायव सोनानै लाडो न'आव फै' होनना होसोना गथ'साखौ बामखांना लाबोयो। सखनद्रा होननायखौ खोनाना जौयेननि गोसोआव उन्दै समनि मोनसे जाथाया गोसोआव फैयो।

मोनसे समनि जाथाय, जौयेना थाखोसेयाव फरायजेननाय गथ'मोन। जौयेन बिदाया बिबै बिबौनाव आलासि जाहैदो न'आव गैयामोन। बिफायाबो हाथायाव मैगं फानहैदो। हाथायाव थांबाथाय जौ लॉनानै हर जाबोलायखायो बिफाया। बे समाव सखनद्रानि दावरावमोन। सखनद्रायानो मावजि, एम्बु जाना फैयो होनना खोनालाबायोमोन जौयेना लोगोफोरनिफ्राय। बै दिनखालि बिमार्जो गावजॉल' न'आव दंमोन। बिमाया खोमसिलायनाय मोसौ खादोमोन। जौयेनाबो खोमसिनायखाय गिनानै बिमार्जो उन उन थांफा फैफा खालामदो। मोसौ खाखांनानै बिमाया आर्थि आखाय सुब्ला मासे एम्बु सिथ्रआ गावसोरखौ नायदाव नायदाव ईसिनि उसुं गुदार्थि थांनाय नुदोमोन जौयेना। एम्बु सिथ्रखौ नुनानै जौयेना लोगोफोर बुंनाय बाथ्राखौ गोसोआव फैदोमोन आरो गिदोमोन नाथाय बिमानो खोनथायाखैमोन। बै समाव दानि बायदि मोब्लिब गैयामोन। दुवार सो सुयोमोन। ईसिं न'आ खासि हाग्रार्जो दुमनायमोन। मोनायाव सिडाव दुवार सुयोब्ला बाहेरानिफ्राय खासि हाग्रा दुमनायनि फिसा फिसा गब्लंजो न' सिनिखौ नायखुमा हरजायोमोन। जौयेन बिमाया आर्थि आखाय सुखांनानै ईसिंआव दुवार

लगायो आरो जौयेनाबो ईसिंआव खामफ्लाय बना जिरायना थायो। बिमाया जेब्ला अर जरायनो उसुंगुदार्थिनि बन दोनग्रायाव बन लायनो थाडो अब्ला उसुं सेराव माबा गोसोम सोम लावदुम दुम उन्दुना थानाय नुयो आरो गिना हाखु दाखु खारनानै ईसिंआव दर फांथेना थायो। जौयेन बिमाया हां थिफुं थिफुं जालायना जौयेननो खोनथादोमोन उसुं गुदायाव माबा गोसोम सोम दं होनना। बिमा फिसा ईसिंआवनो थाबाय थादोमोन। ओंखामबो संनो मोनाखै। बेबायदिनो थायै थायै मोनानि 8 रिंगासो समाव जौयेना उन्दुनो ओंखारबाय होनना खामफ्लाय गोलावहांखौ इन्जुर जिंथि बनानै उन्दुदोमोन। ईसिंआव दुवार स्रां स्रां बाहेराव खोमसि दरसि अखाफोर जहाबनाय। जौयेना उन्दुनायनि दसे उनावनो जौयेन उन्दुनाय सिददा सिखा देगार सुहरदोमोन लोगो लोगो बिमाया जौयेनखौ बामखांहरना गाबखावदोमोन। जौयेन बिमानि गाबखावनायखौ खोनाना दसे उनाव गामिनि हौवा मानसिफोरा ज'ज' फैजुबदोमोन। बै दिननिफ्राइनो जौयेना देरजासिम एम्बु सिथ्रखौ गियोमोन आरो जौयेननि गोसोआव मोनसे सोंथिया थाबाय थादोमोन 'सखनद्राया एम्बु सिथ्र जानानै फैमारदोमोनना?'

बेफोर जाथायफोरखौ गोसोखांबाय थानायावनो जोंसारा 'जौयेन फैदो जोंहाबो गेलेफानोसै' होनना बल गेलेनो लेडो जौयेनखौ। अब्लासो जौयेना बागदावनाय बायदि जाना थौ होनना बल गेलेनो थाडो। *

सैथोनि मोनथाइ

-सोमखोर रामसियारि
B.A. 3rd Sem.

ज'रासे मेग'नाव
खुदिया मोदैनि जोनोम
गोर्बो आरो बिखा
सौग्लिदों आरो सौग्लिदों
जिउ बुब्लिनि मोनफ्रोमबो सेकेण्डआव
खारथिफादों 'बिसोरबो'
थाबथानाय गैयि
सोलेरनि थै रोदाफोरजों
सैथोनि मोनथाइ सोदोबाव
बायहाजार सॉलु
मेलेमनि सानखान्थि आरो हेब्रे बेन्दोंआ आवबा नाडो
आलफा, बिता, गामा
आरोबावसो....
बिसोरथ' नडा अरननि जुनारफोरबादि....
अब्ला मानोथो जुनारसालियाव जोबथेना दोनदों
हारिनि ग्रं ग्रं गोथौ सार्थआव
गाव गावखौ बावसोमनाय आरो गसंथेनाय सैथैनि मोनथाइफ्रालाय
बहायो फ्रासिनि दौलेडाव दिन्दां जानानै थाखो
राजखान्थिनि गोफार जिलिदजों
सैथो आरो उदांनि बिखा गब्लंलांदों...
त्रें त्रें जोंगुबै जोंहाबनाय अर फिथरफ्राव
गोरान बिलाइफ्रा जरै ब्लाव जोंखाडो
'बिसोरबो' जोब्लावगोन सानसे बिदिनो...

जिउ

-रिंखां गयारी

आय'! जिउ

मादि माया नौनि महरा,
मेगनजों नुवा खोमाजों खोनायो
बहा थायो नों जिउ।

सानदोंना जिउ.....

नोंदि बारसे बिबार,
नाथाय.... मिथिगौ
बिबारा सिरिलांनो,
सम नाडा जिउ,

सम जाब्लानो त्रय सिरियो,
आरो बैसोमुथिनि
बिखायाव गोग्लैनानै
अरायनि थाखाय
हांगार जालाडो जिउ...।

लांदां बैसागु फालिथाइ : मोनसे हारिमुवारि जावरिखांनाय

—अनिला बसुमतारी

बैसागु रंजानाया बर' हारिनि थैयावनो फैफाखानाय मोनसे मेहेरनां रंजाथाइ। सम सोलायनायजों लोगोसे खालि बेनि रंजानाय आदबआल' एसे-एसे सोलायबोदों। गोदोनि दिनाव गामि-गामि न'खर-न'खर हाबनानै बैसागु रंजानाय जायोमोन। आथिखालाव नाथाय बे बिथिडा एसे सोलायबाय। बेयो एसे गोदानथाइयाव गुस्लायबाय। बारग'लांनाय बोसोरनैसोखौ नोजोर होयोब्ला नुनो मोनोदि रंजालि बैसागु रंजानायनि बिथिडाव जॉनि बर'फोरनि गेजेराव लांदां बैसागु फालिनाय एबा रंजानाया मोनसे नोजोरथाव दिग सोलाइनाय फैदों आरो बेयो जॉनि गेजेराव मोनसे हारिमुवारि जावरिखांनायनि दोहौ लाबोनानै होफैदों। बे जावरिखांनायनि दोहौआ जॉखौ उननि समाव एबा फैगासिनो थानाय समफोराव हारिमुवारि बिथिडै रोहो-रोहो खालामनानै होगोन होन्नानै आसा खालामनो हायो। हारिमुवारि बिथि होन्नानै बेयाव गुबैयै गात्राय जोमनाय, मोसानाय, मेथाइ रोजाबनाय, दामजु दामनाय बायदि-बायदिफोरखौ सरजाबनो लानाय जादों।

गात्राय-जोमनाय : बैसागु रंजानायनि बेला बर'फोरा जर'खा गात्राय-जोमनायखौ बाहाइनानैसो रंजायो। बैसागु रंजानायनि समाव रंगिना-संगिना

गानजोमफोरखौ गात्रानै रंजानाय जायो। हिनजाव-हौवा, बोराइ-बुरै, सेंग्रा-सिख्ला, गथ'-गथाइ बयबो हारिनि गुबै गानग्रा जोमग्रा जेरै-दखना, फारसा, गामसा, आर'नाय बायदिफोरखौ गानो एबा बाहायो। जारौ-मारौ गाबनि गोदान-गोदान जि-जोम गात्रानै देलाइफब-माफब मिनि-खुसि रंजानायजों बयखौबो बे समाव समाइसारनाय नुनो मोत्राय जायो। समजों लोगोसे गोरोबनानै जॉनि सुबुंफोराबो गुबुन-गुबुन समाव गुबुन-गुबुन गानजोम गानोब्लाबो बैसागु रंजानायनि समाव बयबो गावनि हारिनि गानजोमखौनो गात्रानै रंजानायलाय गात्राय-जोमनायनि गेजेरजों गावनि हारिमुखौ गोगोम मोनखांनाय फैयो। मुलुगनि बयनिखुय सोद्रोमसिन गानजोमफोरनि मादाव मोनसे होन्नानै सात्रानै लाजाथाव जॉनि रेगे-रेगां आगरनि दखना-फारसा, रावजोंबो रुजुजायै समाइना आर'नाय फालिया साफ्रोम बर'साफोरखौनो मेगनाव गोनां खालामनो हायो। बेफोर गासैबो गानजोमफोरा जॉनि बैसागु बोथोरनि रंजानाय समाव साफ्रोम बर'साफोरजोंनो गोसो-गुदुडै बाहाइजायो आरो अनसाइजायो।

मोसानाय : मोसानाया मोसाखावरिफोरनि रंजानायनि लोगोसेनो नायगिरिफोरनि गोसोखौबो रंजानो

हानाय मोनसे गोहो गोरा बिजों। बैसागु बोथोराव जायखि-जाया मेथाइफोरजों रंजानाय-मोसानाय जाया। हारिनि खुगा हारिमु एबा खुगा मेथाइजोंसो बांसिनै मोसानाय रंजानाय जायो। आथिखालाव बैसागु रंजानो थाखाय जॉनि सुबुंफोरा गावबा-गाव ओनसोल लानानै लांदां बैसागु फालिनायनि राहा खालामनानै लानाय जासै। बेफोर बादि हाबाफारिफोराव बांसिनावनो गामिजों गामिफोरनि गेजेराव बादायलाइनाय जायो हिसाबै मोनफ्रोमबो गामियानो साबसिननिफ्राय हामसिन अंगि-भंगिफोरजों मोसानायनि आदब-खायदाफोरखौ बाहायो आरो थालिम खालामो आरो बेबायदिनो मोसानायनि साबस्रानाय आरो गोदानथिफोरा जानानै फैयो। लांदां बैसागुनि रंजाथिलिफोराव बिखुनजोफोरनि हानजा, विहामजोफोरनि हान्जा बायदेमलाय-सिदेमलाय मोसानाय सेंग्रा-सिख्लानि हान्जाफोरनि साफ्रेखे-सुफ्रेखे मोसानायखौ नुयोब्ला गोसोयाव गावनो -गाव लाख'हायै गोजोत्राय आरो रंजानाय मोनखाडो। गोसोयाव सानस्रि फैखाडो बेबायदिनो बयबो गावनि हारिनि हारिमुखौ गोरबोजों अनसायोब्ला जों फैगासिनि थानाय समफोराव गियावना खैफोदफोरजों मोगा-मोगि जानाडा जासे हारिखौ थैलांजानो गिनाय सानस्रिनिफ्राय उदां जानानै मिथि-मोनै समसिम थावरिनानै थालानो हागोन।

मेथाइ रोजाबनाय : बैसागु बोथोरनि समाव गोबां जायगायावनो रेकर्ड खालामखानाय मेथाइफोरजों रंजानाय जाया। लांदां बैसागु मोसानायनि बादायलाइनायाव बाहागो लानो थाखाय गामि-गामि खुगा मेथाइ सुजुनानै मेथाइ रोजाबनायनि थालिम

होनाय जायो। जॉनि बर' समाजनि संसार जानायनि सावगारि बेरखांनाय बेफोर मेथाइफोरा खोनासंथाव, गोरलैयै गोसोयाव नांथावल' नडा हारिनि हारिमुखौ फोगोमनानै लाखिनायनिबो मोनसे राहा। बे समाव फ्रफेसनेल मेथाइ रोजाबग्राफोरखौ मोनबाय थानायनि खाबु जायैलाय मेथाइ रोजाबनायाव गोसो-गुदुं सुबुंफोरा बे हाबाफारिखौ बानस'थो जायनि गेजेरजों मिथिमोना जासे जॉनि मेथाइ मुलुगा गुवारसिन थासारियाव अरलांनानै थानायनि थादिनखौ मोत्रो हायो। आबुं दानसेसो समा बेयाव-बैयाव लांदां बैसागु खुंनयजों दिन बारहोहरनायलाय खायफा गोसो-गुदुं मेथाइ रोजाबगिरिफोरा बैसागु रंजानायनि बुब्लियाव बे गामि, बै गामि हान्जानि जानानै मेथाइ रोजाबनानै हारिमु सिबिनायनि बाहागोदारि जानो हानायजों लोगोसे आगसि-आगदा रां बुथुमनानै लानो हानायनिबो खाबु जुफियो।

दामजु दामनाय : जॉनि बर' हारिनि गुबै दामजुफोर होत्रानै बुडोब्ला खाम, जथा, सेरजा, सिफुं, तर्खा, गंगोना बायदिफोरानो गाहाय। गुबुन-गुबुन समाव बेफोर दामजुफोरनि बाहाइनाया बांद्राय जायाब्लाबो बैसागु रंजानाय समाव बेफोर दामजुफोरखौ मैखोमै बाहाइनाय जायो। मोसानाय-मेथाइ रोजाबनायनि बादायलाइनायाव बैसागु खुंफुं आफादफोरा बेफोर दामजुफोरखौ बाहायथारनांगौ खालामनानै होनायलाय गामि-गामि बेफोर दामजुफोरा बर' मानसिफोरजों बाहाइजानाय आरो अनसाइजानायजों लोगोसे गोजोरे लाखिजानायबो जानानै फैदों। गोजोन्थावना बाध्राया

जाबाय बेफोर दामजुफोरखौ दामनो थाखाय गावबा-गावनि गामि एबा हालामफोरावनो सोल्लोबादाफोरनि गेजेरजो दामजु दामनो सोल्लोनाइलाय फैगासिनो थानाय समफोराव जॉनि हारिनि गेजेराव एग्रे-बाग्रे रिंगुदामसाफोर मोन्नो हागोनखौ आसा थिनो हानाय जायो आरो बेबायदि मिजिंखौ जो दिने लांदां बैसागु रंजानायनि गेजेरजोनो मोन्नो हादो बुंजायो।

लांदां बैसागु फालिनाइनायाव बिजनी :
 रंजालि बैसागु फालिनाय आरो लांदां बैसागु रंजानायनि बिथिडाव बिजनीआ जैरेबायदि बिफाव लायो बेनि बागै एसे आलादायै रायखाडाब्ला आद्रा जानानै थागोन बादि मोनो। ओरैनेथ' हादोरनि दाब-दाब जायगाफोराव गोसारनानै थानाय जॉनि बर' सुबुंफोरा गावबा-गावनि सुबिदा बादियै बैसागु रंजाथाइ फालियो आरो रंजायो। जाति हिसाबै बेयो जॉनि थाखाय गाहाम लैखोन। बिजनी हालाम हिसाबै आलादायै नोजोर होयोब्ला रंजालि बैसागु बोथोरनि समाव बे ओनसोलाव गोबांधार लांदां बैसागुनि रंजाथिलि आरो गोबांधार आखा-फाखा मोसाखावरिफोरनि दोलो नागिरनानै मोनो। नाथाय बेफोर गासैबो बैसागु रंजाथिलि आरो हानजाफोरखौ बेयाव रायखाडाजासे बिजनी नोगोर बर' समाज आरो बिजनी दख'रा दुलाराइ बर' फराइसा आफादनि बैसागु रंजाथाइ फालिनायनि बागैल' बेयाव एसे सरजाबदेरनो लानाय जाबाय। बिजनी टाउननि साखाथि-फाखाथि गामि फसंनानै थाफैनाय गं 18/19 थासो गामि ज' लोगो नांनानै दाजानाय बिजनी नोगोर बर' समाजनि रंजालि

बैसागु फालिनाय हाबाफारिया गासै बिजनी हालामनि थाखायनो मोनसे नोजोर बोथाव हाबाफारि। बबेखानि बे हाबाफारिखौ रंजालि बैसागुनि मुडै रंजानाय हिसाबैल' लाजाया। गुबुन-गुबुन हारिनि सुबुंफोरजो बुंफबनाय बिजनी टाउन बादियाव टाउनजो नांजाबनाय थानाय बिजनी बान्धब गोजौसिन गेजेर फराइसालिनि गेलेग्रा फोथाराव खुंजाग्रा बे बैसागु रंजानाय फालिथाइया मोनसेल' हारिनि सुबुंफोर बाहागो लानाय हिसाबै हारिनि थामोन्थाखौ गुबुन हारिनो जो लोरबां नडा होन्नानै गोहो दिन्थिना होनायनि मोनसे दिन्थिफुंसालिबो। बे समाव खाम, जथा, सेरजा, सिफुं, तर्खा बायदि दामजुफोरनि गोमखानाया जॉनि बर'फोरनि थैखौ रंजानो गोसो दुंगलाबहोयोब्लाबो गुबुन हारिनि सुबुंफोरनि बिखाखौ खनसेब्लाबो गुर्लुब सोमावहैनो हायो बादि मोनो। बिजनी नोगोर बर' समाजनि सिडाव गोगलैनाय फ्राय जौसे जौखोन्दोफ्राम गामिफोरानो लांदां बैसागुनि समाव गामि मोनफा दोलो मोनफा जानानै लांदां बैसागु मोसानाय बादायलायो। टाउननि मुखुब जिउनि गेजेरावबो सम दिहुन्नानै बयबो नंगुबै बर' महराव लोगै-जोगै बैसागु रंजानो फैनाया थारैनो जोबोर नोजोर होथाव आरो अनसाइजाथाव। बे रंजानाय हाबाफारिनि गेजेरजो हारिनि हारिमुआ थानानै थानो बोलो फोरानो हानायजो लोगोसे बाहागो लानाय सुबुंफोरनि गेजेराव गावबा-गावनि गामिखौ मोजां मोन्नाय आरो खौसेथिनि सानस्रिया गावनो-गाव सोमजिखांबोयो।

बांसिन समावनो सोल्लोथाइजो लोब्बा गोनां गोबांधार हाबाफारियाव गावसोरखौ नांथाबनानै

थाहोनायनि गेजेरावबो रंजालि बैसागुनि समाव बिजनी दख'रा दुलाराइ बर' फराइसा आफादआ रंजालि बैसागुनि समाव जैरैबायदि आदब-खायदार्जो रंजालि बैसागुखौ फालिगासिनो दं बेयो गासै बर' हारिनि थाखायनो मोनसे उन संथाव हाबाफारि बैसागु बोथोर सौफेनायनि माखासे सान सिगांनिफ्रायनो लाइमोनफोरनो मोसानायनि फोरोंथाइ बादा खालामनानै होनाय, बर'नि आंगो दामजुफोरखौ आखा-फाखा रिंगुदामसाफोरनि मददजो लाइमोनफोरनो फोरोंथाइ होनायनि राहा लानाय, बैसागु फालिथाइनि समाव बायदि आइदाफोराव बादायलायहोनाय बायदि हाबाफारिनि अनगायै थांनाय बोसोरनै हमनानै बेयाव मोनसे नोजोरथाव हाबाफारि विथांमोनहा दाजाबदेरदों। बे हाबाफारियानो जाबाय बर'नि दोरोडारि खान्थि आरिमुवारि दिन्धिफुंनाय बादायलाइनाय हाबाफारि। बर'नि हारिमुजों लोब्बा गोनां गासै थादेरसाफोरखौ बेयाव दिन्धिफुंनाय जायो बिजनी दख'रा दुलाराइ बर' फराइसा आफादनि सिडाव थानाय मोनफ्रोम इउनिटफोरनो मोनफा-मोनफा थिखानाय आइदा दिन्धिफुंनायनि बिबान रात्रानै हरनाय जायो। सिरिबाडै: दिन्धिफुंनाय बे हाबाफारिनि गेजेरजों जौनि बांसिन गोदान जोलैफोरा मिथिनो मोनै थादेरसाफोरखौ दिन्धिनानै होनाय आरो मिथिहोनायनि राहा खालामनानै होनाया थारैनो मोनसे ओंथि गोनां आरो थांखि गोनां हाबाफारि। देलाइ 2023 माइथाइनि रंजालि बैसागुनि फालिथाइयाव दिन्धिफुंनाय बे दोरोडारि खान्थि आरिमुवारि बादायलाइनायनि आयदाफोरा जादोंमोन फारियै— 1. बैसागु फोर्बो फालिनाय (7

सान) नि 2. बर'नि हाथासुनि हाबा 3. बर'नि दामनाय देनाय 4. आबाद मावनाय 5. बैसागुनि गिबि सान 6. औवानि आखाइजों बानाइनाय(हेबनाय) आइजें-आइला 7. माइ सौनाय-खुनाय 8. एम्फौ फिनाय आरो इन्दि खुन्दुं लुनाय 9. बर'फोरनि न'खर 10. बर'फोरनि संनाय-खावनाय 11. जि दानाय (इसानसालि) 12. ना हमनाय, सानाय, ना गुरनाय आरो 13. बर'फोरनि मागो फोरबो फालिनाय। बेफोर मोनफ्रोमबो आइदाफोरावनो जौनि गोमालांनो हमनाय बर'नि गोबांधार आइजें आइला, दामजु, आसार-खान्थि बायदिफोरनि सोमोन्दै मिथिफिन्नो हानाय आरो गोदान जोलैफोरनो नंगुबैयाव दिन्धिनानै होनो हानाय जादों। बेफोर गासैजोंबो सोमोन्दो थानाय मुवा बेसाद आरो खारिफोरखौ बुथुमनो थांनायाव गोजाम-गोदान जोलैनि सुबुं सोमोन्दोआबो गोथां जानो खाबु मोनदों। गोजोन्थावना बाध्रादि औवाजों बानायनाय गनै दामजु फारियै गंगोना (जायखौ जों गुबुननिसो होत्रा सान्नो लाबायमोन) आरो लाइग्रिद मुनि गोमालांनो हमनाय दामजुफोरखौ बे हाबाफारिनि गेजेरजों बिजनी हालामनि राइजो-राजाफोरा बुरखांफिन्नो हानाय जादों। बैफोर गोजौआव राइखांजानाय मोनफ्रोम दोरोडारि खान्थि आरिमुवारि दिन्धिफुंनाय आइदाफोरनि सायाव गुवारै फोरमायलुवारि आरो सानथौआरि नोजोरजों नोजोरथौनानै दोंफा-दोंफा लिरबिदां लिरनायनि खरागखौ बे हाबाफारिनि गेजेरजों मोत्रो हानाय जादों आरो बेफोरखौ सावगारिफोरजों लोगोसे बेखेवसारनानै लिरनानै दोत्राय महराव थाबैनो दोनथुमनो हायोब्ला

मोजांसिन फिथाइ मोन्नो हाबावगोन होन्नानै आसः बुंनो थाडोब्ला बैसागु रंजानायनि गेजेरजों गुबैयै लांदां फारिनो हायो। बैसागु रंजानाय फालिथाइनि गेजेरजों सोमजिखांनाय

हारि मोनसेया हारि हिसाबै थांनानै थानांगौ हारिमुवारि जावरिखांनायनि दोहौवा जोंनि हारिमु बिथिखौ जायोब्ला गुबुन-गुबुन बिथिफोरजों लोगोसे हारिमु आरोबाव ग्रोम-ग्रोमसिनै फोथांनानै लाखिनायाव थोजासे बिथिडैबो गोखों जानानै थानायनि गोनांथि दं। जोंनि मदद जगायनानै होलांनो हागोनखौ मिजिं थिनो हानाय गेजेराव अदेबानि बेयो लोरबां होन्नानै सान्ना लाथावा। जायो।



दंखायो जोंहा गासैबो

—रैरुब बसुमतारी

दड जोंबा गावनिनो
 राव-थुनलाइ, हारिमु
 हारिखौ फोथांना लाखिनो
 दैखोलांनो हानाय गावनिनो असे दोहोरोम।
 साखा-फारा दंखायो जोंहा
 राव-थुनलाइनि गासैबो बिथि
 खन्थाइ, सल', रायथाइ, थुनफावथाइ
 दंखायो जोंहा गासैबो रोथा रोखा।
 गयनि बाखि, माइनि बाखि
 मेंनाय गैयि बानाय गैयि
 ग्रोम-ग्रोम मावना जाग्रा
 जोंनो बर' हारि।
 दाउ, अमा, मोसौ, बोरमा
 फिसिनानै राज्यो जाग्रा
 दानाय-लुनाय, गात्राय-जोमनाय

बायदि आगर एरखांनो हाग्रा
 समायनानै जिउ खांग्रा जोंनो बर' हारि।
 दंबावो जोंहा हारिनि आमायथ'ख्ल'
 खाम-जथा,र सेरजा, सिफुं रिंनायजों
 बयनिबो गोसोआ बोदोर जाग्रा।
 दंखायो जोंहा गावनिनो
 आंगो हारिमु, आंगो सिनायथि
 आय'! बेसेबांदि बोदोरबाउलि।

फैफिन आंगोखौ नागिरनानै

—बिलिफां दैमारी
बारग' फरायसा

जेथो गोनां लामार्जो
हांसो सिलारि जानानै हान्थिलांदोंमोन
नाथाय! अब्लासियाव लामा आन्दायदों
आंगो बावनाय दावहारु।

नोंसोरनि गोजा थैनि बेसेना
माराम जाहोबाय सनानि थुंग्रि,
निरिदोंल' दाहालनि बिखुं सार्जों
नंखाय इनायनि बाउसोमनाय.
सैथोनि उनफिननायाव
खर' सानि हाथियारा फोजोबदों
हनै—
हुलाराय मुलुगानि अनागारि।

गावनिनो सिथ्लायाव सेवग्लाबनाय
गोथै खर'नि सिमा हांखोआव गसंना
आंगो नागिरनांगौ जों बयबो..
मानोना जों बयबो नख'रसेनि।
बेनिखायनो थुंग्रिनि थैखौ
गोथार दैजों सुनानै
जों बयबो खौसेयै
गोजोन नागिरनो फै।
जायपोरा खर' सानिफ्राय
थुंग्रिनि रायजोआव दंहैयोमोन
फै नोंथांमोनहाबो,
फिन आंगोखौ नागिरनानै
गंसे समायना न' लुनि
जेराव आबै-आबौ
आइ-आफा

थांखि

—अन्जु मनि बसुमतारी

थांखि दं आंहाबो
थार लामार्जों आगान सुरनानै
जिउआव देरहासारनायनि।

नाजागोन आं,
आंनि लानाय थांखिनि लामार्जों
अरायबो गोसो गोरबो होसारना
दावगालांनो बै मुवासिम
जेराव दं जोंथि अलंबार।
नाथाय.....

आंनि थांखिनि लामायाव
दं गोबां हेंथा।
थेवबो हान्थिदों आं
सान-हर देरहासारनायखौ नागिरना
बै हेंथाखौ बोस्राना
दंबावो गेजेराव बेसेबा गोजान जानथाइ
जोबथि गैया हेंथानि।

बेनि गेजेरावबो
साहस आरो गोहो लानानै
हान्थिदों आं
सौहैनो बै थांखिसिम
गोसोआव फोथायनाय लाना
जिउनि देरहासारनायखौ हास्थायना।

अननायनि फिथिखा

—रानि दैमारी

समा हरनि 12:30 मिनिट जाबायमोन। साखाथियाव आंनि बिसिआ उन्दुनानै दं, आंबो अफिसनि माखासे Pending थानाय खामानिफोरखौ नायनो होनना Laptop खौ Open खालामनो नागिरहां जानायावनो नुबाय, Facebook Messenger नि Notification सासे सिख्लानि Message आं जेबो सानालासिनो Laptop खौ Open खालामफिनबाय।

मानोना जौनि हाबाया दिनैजों साननैल' जानानै थांदों, हाबानि मुखुब आरो आलासि-दुमसिखौ सौनायावनो समखौनो मोनाखै खामानिफोरखौ नायनो, दिनैसो आलासिफोरा थांसांजोबबाय।

'हाय सिमां आंखौ सिनायदौना? अननानै आंनि Friend request खौ accept खालामलाय', आरोबाव बे सिख्लानिनो Message आंबो थानो हाथारिलाय सोर जाथावगौ सानना add खालामबाय, आरो सौंबाय- नों आंखौ सिनायो नामा?? अब्ला सिख्लाय फिनबाय- 'मा नों आंखौ दाबो रागा जौंगसिनो नामा? आरो खोनानो मोनदों नोंखौ जुलि जाबाय होत्रा, congratulations, नाथाय आं नोंखौ दाबो मोजां मोनो, नौनि अननायखौ

आं दासिमबो बावनो हायाखै, I love u सिमां' हरखाबनो बे सिख्लानि message खौ नुना सोमोबाय आं, आरो सिख्लानि Profile आव हाबना नायब्ला नुबाय- आंनि सिगांनि मोजां मोननाय, माने आंनि गिबि मोजां मोननाय, मुडा बिनि अनजालि, सिगांनिखुइ एसे साबसिन जादों, मुंखौबो Facebook आन सोलायना लादों, बिनिखायनो आं हमनो हायाखैमोन।

दिनै ब्रै बोसोर बारलांबाय, जौनि गेजेराव जेबो खौरां गैयिया, आंबो खौरां लानो गारबाय, जेब्लानिफ्राय बियो आंनि अननायखौ नेवसिना थांदों, जोबोद फाग्ला बायदि मोजां मोनोमोन आं बेखौ, जायनि थाखाय आंनि नख'रनि हेंथायैबो गसंदोंमोन आं, बिनि बिनाय मानि हायाब्लाबो होयोमोन आं, बिनि लुबैनायमानि सुफुंजोबनो नाजायोमोन। नाथाय जोबनायाव आंनि अननायखौ बुजियालासे गावनि गोनांथिखौ सुफुंनो हाया होननानै आंखौ जोगारना थांबाय, गोबांबार नाजासेयावबो, आर'ज गाबसेयावबो बियो एसेबो खेरखेरायफिनासै।

नाथाय दिनै हरखाबनो आंनो Message हरदों बेबो हर गेजेराव, जेबो Reply हरफिनालासे

मवाइलखौ दोनफिनबाय आं आरो आंनि बिसिनिसिम नायबाय आं जोबोद गोदो गोदो उन्दुगासिनो, जानांगौ साननि हाबाफारिखौ मावना मेंनाय मोनदों, आंबो बिसिनि रैरुब उन्दुलांनाय मोखांआव नायना सानबाय-गंसे सिनायमोनि नख'राव, सासे असिनाखि हौवानि सेराव गोदो-गोदो बौरै सिनथा गैयालासे उन्दुदों, दथ' बियो न'निफ्राय गोजानाव, जेराव बियो नख'रनि बिमा-बिफाजों लोमोसे बिदा-फंबाइ, बिब'-बिनानावफोरजों अराय गोजोनै थायोमोन, जेब्ला बियो गाबोमोन जानांगौ बिमाया बुरखायोमोन, जानांगौ बिदा-फंबाइमोना धेमालि खालामनाय जंखायोमोन, मिनिहोयोमोन।

दिनै गावनि आंगोनि न'खौ गारना गंसे गोदान नख'राव फैनांबाय। आंगोनि गासैखौबो गारबोना गुबुन नखरनि सोद्रोमाफोरखौ गावनि खालामफैनांबाय, गोसोआव जाखांफैयो, बौरै जुलिनि सानखालि बिदायनि हराव बिहावसोआ आंखौ गोबानानै, मेगनाव मोदै लानानै बुंदोंमोन- 'आंनि बिखानि थुखासे बाहागोखौनो नोंनो हरबाय, अननानै

जोथोनै दोनहैदो।'

जानांगौ बेखायनो आंनि बिसिया गावनि आंगो साननानै, गिनाय गैयालासे दो-दो उन्दुलांदों आरो आंनि सायाव गावनि बरादखौ हगारनानै होदों आंनि सायाव फोथायनाय लाखिदों, बेनिखायनो थै-थां फिसाइनि धोरोरमखौ आं फालिनो नाजागोन।

बायदिसिना गुलाय-गुजाय साननायखौ दोनथ'ना mobile खौ दैखोफिनना जेबो reply खालामालासे block खालामबाय आं। मानोना आं सासे हौवा, सासे फिसाला, सासे फिसाइ, सासे बिजामादै, रावखौबो गोसो जाबानो फिदिंजानाय, गोसो जाबानो जोखारजाहरनाय Football नडा आं, दा हाबा जानाय सुबुं। आंनि आखाइयाव दा गोबां बिबान दं आरो आं आंनि बिसिखौ मालाबाबो फोथायखेबस' खालामनो हाया।

बिनिखायनो बायदिसिना साननायखौ दोनथ'ना आंबो बिसिनि खाफालाव सब खुदुमना, बिसिखौ अराय समनि थाखाय गोबाना लाबाय।

“बर' हारिनि जिउ लामानि मोनफ्रोमबो बिथिंखौनो दिनै मोजाडै बिजिरनानै बेखेवनाया साफ्रोमबो बर' थुनलाइगिरि आरो थुनलाइ सिबिग्राफोरनि गोथार हाबा।”

—सानजारां लक्षेस्वर ब्रह्म।

जिउनि मोनसे सावगारि

—लैथोस्त्रि बसुमतारी

गाब सोलायनाय सानस्त्रिजों
सुबुंफोरनि गोदान गोदान सोलायनाय
सानस्त्रि, गोसो, हुदा, आखुफोर
बोथोर लानानै बोथोर
नों आरो आंनि बानफोरजों बरनाय जानाय
गावनि आंगोखौ गावनो सिनायजायै।
सुबुंना जुनार
अनथाइ बिखाया
बिखा गैजा रोडै
आखाइजों आखाइ गोरोबलायनो लाजिनाय
लोगोसेयै सेंयै हान्थिलायै
आखाइजों आखाइ गोरोबलायना लोगोसेयै
मिनिलायनाय नों मुगै लायनाय,
बेफोरनो खोमा
सुबुं जिउनि मोनफा मोनफा
सावगारिफोरा।
थारैनो दा सुबुंफोरा सोलायबाय
गोदोनि बादि गोजाम मुगानि खान्थिजों
दा सोलिया जानांगौ,
मानो दा सुबुंफोरादि बांसिनैनो
इन्थिलेकसुएल जाबाय
आरो गोदान मुगानि बारखौ उल्थायैसो

बोजबना लाबाय।
दा लेखा फरा रोडै सादा बुसा सुबुंफोरा
दानि मरदानाइजेसन मुगायाव
सिबगार हरजानाय माखासे बिलाइ गोरान बादिसो,
मानोना आथिखालाव....
लेखा रोडै सुबुंनि गोथौ सानखांथिजों नंला
लेखा गोरोंब्लाबो थौले गोसोनि सुबुंनि
जाथावयै बानफोरनि सोदोब फोरजोंसो
खिथु-खिथु खारफा बायनाय,
बिदिब्ला मरदाइजेसन मुगानि जौगानाया
बिब्दियैसो जानांगौ।
आथिखालाव सिंनि सैथोथिखौ हमादां हालिया
खालि सायाव एसेल' सैथोथि थानांगौ
मानोना सुबुंफोरा सानि समायनाखौल'
नागिरसै सिंनि समायनाथिखौ नडा,
सुबुडा सुबुंथिनि महरखौनो बावगौमायो
नोंनि आंनि फारागथि नागिरबायनायाव...
जिउया मोनफा मोनफा सावगारिफोरजों
सुबुडा समायप्लेजानाय
नाथाय गोरोन्थि सानस्त्रि
आरो बेरेखा गोसो
बैफोरजों नडा।

इत्तेफाक

—अरन राजा

हाथाइ खालामखांनानै थोंजों गारि दोननाय जायगायाव फैनानै बेसाद लानाय जलंगाखौ गारियाव माजाडै आलायफैदोंमोन रमेनआ। बिनिफ्राय साखाथियाव थानाय गइ दखाननिफ्राय गइ जानो गोसोयै आवगायलांहां जाब्ला नुबाय गावजों गोदो बिजनी कलेजआव फरायजाबलायनाय लोगो पानबारि थाइस'बारि गामिनि निर्मलखौ गइ जानो फायै दोननाय गामब्लानिफ्राय गांसे लानानै सुनाय फावै गइ दखानदारजों माबा रायज्जायबाय थानाय नुहरो।

: हाबाब..... निर्मल नोंथां दिनैलाय बबे इसोरा लोगो मोनलायनायनि खाबु होखोलै.....। -बुंनायजों लोगोसे निर्मलनि उननिफ्राय दाफोना फारनैयावबो हमदों रमेनआ।

: नै माथो रमेन नोंथांसो। नंगौथ' दिनै बेसेबा गोबावनि उनाव लोगो मोनलायनाया सोरबा अनसुला इसोरनि खाबु होनायसो बुंनांसिगोन। दे नोंथां गइ जादो।

: नडा नडा निर्मल नोंथां, दिनैनि बे मोननो गैयै समखौ आं-गइ जालायनानैल' हगारनो लुबैयाखै। थु हनै साहा दखाना खाथियावनोथार साहा खाफफा

खाफफा लॉलायनानै दसे दुखु सुखुनि खौरां मिथिलायदोनि। ना आथुरै खरसानि जलंगाखौ आमोखि स्त्रीमतिनो दिनथिहैथारनांगौ?-ग्लाब ग्लाब मिनिनानै बुंदोंमोन रमेनआ।

: बाद हो दिनै स्त्रीमति थ्रिमति। थु आंबो लॉखायाखैमोन। सासे जाफैगारग्रा आलासि दंफैयोलाय, बिनिनो मा जाहनो साननानै अमा बेदर लांफैनाय फावै साब्राम फानलुल'सो लांनो फेखादोंमोन आंबो।

: आलासि दंलायोब्लाथ'.....!

: जेबो नडा फुडाव रोनो रोनो जाखानायसो। सानजौफुनिखौ नै रिंगासोआव मोनजाब्लाबो जेबो नडा होननाय बादिसो।

: हे: हे: हे: खोथा बाथ्राफ्रा दाबो गोदो कलेजाव लोगो मोननाय बादियानो दंथारो।

: राहा गैया नोंथां संखै बानलुनि दावराव जानानै माब्ला गालबुबु जानाय स्त्रीमतिनि मोखांखौ स्र खालामफिननो बेफोर खौ फोथांनानै दं। समाव हिन्जाव जाथिया रागा जॉनांगौब्ला दुर्गा कालिनिबो महर लायो बेखौ सोर हौवाया मिथियाखाय।

: हा: हा: हा:.....जावलियाना।- बुंनानै

ग्लाब ग्लाब मिनिदों रमेनआ साहा दखान मोखाडगव । जायखौ साहा दखाननि मानसिफ्रानो नायहरजोबलायदों । मिनि मिनि साहा दखान सिडाव हाबलानानै गंसे लांदां आरांगानि मोखांजों मोखां मासियाव जिरायहेदों बिसोरो । बिसोरखौ जिरायनाय नुमारनो दों दों दै ग्लास मोननै होनानै मा जायो सुलाद लाफैदों दखानाव थाग्रा गथ' सासेआ ।

: मा जानो नोंथां ?-सोंदों निर्मलआ ।

: दिनै बिब्दि सोंनाया आंसो फाला नोंथां ।

बुं मा जायो ।

: फाग्ला बिदिजों जायो आरो । बियो पानबारिसोब्रा, आंनि जायगा, नोंथानि बाथाबारि नडा । -मिनिनानै बुंदोंमोन निर्मलआ ।

: लिंग्रोग्रायाथ' आंसो । दे मा जायो, नडाब्ला आंनो बिहरनोसै । -बिदिनो मिनि खुसि दानथे बिदानथेजों गथ'नियाव जाग्रा बिरनानै साहा लोंलायो निर्मल आरो रमेनआ ।

: रमेननि न'आ बिजनी नोगोरनि साखाथि बाथाबारि होननायाव, गुदि फरायसालियाव फोरोंगिरि मावो । सम सम हादाननि मोजां मैगं मोनोखाय पानबारि हाथाइ जाफैबाय थाखायो । नाथाय एसे गोबावसैमोन फैयैआ । रमेनाबो गामिनि गुदि फरायसालियावनो फोरोंगिरि । बोसोरनैसो जाबाय गाहाइ फोरोंगिरिखौ लानाया ।

: अ नडा होननाया, आलासि दंफैयो होननायालाय बबेनि सोरथ' ? नोंथानि बुंनाय राआवथ' फैफ्लेबाय थाग्रा बादि बुंनाय जादों ।-साहा लोंखां

आरिखां साखाथिनि गइ दखानाव गइ जाफैनाय समाव सोंदों रमेनआ ।

: मिथिनो लुबैमारथारलायबाय आरो नोंथाडाबो । आं सानबाय खिनथानांगौनिफ्राय बारग'सिगोन खोमा । बेखौनो दुनाय गोसोखांनानै सोंबायसो आरो ।-मिनिस्लुयै बुंदोंमोन निर्मल मास्थारआ ।

: खिन्थाजायाब्ला नांला दे ।-खुगायाव गइ फाथै गब सोनानै बुंदोंमोन रमेनआ ।

: खिन्थागोनलै खिन्थागोन, देनां गुबुनिक्रायसो मिथिब्ला दुखु मोनलायगोन नोंथाडा । माबालै...., दानिया माथो बिमा बिफाफोरखौ बिहामजो बिजामादैफोरखौनो नागिरनो खाबु होलिया फिसाफ्रालाय । -एसे खेंसालियायै बुंदोंमोन निर्मलआ ।

: फिसाजोनिना फिसाज्लानिब्रा... ? औरैनोलाय फिसाज्ला सासे फिसाजो सासेल'मोन नडामोन होनबा नोंथां ?

: नडा माथो । दा बे फिसाज्लानिनो सायख'नानै लानाय बिहामजो रानि दंफैयोलाय । नायनोब्ला थु ।-मिनिनानै बुंदों निर्मलआ

: माब्लाबा नायफैनोसै नोंथां । बिनिफ्राय बहानिथो जाखो जोंहा बिहामजो रानि जागोनालाय ।

: अ नडा होननाया, बे सारागामि होननाया नोंथांमोननि खाथियावनो नडामोन होनलाय ।

: नडा जायो फाग्ला । हा नोंथांमोननि पानबारि हाथाइ जानो फैग्रा आंनि लामायानो बेथिजायनोखा । सारागामिनि सोरलै बियो ?? -

एसे गोमोनाय बादि जानानै सौंदोमोन रमेनआ।

: बिफानि मुंखौसो दाबो सौंनानै लानाय जायाखैलै नोंथां। फुंबिलि होननानै बुडो बिहामजो जागोननि मुंखौ।

: फुंबिलि.....??? बे.....???

: औ औ नोंथां, गाहामैनो सिनायथारो नामा नोंथाडाबो? माबादि मानसियालाय? न'आव सोर सोर दं। बिफाया.....???

: र' नोंथां, खेबसेनो एसेबां सौंब्ला बबेखौ फिनग्रोगोन आंलाय। जोबोद मोजां गथ' फुंबिलिया। बेखौ बुंनो हागौ आं। बुंनो थाडोब्ला बिसोरनि गामियाव फरायनाय हिन्जावसाफोरनि गेजेराव बेनो साबसिन। नाथाय.....।- बुंहां जानानै थाद'फिन्दों रमेनआ। बुजिनो गोरों रमेना सान्दों जानांगौ, जुदि निर्मलाआ एंभ्रायै सोडा हसिया फुंबिलिनि गासै गुदि खिथा फोरमायनानै होयोब्ला रमेननि फिसाज्ला जौंसार आरो फुंबिलिनि गोरोबज्जायनायनि बान्दो खानो लानायावनो थबस्र' जनानै थाडोब्ला इनाय खालामनानै होनाय जागोन।

: नाथाय मा नोंथां, बुंलाय बुंलाय।- एसे मिथिनो आंखुर जादोंमोन निर्मलआ।

: नडा नडा जेबो नाथाय गैया। आं सान्दों मा माबोरै माब्ला लोगो मोननानै बिसेसिम आगायखो। ना बिजनी कलेजआव फरायजाबलायनाय लोगो ना मा?-बाश्राखौ दानख्लेंनो नाजादोंमोन रमेनआ।

: आंनि फिसाज्ला आरो फुंबिलिनि लोगो मोनलायनाया एसे सावथुन सावथुन मोननाय

रोखोमनिसो रमेन नोंथां। हिन्दीयावनमोनब्ला 'इत्तेफाक' होनना बुंलायगौमोन आरो।-एसे गुवारै खोन्थानायनि गोसोयै रमेनखौ गइ दखाननिफ्राय जानगाराव थानाय फांसे जाखुमा नागेश्वर बिफां सिडाव लिंबोदोंमोन निर्मलआ। बिनिफ्राय फिसाज्ला जौंसार आरो फुंबिलि लोगो मोनजेनलायखालिनि जाथायखौ फारि फारि खिन्थादोंमोन।

हैखालि मंगलबारमोन। फुडावनो बिजनी दख'रा फरायसा आफादिनि लाब्रबनाय आफाद जथुमनाय दं होननानै बिजनीयाव थांनो ओंखारलांदोंमोन जौंसारआ न'आव खिन्थानानै बाइक लानानै। गु रिंगासो जाबायमोन समा अब्ला। मालाय बादि साखोदावला बायनानै बाइक सालायग्रा नडा जौंसारआ सेंग्रा समनिफ्रायनो। दाथ' आरो आबुं सासे बुजिना सोलोंथाइ लाफुंनाय सोद्रोम गोनांखासै। गुबुन सानफोरनि बादिनो नांगौ ज'खानि बाइक सालायनानै उलुबारि, बागरगाँव मोनसेनि उनाव मोनसे सक बारलांनानायनि उनाव जेब्ला फुंबिलि मोननि गामि हाबनाय सक सारागाँवखौ बारहैयो हरखाबै सासे बोराइ मानसिया रोंदिं रोदा दिरुं लागायनाय मोसौ मानैखौ लानानै बारस'नो नाजाबाय। जाउनाव हरखाब एक्सिलेटरखौ खमाया हसिया सिगांनि ब्रेकखौसो हमफ्रानानै जायगायावनो देब्रायनानै गोग्लैबाय जौंसारआ। जौंसारनि बिब्दि एक्सिलेटर साफ्रेनानै गाबखावनाय बाइकनि सोदोबाव गिसं गासं जानानै बोराइनि मोसौफ्राबो आरोबाव खारसिन लांबायसो। जौंसारनि हान्थुआ चिचि ब्लकआव

हुथ्रोदनानै लंफेना जिबाय आरो हानथुआव जोबोद गोथोयै बौबाय। खाफाला मोजां हेल्मेट गाननायनि थाखायसो खर'आव एसेबां दुखु मोनासै। गोग्लैनानै थाबाय जोंसारआ। बे समावनो फुंबिलिया बिजनी थिंजानिफ्राय स्कुतिजों जोंसार गोग्लैनानै थानायखौ थाखि थुखि मोनफैबाय। सुबुंथिनि नोजोरजों हाखु दाखु गावनि स्कुतिखौ स्टेण्ड होनानै सानानै साफेन सुफेन जानाय जोंसारखौ बोखांनो नाजाबायबाय। अब्लासो सुथि मोनखांबाय जोंसारआ। गैया मालाय बोराइया मोसौजों खारफालांनय फावैनो ब्लद। खाथि खालायावबो न'खरफोर गैयैलाय रावखौवो नुवासै फुंबिलिया हेफाजाब लानो। लासै सिखारबाय जोंसारआ फुंबिलिनि हेफाजाब लानानै। गोजां बोथोरमोनलाय खुयायानो गाहामै खाराखैमोन एसे समहा लागैबो। थैजों सिगलाबबाय जोंसारनि हान्थुआ। आरो मा मोखां नायबावो, जोंसारनि गोदोनायाव फाननानै लानाय आर'नाइखौ माबार खेवनानै हान्थुआव खाथबनानै होबाय फुंबिलिया। बे सामावनो सानजा फारसे माने पानबारि थिंजानिफ्राय बलेर' गंसे फैनाय नुहुरबाय फुंबिलिया। गारिखौ लाखिनायनि गोसोयै आखाइ दैखोबाय फुंबिलिया। लोगो लोगो फुंबिलिनि खाथियाव लाखिफैबाय बलेर'आ।

: नै मा जाखोलाय बिनानाव? - उननि चिटनि खेरखिनि ग्लासखौ खेवनानै सोंबाय बलेर'आव जिरायनानै फैनाय मानसिया। एसे बैसो जानाय मानसि। जानांगौ बहाबा गोजानफ्राव थांगोन। जोंसारनि एक्सिडेन्ट जानाय खोथाखौ खिन्थानानै

एसे सिगाडाव थानाय मबेबा फार्माचीसिमल' लांनो खावलायबाय फुंबिलिया मानसिखौ।

: आंहादि मोनसे जायगायाव थांनो आथुर थारमोन आगै। दे दे जेबो नंला, दं फा बबेबा खाथियाव फार्मासिफोर? - सोंफिनबाय मानसिया।

: औ आदा दं, आं बे जायगानिखा, एसे सिगाडाव गावहानि न'आवनो फार्माची होग्रा मानसिनि न' दं। बेयावनो मोजां बेन्देज खालामनानै दायो देहा फाहामसालिसिम लांनय जायोब्ला लांजासिगोन।

: दे होनब्लालाय। सरि आगै, आं हले हस्पिटालसिम दोनलांनो हानाय नंला। आंहाबो आथुरथार।

: जेबो नडा दे आदा, फै फै आदा। -बुंनानै जोंसारखौ आखाइयाव हमनानै बोहैदों फुंबिलिया दुखु मोनसि मोनसि। लेंग्रा लेंग्रा गारिसिम थाबायदों जोंसारआ। फुंबिलिनि बे एसे गुवार आरो अनसुलि बिखाखौ नुनानै गोमोनो गोनां जादोंमोन जोंसारआ। गोसोजों बाखोनायदोंमोन फुंबिलिनि गोरा बिखाखौ। खेबज्रिदसेबो गिनाय फासयनाय फैनाय नुवाखैमोन जोंसारआ फुंबिलिनाव। गावहा सिगांनि चिटआव जिराय हैनानै जोंसार आरो फुंबिलिखौ उननि चिटआव जिराय होदोंमोन मानसिया।

: नोंनि मा जायो आगै बे फंबाइया ?

: आंनि गेदेरसिन जागोन बादि मोननानै बिदा लेंदों आं आदा, नाथाय आं बिथां बिदाखौ सिनाया। आंबो मैया बिजनीयाव दंखायोमोन, दासो न'आव थांनो फैदोंल' एसेयावनो बे आदाखौ बिब्दि

हालोदआव लोगो मोनफैबाय। बे जाथाय जानायनि एसे खाथियावनो जौनि गामि सारागामिया। नै नै आदा बेनो फार्माचीया लाखिदो।

: माथो बन्दसो ।

: जेबो नडा, आं सिनायखानायसो। सिंथिं थानाने गाबज्रिहैबानो फैगोन बियो।

: दे होनब्लायाय ओंखारदो लासैयै। - बुंनाने ओंखारहोदो जौंसार आरो फुंबिलिखौ।

: साबायखर आदा मदद होनायनि थाखाय।-मिनिस्लुयै बुंदोमोन फुंबिलिया।

: साबायखरखौ आं नोनोसो होगोन आगै। बोर बिगोन आं इसोरनाव जौनि गासै हिन्जाव माहारिया नों बादि गोरा बिखानि जाथों। जिंगा दासि फंबाइ थाबैनो मोजां जागोन, राफोदाइ आइजोआनो लोगो मोनखादों नोंखौ। दुखु थाबाय हस्पिटालसिम लानो हायैनि थाखाय।

: जेबो नडा आदा, साबायखर।

: औ दे।-ड्राइभारखौ गारि सालायनो थिनदों मानसिया। बे समाव फुंबिलिया जौंसारखौ फार्माचीनि मोखाडाव थाबाय थाखाग्रा बेन्सआव फज'नानै गावनि सिनायफ्लेखानाय फार्माची बिगोमाखौ फोजाहैबाय।सिखारनानै दंखासैमोन फार्माची बिगोमाया। मा जाखो मा माखो गुदि खिथा खौरां लानानै जौंसारखौ सिडाव लानानै सुथे खाथे मा मा खालाम नांगौ खालामबाय फार्माचा बिगोमाया। जौंसारखौ टिटि इन्जेकसन होनानै।

:बेनो फुंबिलि नोंथां, आं बुडाखै होनबा

गुबुननिखुइ गुबुनसिन नोंहामजो जागोन फुंबिलिया। नों जुदि बे दुखुथिया गथ'खौ आंगोजों बजबमारदोंब्ला गमामायै बिनो नोंथांनि न'खरनि थार गुबैयै आलायरन जानानै सोरां होगोन।- निर्मलनिफ्राय गासै बाध्राखौ मिथिखांनानै बुंदोमोन रमेनआ।

: हाबाब हाबाब , माब्लानिफ्राय बिब्दि थुनलाइनि रावजों रायजालायनो रोंखोब्रा नोंथाडालाय???

: गइ बिफांखौ गइ बिफाडानो बुंनंगोन, थालिर बिफांखौ थालिर बिफाडानो बुंखानांगोन नोंथां। फुंबिलि गथ' फिसानि सैथोखौ आं मानो लाखोमानो। नाथाय.....।- बुंहां जानानै सिरि थाफिन्दों रमेनआ।

: बुडै बुडै बे नाथायखौ मानो लाबोबाय थादों आं बेखौसो हमनो हायाखैसै रमेन नोंथां। प्लिस बुं नोंथां, फुंबिलिनि माबाफोर आन्दोनि बाध्रा दंब्ला।- आंखुर जादों निर्मलआ मिथिनो थाखाय।

: जानांगौ नोंथाडा बे बाध्राखौ मिथिखाबाय निर्मल नोंथां।

: नडा नडा, आं फुंबिलिनि न'खरनि सोमोन्दै जेबो मिथिमारा। फिसाज्ला जौंसारआ मिथिगौ जानोबो हागौ आंनो नाथाय दिनैसिम फोरमायफेराखै आंनो।

: नोंथाडा आंनि लोगो, जौनि गेजेराव जेबो लाखोमानाय बाध्रा थानांगौ होननानै आं साना। बाध्राया जोबोद गोरलै, नाथाय खायसे अहं गोसोनि मानसिनि थाखाय बेनो जोबोद गौराबो जागारो।

आं खावलायगोन नोंथाडा बिब्दि दाजारों।

: बाध्रायानोथ' मा, मोजाडै बुडा मानो। -
एसे उसु खुथु जादों निर्मलआ।

: बाध्राया जाबाय नोंथां, फुंबिलि गथ'
फिसाया आथिखालाव जाय न'खराव थायो बियो
गावनि असे न' नडा।

: हवाट ननसेन्स, बेलाय मा गोदान
बाध्रालाय। बबावथोमोन गुबै न'आलाय?- थै जागा
जागा जादोंमोन निर्मलआ बाध्राखौ खोनानानै।

: फुंबिलिया आथिखालाव जाय न'आव
थायो बियो बिमाइनि सो न'। फुंबिलिनि बिमा सबिताखौ
सापागुरिनि रौमारि होननाय गामिनि सासे थिखादारनो
हरनाय जादोंमोन। गाहामानोमोन फुंबिलि बिफानि
न'खर आरो बिफानि मोसोआबो। नाथाय हागाव
सिला गोसोनिमोन बिनि बिमा सबितायासो। जायनि
थाखाय फाथांग्रि सबिताया फुंबिलि नै बोसोर
बैसोआवनो गावनि फिसाइनि थिखादार लोगो गुबुन
बिहारी हौवाजों सानसे ह'राव फिसाइखौ दोखो
दोखो जौ फेहोनानै दोनखारलांदों। बिनि दुखु आरो
जौ लोंग्रा हुदाखा गावबो सबिता फिसाइआ जो
लोडै लोडै थैखांनयनि उनावनो रावबो खांग्रा बाग्रा
गैयैनि बिमाइया अन्थाव बाथाव फुंबिलिखौ फेदेरफैदों
आरो फोरोफैदों। मा जाखो, आं एसेबां बाध्रा
खिन्थासेयावबो मानो बबाबादि थाबाय थाखो?-
गाव बाध्रा खिन्थाफुबाय थानायाव निरमलनि मोखां
गोसोम जानानै थाबाय थानायखौ नुनानै सोंदोंमोन
रमेनआ।

: हो....!! ओ.. नडा नडा जेबो जायाखै।

दे रमेन नोंथां थांलायदोनि। न'आव नेबाय थाबाय
खोमा खिबाजानि।

: मा...!! एसेबां हरखाबै मा थांनो
जादूलाबायखो। ना.....!!!

: नडा नडा, जोबाखै होनबा बाध्राया
थाथ'लायदो नोंथां, माब्लाबा लोगो
मोनफिनलायबावगोन। -बुंमारनो गावनि आखाइखौ
रमेननिसिम सिगां हरनानै हेण्डसेक लादों निर्मलआ।
आरो दों दों गाव गारि दोननारथि आवगायलांदों।
हरखाबै निर्मलनि बिब्दि सोलायनाय हालोदखौ नुनानै
बुजिनो हायासै रमेनआ। थं गसं नायहरबाय थाबाय
रमेननि दों दों गावनि गारिसिम थांनाय आरो बाइक
स्टार्ट होनानै न'फारसे सालायलांनयखौ। हरखाब
बिखा सिंखोद मोनबाय बियो निर्मलनि सिगाडाव
फुंबिलिनि गारबोनाय समनि बाध्राखौ खिन्थाफ्रानानै
फुंबिलिनि जोबोद इनाय खालामनाय जासिगोन
नामा साननानै। नाथाय बे गोसोयै बुंधाराखैमोन
रमेनआ गावबो। हे इसोर, न'आव थांनानै जेन'
निर्मल बिथाडा जेबो इनाय थासारि खालाम हैया।
सि, मादि फाग्ला आंबो सासे।- गावनो गाव साननानै
गोसोखौ उसुखुथु मोनो रमेनआ। नाथाय निर्मल
बिथां बादि सासे बुजिनो गोरों सुबुडाथ' बेफोर नंबां
जाबां बाध्राजों गोनो गोथो जानांगौनि बाध्रा थाथावा।
नंगौ, फुंबिलिनाव बिमा सबितानि थैया दं। नाथाय
सबितानि गात्रि सानसि, गावखौ हमथानानै लाखिनो
हायै, हाथासि गोसो, बेफोर फुंबिलिबादि बुजिना

आलारि

गय नि गोसोआव नांदेरनानै थागोन बेखौ ज'खा सुनो जौलाय सोर। सि सि निर्मल बिथाडाबोदि आरो। नडा नडा , ना निर्मल बिथानि गोसोआव फुंबिलिनि दुखु नांथाव जाथायसो दहमैनो नांबाय। सम सम दहाय खिन्थाफुबाय थानाय समाव मोदैजों ब्रां ब्रां जानाय निर्मलनि थाइनै मेगनखौ नोजोर मोन्दोमोन आं। बिखायनो जानांगौ माबारै थानानै फुंबिलिखौ जिगा दालाथों बुंनोसो थांबाय नामा। नडाबोलाय खोमा, खिबाजानि बिफोर सबिता बादि

फाथांग्रि बिमानि फिसाजोखौ आंनो बिहामजो नाडा होननानै जोंसारखौ हेंथा होनोसो थांबाय खोमा। थोद, जाथाराखिसै आंनिया। दहायसो निर्मल बिथाडा मिनि मिनि गावनि फिसाज्ला आरो बिहामजो जागोननि गिबि लोगो मोनज्जायनाया 'इत्तेफाक' सो होननानै बुंनायखौसो थेर बेथेर खालामनाय जायाखेसै होनबा। सायर' गोसोयै बाइकसिम थानानै स्टार्ट होदों रमेनआ आरो न'फारसे सालायदों।

जिउनि गोजोननायखौ मिजिं खालामनाय सुथुर दैथुना जादों- सेंग्रा बैसो।

—लक्षेश्वर ब्रह्म (गोजोत्राय)

मोजां मावनानै गोजोन मोत्रायाव गोग्गानाय थानो हागौ ; नाथाय गाज्रि
आखलै मोननाय गोजोत्रायाव गोग्गानाय थानो हाया।

— लक्षेश्वर ब्रह्म (गोजोत्राय)

गावखौ सांग्रां खालामदो

—गुनिन मुसाहारि

गावखौ सांग्रां खालाम मानोना सानफा एफा बारायबोदों सुथुर आरो अगेन गोसोनि मानसिफोरा। मुलुगाव सुबुंनि सानाय हनायफोरा सानफा एफा रोंगैथिया बरायदोब्लाबोदि अगेन गोसो गर्जि सानग्रानि अनजिमायाबो गोबांनो बारायदों। जायनि थाखाय बिसोरनि मावनाय दांनायफोरा समाज बेरेखा आरो समाजखौ गुबुंले खालामदों लोगोसेयै थासारि आरो मुलुगाव सोमखिखांनाय लाबोदों। बिसोरनि थाखाय जोंबो गिफानो गोनां जादों मानोना उखैहाबनाय मोसानि खुगायाव गोल्गैयोब्ला मै फालांगियाबा खारनानै खारगनो हाया मालादि मालानि समाव हरखाब बारसिन गोन बेखौ मोनथिया बेखायनो गासैबो जों सांग्रां जानायनि सम फैबाय। बिसोरदि मानसि महरे मोसानि आखु लाबाय बिसोरनाव इसोर गैलिया धोरोम गैलिया जायनि थाखिय बिसोर अगेन हाबा मावनो गिनो रोंलिया बिसोर खालि जिउ जानाय जिउ लानायनि अनगायै जेबो गैलिया बिनो बिसोरनि खामानि।

सासे सुबुंआ गर्जि जायोब्ला मोजां मानसिया बोरैबा गालिन फ्लाडोब्ला बिनिक्राय बारगनो हानाया गोब्राब बैनि आखुआनो सनदरो भाइरास बादि। जाय खनसे गालिनबाय बियो आरो गोब्राबसै मोजां फारसे आगान होबोनो। मोजांनिखुइ गारजिनि मुहिमाया औरैबादि गोरादि जाय खनसे गर्जि हाबा मावबाय

आरो बियो बे गोरोन्थिखौ सुद्रायनो गोरलैयै हानो थान जाबाय। बिखायनो जेब्लाबो गाव गावनो सांग्रां हुसियारै सानै हयै माव आरो रैखा खालाम गावखौ। बै सासे गर्जिखौ फोजोबनो बिनि आखुखौ सोलायहोनो नाजानांखोन मानोना जेरै दरसे आलु गेसाव थायोब्ला गासै आलुआनो गेसाव जाफायो दरसे आलु गेसावखौ नुनानैबो थाबैनो एरखना गाराब्ला बिनो गासै खौबो फेसेवगोन थिग बिबादिनो फालोनि गैजेराव सासे गर्जि थायोब्ला सानफा एफा साफानिक्राय साफा बारायगोन अबोला गासैबो गेसाव जागोन। अबोला फोसाबखनो हाया हाया जागोन। बिखायनो जायखौ गोरोन्थि नुदों बिखौ थाबैनो सुद्रायनांगोन नडाब्ला गासै लाइमोनफोरखौ गाञ्जि खालामगोन।

जौ जुवा निसानि साथिखनाय मुहिमाया आरोबाव गोरसिन खनसे खालामोब्ला खनै खालामनो खनै खालामोब्ला आरोबाव लाबावनो गोसो जायो बिदिनो सानफा एफा बारानो गोसोआ लुबैयो आरो एसे इनैजों गोजोनो हाया जायो। बिनो लाबोगोन जिउआव इनाय। नखर संसार बिमा बिफा जाति बंस हारि माहारिनि खहा खालामगोन आरो अराय गावबो दुखु सैनांगोन खोमसि खोमसि जालांगोन आरोबाव माहारियारि बाद दानायाव गोहोमगोल्गैगोन। समाज हारि हादर रैखा खालामनो जों जानांगोन जौ जुवा

निसानि हेंथा। नडाब्ला जानाय नलिया जों सिमांफोरा आवबा जानांगोन। लाइमोनफोरखौ निसानि आवथानिफ्राय जानगार होनांगोन नडाब्ला बेनो खालामगोन समाजनि बेरेखा गुबुंले आरो फोरोंगोन उन्दे उन्दे लाइमोनफोरखौबो बेनोदि जागोन देरसिन गोरोंथि समाज गुबुंले जानायनि। जाय गोरोंथिखौ नुनाब्लाबो नुयि बिदि थायो जाय समाज बेरेखा खालामदों मावदों बिखौ नुनानैबै नुयि बादि थागोन आरो जाय समाजनि बेरेखाखौ नुनानैब्लाबो जाय आरोबाव थुलुंगा होगोन जाय मावनो थिनगोन अब्ला हरिनि सानथौ हरि मान सनमान हरिखौ आरोबाव हरिया दावगानायाव हेंथा जाना समाजखौ आरोबाव गुबुंले खालागोन बेनो खालागोन लाइमोनफोरखौ निचन गैयै समाज बेरेखा खालामनो थुलुंगा होगोन। बिसोरनो खालामगोन समाज बेरेखा आरो थासारिखौ गुबुंले आरो दुंहाव थासारि। हरिखौ लोरलिं थोरलिं।

जाय लोरबां गोसो बै सुबुंआनो बिसोरनि आवथायाव लेहेनो आरो गोरोबनो थाबैनो सनदेनो गेरले जायो। अगेन मावग्राया मावनो गिनो रोडा समाजनि बेरेखा खालानो। बेदर जाग्रा जुनाया बेदर वनो मब्लाबाबो गिनो रोडा सोरजों सोरखौबा दानलाय सुलाय खाना गोथां बेदर जानो हाखुरै बारसिनो आरो मनयो।

गाव गावखौनो सांग्रां खालामनि सम फैबाय मनोना राव रावखौबो फोथायनो हाला। गावनि आंगोआनो खालामो जुनार आखु आंगोआनो आंगोखौ जोनोबगोन। दानि मुगाया गिखंथावना जाबाय मानोना

दुथानि आनजिमाया बांबाय। गावखौ सांग्रां खालाम समाज हरिखौ रैखा खालामदो। समाज हरिखौ फोसाबनाया जों साफ्रोमनिबो बिबान लाइमोनफोरनि आखाइआवनो हरिनि सिनायथि हरि दावगालांनायनि।

आथिखालनि थासारिखौ नायेब्ला खर हमनो नांगोन बर' हरिनि लाइमोनफोरखौ सानोब्ला मेगन बेखेवब्ला नुगोनदि बर' हरिनि लाइमोनफोरा बबे लामार्जों खारदों। बे समाव बुंगौ जाना फैबाय मानोना सिरि सिरि थाबाय थायोब्ला आरो बांसिन जागोन। गोबांआनो दा निसार्जों जोबना लाजार्दों साननि हरनि द्रागस जौ सिगारे बिरि जेब्लाबो बिसोरनि खुगायाव। बे बिगियाननि मुगायाव दा गाव गावनो सांग्रां जानांसिगौ।

जोबनायाव बेखौनो बुडो गावखौ सांग्रां खालाम हरिखौ रैखा खालाम द्रागस जौ बिरि सिगरेदनि हेंथा खालाम। उन्दे उन्दे फंबाय बिनानाव मोननि गोसोआव गुनगोर्ना बाथ्रा सो थुलुंगा हो हरिनि मोजां हाबा मावनो। बे बिषनि मुहिनीनिफ्राय गोजान जा गोगो सावस्रि खालाम बर' हरिनि जौगानायनि खामानि माव। द्रागस जौ बिरि आ बुडो आंखौ जादों नोंसोर आंबो नोंसोरखौ जाफिनगौन। जाय द्रागस जौ सिगारेद बिरिजों गफदों नोंसोर नोंसोरनि इयुन सान बिमा बिफानि खोथा सान नोंसोरनि उन्दे उन्दे फंबाय बिनानावनि खोथा सान हरिनि खोथा सान लोगोसे गावखौ सान गावखौ सांग्रां खालाम हरि गोगो हरि दानायाव हेफाजाब हो। *

फागुनाव गोसोथोनायनि आरावः थैनायनि उनावबो

—लताच पि नारजारि

कक्राझार

बे आंखौ गोसो थोनायनि उननिफ्राय बुब्लिफोरा समायना जासिनदों आंनाव दा
गोमाजानो गिनायजों बायदिसिना सानप्लानानै एखनब्ला नांनायनि बारासिन बोराबप्लाडो
बे बादिनो जिउखौ दा समायसिननाय मोनदों
नैबे फागुनाव मान्दार आरो बिनि मुंजों

नाथाय इयुन गैयै गाबा खंख्ला बिखा जों सानफा एफा गाज्जि खौरां लाबोयो बिनि
रानज्जिनाय दालाइ आव गोसोम एम्फौ बाफैयो
सानफोरा बारलाडा बारलाडा
नै...! बियो हाग्रा सेरनि दैसायाव मानसि दानस'यो
मानसिनि बिखा गैयै दानबजों आं गोसोथोज्लायो
माराम जानाय बिनि आंखाल बिखायाव
अब्ला मानिथो अर....(?)

गोथौ हर गेजेराव सानफ्रामबो नागिरो
लाजि फोनाडो मोगथां मुलुगा गराइनि लागाम हमनानै
लाइजामनि सोदोबफोरा थैजों बोहैलाडो थं नागिर नागिर

हां गैयालासे सानसे सिखा गोलाव लानानै आंखौ लिंबाय हरै मारु फारसे —
बियो जोबोद हारसिब्लाबो
लोगोआव दंमोन लानजाइ गैयै गराइ मासे
आंनि आखाइयाव गुसु जाहाबनाय आखाइ दोननानै गाबदोंमोन

सल'नि आद्रा बिलाइ बोद्ला बोद्ला

आं थानोसै नामा रोजासे हेंथा सिंखाउना हां लानायनि बोलो लानानै ?

बिनि थायनै मेगनखौ फरायखालि-

बेहा गोथै गैयामोन

बारा गुसु बारदोमोन

जोमैजों साना खोबथेजानायमोन

अखां आव सिलाफोरा बिरदोमोन

बिबारफोरा रान्जिलानायमोन

फिथाइफोरा रोसि गैयामोन

देंखोफोराव गोजोन गैयामोन

मिथिंगाया गोसोम गाब गादोमोन

थैनि फोरबो जादोमोन

गोथै सह' नि बेगोफोरनि हाजो दंमोन

आरो बिनि मेगना गोसोम थारमोन

आं आखाइ हमनायनि उनावबो

बदनाम जादों दानबजों गोसोथोलायनायनि-

सावफ्रामजानाय सह'फोरा बाराव बिरला बायदों जेरै मेरै

गामिनि हाबजेननाय लामानि सोमलि गोथै दंफांआव फासि नानानै थैदों

जोबस्रानाय सानखौ गिनानै

दासो जागायजेनदों दावहाया

मिथ्याव दारि गोनां एम्फौ फोरा मानसिनि खामफ्रामनाय गेसाव मोदोमखौ अरै अरै जादों

गाबखावनाय आरो ब्लाव ब्लाव अरनि थ्रासारि नायनानै बियो मिनिदों

गेसाव बिखाखौ आंनो जासिनानै

थेवबो आं बिखौ गोसोथोयो

गिनानै खारथिनाय मानसि सासेखौ
 आखायनि सिखाजो खुबैनानै आथिंखौ दानस'यो बियो आरो सेरनि सैमानो गोदानानै जाहोदों
 आरोबाव
 गोथै सावनाय अराव बेगें हानानै माला सुदों आनि थाखाय
 लोगोसे बिनि आखायाव दंमोन थैनि काप गंसे
 माराम हाथाय लानानै आनिथि मिनि हरदों आराव जानायखौ सोडै सोडै
 थेवबो आं बिखौ गोसोथोयो

मुलुगा जोबस्रानोसै—

गराइआ गाबखावदों अरनि सोरगिदिं खारनानै
 थैजों सिगलाबनाय हायाव फैसा खुसा सारनानै सारादु खुंदों
 आनि मेगनाव गोथै सावनाय उखुन्दैया हाबफैदों गोब्रा बारजों
 खाथियाव दं बायफ्लेनाय आइना गंसे
 जेराव नुदों आं-
 थै गैयै मेगन गनाय आनि मोखां
 आरो मोदोम गैयै हारा बेगें
 औ ! सावफ्रामजानाय सह'आ आनिनोमोन
 जाया बाराव बिरदों
 जोबस्रानाय सानखौ गिनाया आंनोमोन
 जाय गोथै सोमलियाव फासि नांदों
 गिनानै गाबखावनाया आंनोमोन
 जाय अराव गारसोम जादोंमोन
 बि आनि आथिंखौनो दानस'दोंमोन
 जेराव आं खारलानो नागिरदोंमोन
 थेवबो बिखौ आं गोसो थोयो
 आराव जानायनि उनावबो
 थैयै थैयै थैखानायनि उनावबो *

बेनो समा गावखौ सोदांनायनि

—आरन कसारि
पातकिजुलि, बाक्सा

सोद्रोमथि गोयै सुबुंस्त्रि
खांखुवानि महरै
मन'लाबनो आवगायदों
आब्रुथिखौ फोथैना
जाखांफु थखासे लाइमोन।
मोखाडा बर'
आखल-आखु, रायलायनाय,
गाननाय-जोमनाय
सोनाबारि हारिमुजों दाफबनाय।
जालामा खोबनाय मेगन बिसोरनि
बोबथि जानाय दुगा गोसोनि,
खोमसि बुब्लिखौ गोबाना लानाय
सानखौ गावनि सुथुर साननाय।
समखौ एरैनो उरायहोनाय
इयुन बिदिन्थाखौ गुबुंले खालामना लानाय,
जेब्ला गां रज'ना बिरलांगोन बिलि
नागिरब्ला मोनफिनगोन ना नों बै बुब्लि?
ज्राव गारबाय मावनाय हुदा
सर' खालामना लाबाय गाञ्जि हुदा,
देहा सोलेरा लह'राय लांबाय
वेराम आजारफ्रा नारसिननो बोलो मोनबाय।

धोरोम खोरोम गैलिया
समाज बेब'स्थाबो मोन्थि रौलिया,
लिरनाय फरायनायाव गोसो होलिया
बिमा बिफानि बुंनायबो खोनासंलिया।
इजि मानिल' नागिरग्रा जाथारबाय
गावजों गाव नांलाय-खमलाय बारा जाबाय,
नाथाय समा रावखौबो निमाहा होनाय नडा
नों दा गावनि गोरोन्थिखौ बुजिनाय नडा।
जेब्ला बिफाडा रज'ना बिलाइ खिलिगोन
अब्लासो नों बिखौ नुनो हागोन,
बै समाव दायनिगिरिया नों गावनो जागोन
खस्थ' मोननांब्लासो नों गावखौ बुजिगोन।

सोरांखौ संदाननानै

—सुमित्रा बसुमतारी

मारु मोनसे बारखांना आरोबाव मोनसे मारु बारनो
जान्जिनि थि खाफ्रानायखौ गेंफ्रुहोयाजासे
अहाजासे होसोदों मोनसे थि सिमानि आवथा।

हाजों दाजानाय सोलेरखौ बावगारनानै,
देहाखौ सिमानोनो बावखादों सलादेंयै।
मोदोमफ्रु होलायनाय थैजों दाजानाय मोनथाइखौ,
जाफुंगोननि बिथा नागिरनानै।

थेनथ'नाय मेगननि आन्दोआव
उन्दुहोजायि बै मोनसे थांखि,
खावख्लाबसे बानाय सोलेरखौ
गाफ्रुनानै बिनि साजोंनो बारनलांदों।

बारा जेसेबां बारो बारबाय थार्थों,
दैमाया बेसेबां बोहैयो बोहैबाय थार्थों
खायमा अखाडाबो जोमैजों गेलेबाय थार्थों,
आंहा बेफोरखौ खेर खेराया आरो लानांगौबो मैया।

दा मेगननि फैसालिजों सावागरि बोयै-बोयै,
आंहा सोरांखौ संदाननायनि जोबोद हाबिलास।
नडाब्ला बिखौ सम बाबेनलानायनि उनाव,
गोथार दैजों सुखांना मोनथोरनि आर 'जखौ गाबज्रिजाया।*

फरायसा जिउ

—अनसुमा महिलारी
बि.ए. बाथि सेमिष्टार
बरमा कलेज, बरमा

आय' बे फरायसा जिउआ
जिउ गोयै जिंगाबनि
फुथुला बादिसो जानांबाय।

सोरबाया सोरनिबा खैसाराव गोग्लैनानै
दायनिगिरि साजाय जानानै
सिलाइनि गुलिखौ बिखायाव बजबनानै
खास्रि-बिस्रि गावनि आगोमा
जिउखौ बोलि होनांबाय।

सोरबाया सोरबा लांसुनिया
मेगन गोजानि नोजोराव
गोग्लैनानै खास्रि-बिस्रि
जिनाहारि खालाम जाबाय।

सोरबाया रांनि आंखालाव
गावनि फरायसा जिउनि
सिमां-मिजिं गासैखौबो
बोलि होनांबाय।

आय' फरायसा जिउ
नों बेसे सहायबावनो...?।।

गोरान्थि

—आजोला बसुमतारी

बि.ए. सेथि सेमिस्टार

‘हर होनदों हर। हराब्ला आं न’आव थाला आरो ओइस.एस. पाइनालनि फर्म फिलआपखौबो खालामला।’

‘नोंनि थानाय थायि होनाय होयिजों आंहा जेबो लोब्बा गैथारलालै गथ’। मबाइल बाहायनानै मा रॉनाय बादि मोनदों नॉलाय बेटा?’

बिफाजों दान्दिसे मबाइल बियै बियै नांज्लायनानै बिबाबो मोनैनि न’निफ्राय ब्लद ओंखारलांबाय बिरखाडा। थानाय समाव गावनि खथानि दर्जाखौ ख्रां जोंख्रांलांदों बियो।

गोनांद्रायबो नडा गैद्रायिबो नडा आबाद मावनानै जाग्रा मुनिन्द्रानि संसारनि हालोदा। इसोर हरनाय सासे फिसाज्ला आरो सासे फिसाजो दं बिहा। बिसि आरो सानै फिसाजों लोगोसे गावजों गासै साब्रै सोद्रोमा मुनिन्द्रानि नख’राव। बिरखाडा मुनिन्द्रानिनो फिसाज्ला। 2021 मायथाइयाव कर’नानि दोहौनि समाव आन्जाद होयालासे मेट्रिक पास जानाय। ओरैनो पास जानायब्लाबो सेथि थाखोआव पास जानाय मोजां दौखोन्दोजों। जानांगौ फोरोंगिरिफोरनि नारखोनायजों। नडाब्ला बिरखाडा आन्जाद लिरनानै सेथि थाखोआव मासि आवग्रिनानै

मेट्रिक पास खालामनो हानायनि केपासिटि गोनां फरायसा नडामोन। मेट्रिक पास जानायनि उनाव जायगानिनो गंसे ओइस.एस. फरायसालियाव मुं थिसनदों। ओइस.एस. फास्ट थारनि प्रमसन आन्जादाव गावनि लिरनायजों पास जागौमोनना जायमोनथाय बेखौ मिथिलिया नाथाय राइजोआव आन्जादिनि समाव दै बानानि जेंना नुजानायनि थाखाय काउन्सिला प्रमसन आन्जादाव जिरायनाय गासैबो फरायसाफोरखौ पास खालामनो बिथोन होनायाव पास जाबावदों बिरखाडा बेयावबो।

उन्दैनिफ्राय थाखो गु सिमहालागै फरायनायसिम बिरखाडा थिगैनो दंमोन। नाथाय बिनि उनाव लाइमोन बैसोनि बारहुंखा सानायजों गाञ्जि लोगोफोरजों सन्देरफ्रानायजों बियो थारलायै गाञ्जिखौनो बजबदों जायखौ बिमा-बिफाया, फोरोंगिरिफ्रा, गोरों-गोराफ्रा माना खालामो। दा बिरखाडा आखल-आखुआव खुगानि राव-फावफ्राव दलामैनो बायगरसै।

कर’नायाव मेट्रिक पास जानाय लोगो लोगो बिफानिफ्राय ब्रा ब्रा जिबा रोजा रां लानानै मबाइल बायनानै लादों बिरखाडा। बे मबाइलनिफ्राय थाखोनि

फराफारिनि सोल्लोथाइ लानाय आरो बाहेरा मुलुगनि मोजां गियान बुधुमनायाव एसेबो हेफाजाब लाफेराखै बिरखाडा। मबाइलनिफ्राय ओरैबादि बिथिंफोरखौसो सायख'नानै गावनि खर' मेलेमाव बासा बोनानै थुब्रायनानै दोनदों बियो, जायखौ सुबुं समाजा थारलायै गाज्जि होननानै बुडो। बिरखानि पेजबुक पेजनि माखासे पस्ट आरो वाटसापनि स्टेटासफोरा सुबुं समाजनि खानानै लानाय नेमखान्थि आरो सोदोमथिनिफअराय थारलायै बाहेरायाव थायो। समाजारि बिजोफ्राव गावखौ गाज्जि होनना सिनायथि खालामना लानाय बिरखानि बेबादि आखल-आखुनि खौरांफोरा बेनि खुगा बैनि खुगा बारस्लायै बारस्लायै माब्लाबा माब्लाबा बिफा मुनिन्द्रनि खोमायावबो हाबहैयो। न'आव थाब्ला गावनि खथानि दर्जाखौ फांथेनानै मबाइलआव गेम गेलेनायाव मुखुब थायो बियो। जानाय-लौनाय समाव बिमाया फिसा महरै जावले जावले गाबज्जिबायो दिउ-दिउ रागा जोडो।

संसार जानायाव नुजानाय गोनांथिखौ नोजोर होनानै बिफा मुनिन्द्रआ सोरजिनाय नखरनि माखासे आगजुफोर जैरै- टि.भि. पेन, सियार टेबोल, न'नि दरजा खिरखि बायदिफोरखौ बुखेब-जोखेब खालामनानै बिफानाव बाइक बिनायाबो आथिखालाव बिरखंनि मोनसे हुदा। पि.इउ. पास खालामनानै आबाद मावनानै गामियाव संसार जानाय मुनिन्द्रआ मोजाडै-नो मोनथिखागौ दानि समाज बेबस्था आरो लाइमोनफोरनि थासारिखौ। गामिनि बिबान रुजुननानै गामिखौ दैदेनग्राखाय लाजिखाडोबो बियो फिसाज्जानि

थाखाय। गावनिया बेबादि जाबाय जाबाय आरो गुबुनखौ बेबादि जाजानायखौ मुनिन्द्रआ लुबैया। दानि गोदान जोलैनि साफ्रोम लाइमोनफ्रानो फरायनायनि गेजेरजों गुन गोनां सोल्लोथाइ लानायखौ फारसेथिं ज्राब दोननानै गाज्जि हुदाफोरखौ सस्त्रा खालामनानै गावनि फिसा बिरखांबादि जाजोबोब्ला इयुनाव गामिखौ समाजखौ आरो हारिखौ मोजां नोजोरजों सोर आरो बोरै दैदेननो? बे सिमहालागैनि बाथ्राखौ मुनिन्द्रआ सिन्था खालामो। होब्ला हायो नाथाय बिनायमानिखौ होजोबनानै फिसाज्जानि गाज्जि आखुनि सिमाखौ आरोबाव बारायहोबावनो सानाखै बियो। गावनि फिसाज्जालाया दुम-दाखाल खालामनानै बिनायमानिखौनो मोनजुबनायखौ नुब्लानो गाबोन समफोर गामिनि गुबुननि फिसाफ्राबो बेबादि सोल्लोगोन बेखौ मोनथिखागौ मुनिन्द्रआ। बेनिखायनो फिसाज्जालाखौ थारलायै बुंखादों बियो- 'मबाइलखौ होबाय होबाय बाइकखौ नों हाजार बार बिब्लाबो होया'- बिब्दि होननानै। अब्लाबो बिरखाडा बुखेब जोखेब खालामनानै बाइक बिनो नागारा। सम सम जाय हायाव आबाद मावनानै बिफाया गावनि फरायनाय, गान्नाय-जोमनायजों लोगोसे नखरनि गोनांथिफोरखौ फोलोमनो खरसा दिहुनदों बै हानि फोरमान बिलाइफोरखौमानि नागिरलायलाडो बिरखाडा बिनायाव होयैनि हा फाननानै बाइक बायनो।

जाथाइया साननैसो सिगांनि। बिरखानि गोसोथोनाय अनजालिया बिनो प्रपजेल होदों- बेसेन

गोसानि मबाइल गोदान गंसे बायना हरनायजो लोगोसे पुजा बोथोरनि गोदान गाननाय-जोमनाय गावनो बायनानै हरनांगौ। नडाब्ला बिरखांखौ गारगोन। बेनिखायनो बिरखाडा प्रपजेल मोननाय दिनखालिनो बिफानाव नैजिबा रोजा रां दाबि खालामदों। बिरखांनि दाबिखौ मब्लाबाबो गमायैनो गोखों फिननाय बिफाया बिनो होदोंमोन। बिरखाडाबो दं मोजां मोननाय अनजालिनि बाभ्रा। नंखाय मबाइल गंसे आरो गाननाय-जोमनायनि थाखाय गोरलैयै गोसोथोनायजों गारजानो हाया। गारजानांगौब्ला बाइक गोनां लोगोफोरनि सिग्गडाव जोबोद लासिसिं जागोन। औरैबा गावहा बाइक गैखाया। गावसोरनि बाइकआव लाफाबाय थानो हाया। मानोना बिसोरहाबो दंखायो गावबागाव गोसोथोनाय अनजालि।

खुथार खुथार बिब्लाबो राहा मोनैनि बिरखाडा ओंखाम संग्रा गेस सौका आरो प्रेचार कुकारखौ बुखुवनानै बिमा-बिफाखौ सिगिदों। बेनि थाखाय बिफाया निसा बेसाद बाहायनानै फाथो सेनाबादि फिसा सा जालांनाय फुरसाब साब बिरखांखौ खावलाइयाव फंनैसो जोरैमा जोहोनानै सज्जद-सज्जद खालामनानै मोनायावनो न'निफ्राय होखारहरदों। दुम-दाखाल खालामब्लाबो जाथारैनि अखानायै बिरखाडा ओनसोल खाथिनि मुस्लिम मोसौ फाइखारिखौ लेंबोनानै हाथ्थाइ थाइब्रै जानाय न'नि बलद लद मोसौ दामब्राखौ खम समावनो दुब्लिनिफ्राय फानखोमाहरदों। जाय मोसौ दामब्राखौ बिफा मुनिन्द्रआ गुबुन फाइखारिया थामजिबा रोजा

होसेयावबो हराखैमोन। मोसौखौ होलांनायाव जाहाथे बिफाया नुस'ना बेनि थाखाय बिरखाडा मुस्लिम फाइखारिनो गुबुन लामा खिन्थाखादों। थाइब्रै दातिलायनाय मोसौ दामब्राखौ एसेल' राडावनो मोनलांनानै मुस्लिम फाइखारिया गावजों फैफानाय उन्दैसाखौ मोसौ दिरुंखौ हमनानै बोहोनानै गावहा आगसि आखाइजों गाननाय लडि-खौ बोखोसोनानै आगदा आखाइजों मोसौ दामब्रानि लानजाइखौ साफ्रे साफ्रे होनानै गोखै रावना होलांदों बिरखां खिन्थानाय लामाजों आं नडादे होननायबादि। जोबनायाव मोसौ फानखुमानायनि रांजों बिरखाडा गोसोथोनाय अनजालिनि लुबैनायखौ सुफुंनानै बिखौ गावनि खालामनानै दोनफिनदों।

ओइदिनखालि बिरखाडा गावनि खथायाव हाबनानै मबाइलआव गेम गेलेदों। बेयावनो बिफाया खथायाव हाबनानै गेम गेलेफुनाय समावनो बिरखांनि फारनै आखाइनिफ्राय मबाइलखौ सेख'नानै लादों। मबाइल सेख'जानायाव बिरखांनि रागाया गोसोनिफ्राय थिखिनि बिजौसिम दावखेदों। मबाइलखौ बिफानिफ्राय सेख'फिननो नाजादोंमोन बियो नाथाय हायाखै। रागाखौ दबथायनो हायैनि गुबुन सानफोरनिबादिने ओइदिनखालिबो बिरखाडा न'आव दुमदखाल खालामदों अब्लाबो मबाइलखौ मोनथारैनि बिफाजों फंनैसो नांज्लायनानै बाहेरायाव ओंखारलांदों बियो। बिरखां ओंखारलांनयथिडे दान्दिसे गल' नायहरनानै बिमा-बिफाया फिसाज्जलानि बाभ्रा रायज्जलायदों। बाभ्राखौ बिमायानो जागायजेनदों-

'सासेल' फिसा हौवायानो दानिफ्रायनो निखुइबो बांसिन गोदै अनोमोन।
बेबायदि खालामोब्ला देरब्ला आरो मा मा 'नोंनि सिमा गोनां रायनाय बुनायजों दालाय
खालामबावगोनथाय बिफा?' मानोथो फिसाखौ मोजां खालामनो हायासै नौलाय?'

'उन्दै निफ्रायनो मोजां सासन 'नों आनिखौल' नुदौलै बिमा। मेट्रिक पास
खालामनायमोनब्ला बेबादि जानाय नडामोन खोमालै जानायनि उनाव
बिमा।' फिसाया मबाइल बिनायाव आं होथ'वा होननायाव

'उन्दैयाव आं रायब्ला बुब्लालाय नौहालाय नौलाय मानोथो आंखौ फैसा दिहुननानै हरनो ब्रा
मानोथो हमथा बेंथा खालामनानै फिसाखौ खर' ब्रा थिननायमोन।'
फेदेरोमोन?' 'आं बेबादि जानाय नडा सानदोंमोनहाय

'अब्लाबो नौना बांद्रायोमोनलै बिमा। दुस्थ' बिफा।'
खालामब्ला गाज्रि खामानि मावब्ला फिसाखौ रायनाय 'अब्लालाय फिसाया दिनै बेबादि जानायनि
बुनायनिबो सिमा थायो। बुबाथाय बुबाय नौना हारा गोरोन्थिया सोरनावथो थाखो बिमा? सम सम आंबोथ'
बायलायनाय बुनो नागिरोमोन। अनब्लाथाय सिनि राया नडा रायोमोन बुवा नडा बुयोमोन।'

बयनिखुइबो मैला गैयै गोथारसिन जानांगोन नौनि राइजो जानायनि राहाया।

बिब्दि राइजो जानो हायोब्ला मानसिया संसारावनो सोरगो मोनो।

— चरण नाजरी (जॉनो सोरां नांगो)

मोनबा जिउनि गोनां रादायफोर (बयनिबो थाखाय)

—मथुरा ब्रह्म

बारग' फरायसा, बिजनि सोल्लोसालिमा

1. आं मिथिगौ आंनि जिउनि थांखिखौ जाफुंसार होनायनि आंहा थोजोसे गोहो दं। बिनिखायनो आं आंनि जिउनि जाफुंसारनायनि थाखाय गासैबो जिउनि थासारिफोरखौ सिरियै सहायलांगोन आरो थाद'नाय गैयै खामानि मावगोन।

2. आं मिथिगौ आंनि गोसोनि साननाय हनायफोरखौ जाय सानसिफोरा गादबनानै दोनो बियो लासै लासैनो आंनि देहायारि हाबाफोरनि गेजेरजों गावनो गाव बेरखांगोन आरो मोगथांआव फैगोन बिनिखायनो आं जेब्लाबो गोथों साननायफोरखौ फिसिना दोनगोन गोरबोआव।

3. आं मिथिगौ गावखौनो गाव बोसोन होना लानायनि गेजेरजों आंनि गोसोनि गोखों लुबैनायफोरा लासै लासै मोगथाडारि एबा थार राहाजों जाफुंसार जानो नागिरगोन बिनिखायनो गाव फोथायथिखौ जौगाहोनो थाखाय आं थोजासे खामानि मावगोन।

4. आंनि जिउनि थि थांखिनि सोमोनदै आं रोखा रोखायै लिरना लागोन आरो बेखौ जाफुंहोनायनि थाखाय आबुं फोथायथिया फैयागौमानि नाजानायखौ आं माब्लाबाबो दोनथ'आ।

5. आं मिथिगौ मोनबो धोन समफथि एबा थाथाय (position) फोरा गोलाव समसिम जोरा जुदि बै धोन समफथिफोरा सैथो आरो बिजिरनायजों मावनाय खामानिनि गेजेरजों फैनाय नडाबा। बिनिखायनो आं जायफोर खामानिफोरा दुलाराय मानसिफोरनि थाखाय खहा गोनां बेफोर खामानिफोरखौ मावा। आंनि गोहो बोलोखौ लानानै आं गावनो जाफुंसारगोन। आं लुबैयो मानसिफोरखौ हेफाजाब होनो। आंखौ सिबिनो आं गुबुनखौ थुलुंगा होगोन मानोना आंनि लुबैनाया गुबुनखौ सिबिनाय। सुबुंथिनि फारसे अननाय लाबोनानै आं गासै आंनि मुगैनाय,मेगन सानाय,गावनिल साननाय अहं आखुफोरखौ खेमोरना लागोन। मानोना आं मिथिगौ गुबुनि फारसे गाज्जि साननाया जापुंसारनायखौ माब्लाबाबो लाबोआ। आं गुबुनफोरखौ आंनि सायाव

फोथायहोगोन मानोना आं बिसोरखौ फोथायो। बेफोर
खोथा फोरखौ गोसोआव लानानै सानसेयाव आबुं
फोथायनायजों खनले खनले गोसोखांगोन। थारैनो
बियो अब्ला आंनि साननाय हाबायाव गोहोम
खोख्लैगोन आरो आंखौ सासे गावनि आर्थिआव

गसंथानो हानाय जाफुंसार सुबुं जानो हानायाव मदद
खालामगोन.....।

नोंथानि मुंसाय



मोनदांथि

-देबु बसुमतारी

मिर्जिनि थिलियाव रजदोमोन
गोरलै-गोरलै फुलिफोर
जायनि गोर्बोआव दंमोन
सिमांनिनो दखरसे हाबिला
जाय जिउनि सुजुनाय सिमांफोर।

दैसा-दैसा निजोरानिफ्राइ
बोहैलांदों लैथो फारसे निजोमै
सोदोब होलांदों गुमुर मोनै
जानांगो थांखिनि थावनि होसोदों ।

गेवलांनाय बिबारनि फाइलि
सम आरो थासारिजों
सिरिदों हायाव ज्रय-ज्राय
मिथिंगानि खान्थि बादिथै
लांदां समायथारि नुदों बागानखौ।

जायनि बिखायाव गेलेदों गोर्बो गोथार
अराय सोद्रोम जानो
गावखौ फोलाना नंखायथार
सिखिरि बादि समायदों सोलेर
मिथिनो हाथों जिउ हाबिला
मोनदांथि इउन थांखिसिम।

बारग्लांफिनगोन जेब्ला गेवलांङै
गोदान गोथार थफिनाय बिबारा
सामायसारफिनगोन अब्लासो
मिर्जिनि थिलिया आबुंङै।

नैजिसे जौथाइ, बालाबगासे

—उपमा राणी दैमारी

जाय जौथाइयाव नों जोनोम जादों
जाय जौथाइयाव आं जोनोम जादों
जाय जौथाइयाव जों भुगिनांगासिनो

बेवहाय गोदानथिनि ओंथिया जादों
सि खुजानाय लंथं सोलेर
जेराव मान सन्मानखौ फाननाय जायो बायनाय जायो
मुवा बेसाद सि जोमफोरबादि,
जेराव राजखान्थिया थायो
सिगुन राजाफोरनि आखाइ मुथियाव,
जेराव बिगुर खुना जाजायो
दाय गैयै जुनारनि सोलेर ,
जेराव आथिखाला मोनामो
सेवग्लिनाय दाखोरबादि खैसिं खैसिं।

बेवहाय गोदानथिनि ओंथिया जादों
सि खुजानाय लंथं सोलेर
जेराव आथोन गेलेनाया बेसेन होनाडै (उदां)
जेराव गोथार अन्नाया सासन खालामजायो,
जेराव नंखाय सोलोजों
लोगोरिखौ गोरलैयै फोलानो हायो

आरो सोमोन्दो गारनानै गोदान सोमोन्दो दानो हायो,
जेराव रांनि बेसेना न'खर लोगो आंगो
आरो गासैनिखुयबो देरसिन,
रां थाब्ला मोनो लाध्र'नो हायै मान
रां गैयाब्ला नोंखौ खुगा फेनो ,
जेराव फिसाफोरा ओंथि गैयै गोसोथोनायनि थाखाय
जोनोमगिरि बिमा बिफाखौ गारनो हायो होखारनो
हायो
बिसोरनि सानस्रिखौ गोथाडै गोथां बुथारनो हायो।

बेवहाय गोदानथिनि ओंथिया जादों
सि खुजानाय लंथं सोलेर
जेराव गोथार थानसालिया जानांदों
गोसोथोलायग्राफोरनि लोगो हमलायग्रा देरा
जेराव सुबुंफोरा इसोरनिखुय
सिखाव दाखाथि आरो उदखारिफोरखौ गिसिनो
जेराव दोहोरोमखौ लाना जायो हिंसा
जेराव दोहोरोमनि रावहाबो गियान गैया।

बेवहाय गोदानथिनि ओंथिया जादों
सि खुजानाय लंथं सोलेर

जेराव समानथिनि मुडाव
 हौवाया हिन्जावखौ थगायो गादबो
 हिन्जावा हौवाखौ थगायो गादबो
 जेराव जायो सिरियै बुथारखुमानायबादि गिथाव जाथाय,
 जेराव आइजोफोरा मुलुगाव मोनफ्रोम सेकेण्डाव खालामजायो जिनाहारि
 जेराव बांग्लोबदों गावखौ ओंथि गैयाजासे फोथैना लानायनि बिबां।

बेनो गोदानथि -

जेराव देलिवारि बयआ
 हरखाब मोन्दांथिनिखुयबो गोख्रैसिन समजों खारफानांगौ,
 जेराव लाइमोनफोरा जानांदों
 ससियेल मेडियानि साफा साफा बान्दा
 जेराव सिगारेट जौ लोडाब्ला
 ब्रेनडेट सि जोम गानाब्ला
 आगु मुगार्जों रुजुनाय जायो,
 जेराव सोलोंथाइया जादों फालांगिनि मेला
 जेराव गैया गोरिबनि थाखाय जायगा
 जेराव सोलियो जाख्लनाय नासयनाय
 हिंसा फारागथि आरो थै सोबनाय....
 बेवहाय गोदानथिनि ओंथिया जादों
 सि खुजानाय लंथं सोलेर। *

आस'लथे गोसोथोनाया माबादिमार?

—दैमासा ब्रह्म
पानबारि (बिजनी)

दा बोराइ बैसोआवसो सानफलांबाय थायो आं खोरामै खोरामै आस'लते बे गोसोथोनाया माबादिमार? गोदै ना गोखा, गोबाब ना गोफा? दासिम दिनैसिम बेनि जेबो गुमुरबो मोनश्रासै आं, हाबा जानानै सानै गथ'नि बिफा जाबाय, फिसालायाबो बिहामजौ मोननो समायलायबाय। नुयोल' मालायनि बेरायनाय, थाबायनाय गोसो थोनायनि इसारा होनाय। खोनायोल' खालि गोसो थोना लाबोनायनो मालाय। आमुकनि फिसालाजौ आमोखिजौ गोसो थोलायो, बायदि बायदि। बाश्राखौ गोसोखाडोब्ला दाबो गोसोआव खें मोनो आं, गावखौनो लाजिखानाय मोनफ्लाडो आं- सानसेखालि मोनाबिलि समाव गोजां बोथोरनि अर सायनाय फाजैनो था सिमला बेदर सावजाबाय थानाय समाव, फिसालाया थबनो मा गोसोखांखो, मा सौंनांगौ मा सौंखो आंनाव मिथिगौना 'आफालै आफा गोसोथोनाया माखौ होनोलै, जौनि लोगो दिपांकरा अनजालिखौ गोसोथोयोनो ब्रा, सारजौ पानिसमेन्ट होजादो, आमफ्राय डेक्सआव गसंहोजादो।' मिनिनो ना मा बुंनो जाना दग' मग' जादो आं सिं सिं लाजिनायबो मोनदो मा फिननायबा होनो आं, गावनो मिथिया आं। फारसेथिं बिमा

हामफेआ हाजेवजेव मिनिहरदो आंखौ नायहरना। आंबो मिनिनो ओंखारनायखौ लाथुमना मा बुंगोन मा बुडा थाबनो बुंफिनदो- 'हामालै बाबा, गोसोथोलायनो सारमोना बिदिनो बुयो, मोजां नडा बे गोसोथोनाय होत्राया।'

आं एसे आलादामोन मानसिया, बेखौ आं गावनो सिमान जायो दिनै। उन्दैआव बुडोमोन बिमा बिफानि सिगाडाव देरनानै आं डाक्टर जागोन, इन्जिनियार जागोन। बेनि फिन्नायाव बिमा-बिफाया मा बुडोमोन मिथिगौना, लेखा मोजां फराय बाबा, डाक्टर, इन्जिनियार जानोब्ला लेखा बुरजा फरायनांगौ, रावबो राव सिख्लाखौ दा गोसथोथार जौहा गोजानावसो लायगोन दिल्ली, बम्बेआव एयार'प्लेन लानानै। नौं मोजांल' फरायबाय था बाबा। आरो बे दिननिफ्रायनो आं फरायनायाव थै- थां गोसो होथाबदोमोन बिमा-बिफानि होनाय बोसोनखौ मानिनानै।

जि थाखो मोनहैना मेट्रिक आन्जादिनि थाखाय साबसिनै आं फरायनायाव गोसो होसिनदोमोन, टिउसनानो टिउसन लादोमोन। थेवबो आं बिमा-बिफानि बुंनाय बोसोनखौ गाराखैमोन।

अबस्ये सासे सिख्लानि नोजोरा आंनियाव गोग्लैदोमोन, बियो आंखौ प्रपसबो खालामदोमोन नाथाय आं हेव खालामगारदोमोन। बेनिफ्राय फिन दावगादोमोन आं जिउ दावहानि फारसे। मेट्रिक आन्जाद लिरनायनि फिथाइया सफैबाय, बर' बिजो एबा बर' फरायसाफोरनि मादाव आंनो बांसिन नम्बर लानानै उधिबाय नाथाय आसामनि टप-10 मासिखौ आवग्रिनो हास्लाबासै। बेनिफ्राय आं आरिमु आयदायाव मुं थिसनना फरायनायसै, सानखान्थि आयदायाव एसे लोरबांमोनखायनो बिगियान आयदायाव आं गोसो होयासै।

बेनि उनाव पि.इउ. खौ उधिनानै सहैनायसै आं कटन कलेजनि दरखं मोखाडाव। राजखान्थि बिगियान आयदाखौ बिथा खालामनानै डिग्रि थाखोखौ आं फिन फरायबावनायसै। मख'नो गोनांदि बे समाव आंनियाव बेसेदि ग्रिटिस कार्ड आरो लाभ लेतार सफैदोमोन बेनि हिसाब दिनै आं गावनो मिथिया, नाथाय बेफोर गांसेनिबो रेप्लाइ आंनिफ्राय रावबो मोनफेराखै। हिसाब गैया दिनै आंहा गांसे ग्रिटिस कार्ड आरो लाभ लेतार आं बिसिगारनो मोनदोमोन, बबेबा बबेयोबाथ' सावजानानै गोसोम सय हांगारबो जानांदोमोन। आं दिनै बेफोरखौ गोसोखाडोब्ला मिनिनोबो ओंखारफ्लाडो आरो माब्लाबा बोरैबा दुखुबो मोनफ्लांलायो सिबाय एसेबां मोजा गौदै मिजि रनलायना आंनिसिम हरनाय लाइजामनि फिन मोनैयाव बिसोरबा बेसे गोबाव नेदोमोन आंनि फिनखौ।

डिग्रिखौ फोजोबखानाय उनाव न'आवनो

थाफैथ'नायसै आं। बबेबा फरायसालिफोराव लांदा पस्त दं नामा खबर लाफा लाफा खालामनायसै। समावबा बिदिनो उन्दै गथ'फोरखौ टिउसन फोरोंनायसै। गामिनि आरो गामि खाथिनि मानसिफोरा कटन कलेजाव फरायनाय, गोरों सेंग्रा होनना मानबो होनो लानायसै। गोसो सिंजो सिं खुदै ग्रद मन'ना आंबो गोसो खुसि जानायसै। नेयै नेयै गामि खाथिनि गंसे गुदि फरायसालियाव फोरोंगिरिनि लांदा पस्तआव हाबनो जायगा मोननायसै आं उनाव लासैनो साखियाबो पारमानेन्ट जानायसै।

जाय समखौ आं दाफै दाफै नंदोमोन, जाय समनि थाखाय आं हरफा गाहाम साननानै उन्दुलानो ओंखारामोन बे समानो फैना होबाय। बे समानो जादो जुलिनि बाथा। आइ आफाया आंखौ जुलि जाजानो लुबैबाय, बैसो जाबाय होत्रा नारसिनबाय थाबाय। फारसेथि बिनानावनि आंखौ जंखायनाय बाजै गोदान मोनसिगोन, खामानि मावनो लोगो मोनसिगोन होननानै। सानसेखालि ओंखाम जानाय सानजैफुनि सम, आइ-आफाया गोसो थोनाय दं नामा होनना आंनियाव सोंदो- गुरलाब बाग्दावदो आं, फिननाय होनो हायाखै, दंफां मुरा बादि खोनायि बादि सिरि थारो आं। फारसेथि बिनानावा दाजाबदेरना आंखौ एदावदो- खोनायाखै नामा बियो बेंगाया, सोरबा गोसोथोखुमानाय बाजै दंन गैयानो आदा? होनब्लाबो जेबो होनाखै आं, नाथाय ओरैबादि मिनिनो ओंखारदोमोन आंसो मिथिगौ बोरैबा आं हमथाना लाखिनो हारो, जाहोना बेनोदि बे आयदाजो आं

जिउआव माब्लाबाबो मोगा मोगि जाफेरबोयाखै। ओरैनो गुजुखेमना जाखांनाय थोरसि लथाखौ जाबस्रांना दमखलाव सुनो लादों आं। सानदों जानो हागौ बिसोरो दिनैलाय बबेनि बार नांना थोरसि सुनो ओंखारखो गामाखालि गाव जिरायनाय खामफ्लायखौनो थिखोफेरि मानसिया। नाथाय फारसेथि आंखौ आंसो मिथिगौ आंबा मा जादों मा मावहां मा दोनहां, मा बुंहां।

जाखां आरिखां गय सावसुबनाय समावबो आंखौ सुबिदा लाना आइया आरो बे एखे बाध्राखौनो सोंफिनबावदों। मा बुंगोन मा बुडा जाना बुंनोथ' आं जेबो हायासै, हमथानो हास्लाबि मिनिनायासो खुगानिफ्राय ब्लां ब्लां ओंखारलांबाय। आंनि जा मिनिनाय स्थाइल बेखौ नुनानै रावबो आरो मिनिया लासे थानो हायासै। उनावसो थर फैना मिनिनायखौ हमथाथाबना आंहा गोसोथोनाय गैयालै आइयै होनना न' सिडाव एब्रेहैनायसै आं। बिनानावा बे समनिफ्रायनो आंखौ आदा मास्तार जग्लय होत्रासो ओंखाम जानायाव लिंहरग्रा जानायसै, सम सम मिनिना जंखायग्राबो जानायसै साखि मावलायना गोसोथोनो रोडा होननानै। फिन्नायाव आं थोद गथ' होत्राल' ओरैनो दाद्रि होनाय बादिल' बुंनो रॉनायसै।

आइ-आफामोना आं गोसोथोनाय गैया होत्रायखौ फोथायथाराखै। लाजिनानै गावसोरनो खिन्थायाखै सानना सानसेखालि मा प्लान खालामदों मिथिगौना, ओइदिनखालि रबिबार, गामिनि आमाय जानाय सोमोन्दोनि बिखौ आलासि जानो स्रोद

लिंबोखुमाना दाबखानि जौजों अमा एवनाय जाहोफैदों। थांखिया आंनिफ्राय गुबै बाध्रा दिहुननाय, बेखौ आं बुजिखादों। गामाखालिनि बादि सम सम लाग्रा बादि गन्थं हमथेना आंबों आपगारिखौ कापसे पुरा सोहरदों उदै सिडाव, बेनिफ्राय साटनिखौ दरब्रै दरबासो थाब थाब सोहरदों। ओंखाम जाग्रोना आरामे दसे गोलांनो थानायनि थांखियै आंनि खथा सिडाव थाहैदों आं।

जाबायदा दानिया, आं बुजिखादोंमोन। आमाइया आंनि खथायाव बात्रेत बाथेद थांना आंहा थारैनो गोसो थोनाय दंमारोना गैमाया सोंथाबबाय थादों बुजाय आजाय खालामना। आंनालाय आरो फिन्नाया बेनो रावबो गोसोथोनाय गैयाया। उनाव आमाइया आंनिफ्राय पारमिसन बिदों- माने आंनि रजे नागिरनायनि बिबानखौ लासिगोन जुदि आं राजिब्ला। आंलाय माथो फिननाय होयो आइ आफाया जेखौ मोजां नुहुरदों आंनाबो बेनो आमाइ होनना फिन होदों।

हाबानि सम, ग्रोम ग्रोम गामिनि रायजो राजा आइ-आफा, सेंग्रा सिख्ला, उन्दै फंबाइ बिनानाव बेसेबांबा गोगोम खालामदों बिसोर। बेनिखुइ बांसिन खुसि जादों आइ-आफा आरो बिनानावमोना गोदान आलासि मायनावनि महराव नख'राव हाबफैगोननि, आंनि गोसो आरो खुसिजों उरां-फारां अनजालिखौ अननो मोनसिगोननि। बेनपार्टिनि दल फेम्पा दामनानै बरायदों आंनि अनजालिखौ, जै होदों रायजो-राजाफोरा जै हिन्जाव गोदाननि, जै हौवा गोदाननि।

खौरां होनाय आरो लिंहरनाय बादियै गामि खाथिनि आइ-आफा रायजो राजाफोराबो नुजाथिफैदों हाबाथिलियाव मास्तारनि हाबा होननानै।

बिब्दिनो जानानै थानायसै आनि जुलिया बरपेता रडनि मिस मनालिसा ब्रह्मजों, जायखौ दिनै आं हाम्फे होनना गाबज्रियो अननायनि रावजों। सुखु गोजोनै रायजो जाबोयै जाबोयै दिनै जों बेबादिनो बे आतालाव मोनफैनायसै। गथ' सानै आइ आफा जों गासैबो अनज्जायना रायजो जाबोबाय थाबाय। बिनानाव दुबुलिया बिबाजैजों ज' थानो बोसोरसेल' मोननायसै, बेनि उनावनो गुबुननि न' बारनांनायसै।

बोथोरा थांदों, बुहमा गिदिंदों, फिर फिर बुल्लिफोरा सोरखि बादि गिदिंलांदों, बैसोफोराबो खुन्दुंबादि बिहिनजाना थांबाय थादों, नाथाय आंना खोथाया एसे आलादा। गुबै बाथ्राया जाहैबाय, आं गोसोथोनाय होत्राय जिरादिनि गुमुरखौ दिनैसिमबो हमदांनो हायियासो सानथावना बे बैसोआवबो। नोंसोर मा सानो आं मिथिया नाथाय बेखौ मिथिनो बुजिनो आं दासिमबो हाफेरबोयाखै। बेसेबा स्कुल, कलेज फरायबोबाय बेनि गेजेराव आं खेबसेबो गोसोथोनो गोसो जाबोयाखै। आं बेखौनो सानबाय थायो दाबो। थारै गोसो थोनाया माबादिमार होनब्ला? अबस्ये आं डिग्री फोजोबखानाय उनाव गोबां खेब गोसोथोनायनि गुमुर मिथिनो, गोसोथोनायनि लैथोआव

गोजोमनो खाबु नागिरदोंमोन नाथाय रावजोंबो खाब जानो हायियाव आरो बैसोखौ लाजिना आं आरो बे थांखिखौ गारनायसै। बेखायनो बुंसोयो नामा मानसिफ्रा सम थानायावो, बैसो थानायावनो गासैनिबो गुमुरखौ संदाननो आरो आनजाद नायनो।

आरोबाव मोनसे बाथ्राखौ बावदोंसो आडो, डिग्री फरायनाय समाव लोगोफ्रा जंखायनाय फावै बुडोमोन आंखौ- ब्रह्म नोंथां, देनां फस्थायगोनलै नों दा बैसो थानायावनो एफा मोजां प्रपस खालामनायावनो गोसोथोयिया। बिदि होननानै गावसोरहा ग्लाब ग्लाब मिनियोमोन। दा बेनोथ' जाबारबाय, गोसोथोनाया मा बेखौनो सम सम दागा दिगि सिमां मोगथां गोदो सिख्लाफोरा आंखौ प्रपस खालामनाय आरो ग्रिटिस कार्ड होनायफोरखौ गोसोखांफ्रांना माबा बोरैबा बोरैबि एक्सोप्ट खालामनायमोनब्ला मा जादौमोन लायदा सानफ्रांगारोसो। 'दारमासिदिनि बाराब्ला दाबो सोरबा गोसोथोयोब्ला गोसोथोगारगोन लै आंना' सम सम बिदि सानना खम मिनिफ्लाडो आं, मिसेसआ आं मिनिब्ला बुंगारनायसै- 'मा जाखो जावलिया बावलियालाय सेंग्रा गोरलै बादि माखौ मिनिबाय थाखो, हा दिनै फिसाजोआ हस्तेलनिफ्राय न'आव फैगोन होत्राया लायला नामा नों?' *

जॉनि आगुनि हाबिला

—मुस्त्रि सुदेम नार्जारी

जॉनि आगुनि हाबिला
 दा ग'होसै नों
 बर' बिमानि मेग'नाव मोदै,
 दा बोहैहोसै नों
 दावहारुफोरनि देहानिफ्राय दुंब्रुद थैनि बाना।
 अन्थाइ बिखाखौ लानानै
 दाथासै नों बबेबा खनायाव सिरियै।
 गाबस्त्रावदों हारिया नॉनि थाखाय
 खाफाल हमै हमै।
 मोदान्नाय थुंग्रिनि गोबौ जॉखोल
 दाहारजों दाउसा, पारौखौ
 बोरलि होनाय बादि
 होदों जोंबो नॉनि थाखाय जॉखौनो बोरलि।
 बादारिया आवगायनो हायै
 बिफांखौ फोजोबस्त्रांनाय बादि
 फोजोबस्त्रांजादों आंगोनि बर' फिसाया
 इनाय अनागारै।।
 दाखिफबदों बर' हारिनि सायाव
 गोसोम जोमैनि थुबुरा।
 फाख'नबादि फिदिंदों बर'

हारिनि थामोन्थाखौ।
 मोहेर आरो बिसगोनां नोजोरजों
 दानाय नों बर' हारिखौ।
 उनफिन्ना नायहरफिन आखाइ फायखन्ना
 लिंहरनाय बर' बिमानि इसारा।
 हारिनि गोजोन आरो सुखिया
 दंफायो अराय नोंजोंनो।
 दंसै नोंनावल' गोहो
 लाहाखि जानाय गोसोम सोमखे
 बर' बिमानि मोखांखौ
 जॉखोल, गोजों आरो मिनिस्लु खालामनो।
 खोनासं खोनासं खोनासं...
 बर' बिमानि बिखा बुयै बुयै
 गाबनायखौ नों खोनासं।

बर' राव, थुनलाइ आरो बिजॉनि फारसे जॉनि सांग्रांथि आरो मावनो गोनां बिबानः

—अनसुमा बर'
बारग' फरायसा

1952 मायथाइनि 15 आरो 16 नभेम्बर खालिनो मोनसे गेदेमा थान्दै मेलाव लोब-लोब मानसिफोरनि गनायथिजों बर' थुनलाइ आफादखौ दाफुंनाय जायो। अब्लानिफ्रायनो जों राव, थुनलाइ आरो बिजॉनि फारसे जौगाखांनाय लाबोनो मिजिखौ बिखायाव बोजबनानै आसाम सरकारनियाव आर'ज बिलाइ गथायनाय मेम'रिण्डाम आरो बायदि दाबि दावा खालामबोदों, मोनथाइफोरखौ बिख'बोदों। 1963 इं मायथाइनि 16 मे अक्ट'खालि बर' बिजोंआ गायसनजादोंमोन। मोनसे हारिखौ बेनि आयगोनां रावासो सिनायथि होयो। बिदिब्ला जों हमदांनो हायोदि मोनसे हारिनि थाखाय बे गारिनि रावा बेसेबां बेसेन बहा। जाय हारियाव राव गैजाया बे हारिया थुनलाइबो थानो हाथावा। रावासो बे हारिनि थुनलाइनि दिडा महराव गंसे बैथा जायनि जोहै जों बेसेबा गुवार लैथो बिखायाव हरैबारै हाब्रांसिम थांखियाव सहैनो हागोन। गिबिद्याव बर' बिजोंआ गुदि फरायसालिनिफ्राय जागायनानै दिनै गुवाहाटी मुलुग सोलेंसालिनि बायदि बायदिफोरावबो हारिमु गोरा

(Post Graduate) थाखोसिम गायसनजाबाय। 2003 मायथाइनि 10 फेब्रुवारी खालिनो बि.टि.सि. गोरोबथानि गेजेरजों भारत संबिजिदिनि 18थि फारियाव बर' रावा जायगा मोनदोंमोन। 2007 मायथाइयाव गुवाहाटि दुरदर्शनाव प्रग्राम लेंगुवेज (Programe Language) महरै थिसनजादोंमोन। 8थि फारियाव थिसनजानायव बे रावनि सायाव हाबा मावनो CIIL (Mysore) निफ्राय गनायथि मोनो। आथिखालाव रावजों हादरारि बादायलायनाय आन्जाद APSC आरो UPSC आन्जादफोरखौ लिरनो मोननायनि खाबु जों लानो हादों। बर' थुनलाइ आफादिनि आरोबाव मोनसे गाबगोनां देरहासातनाया जाबाय बर' रावा दायो E-Google खथायावबो गोनोखोयारि मासि आवग्रिनो हानाय जादों। बेनि जोहै बर'नि गासै रोखोमनि बिजाबफोरखौबो Google आव थिसननानै दुलाराय बुहुमनाडैनो फोसावनाय आरो फोरोंनायनि राहा जाबाय। बे बर' रावाबो आथिखालाव खम नंला, नांगौबादि जौगाफुनाय जाबाय। अब्लाबो बे रावनि सायाव जों सांग्रां जानांगौ

दं। बे रावर्नि सायाव आरोबाव गोग्लैसोनानै थानाय मावनो गोनां गोबां खामानि दंबावो।

मोनसे सांग्रां जानांगौ बाध्राया जाबाय दासिम मुलुगाव गोबां रावफोरा थैबाय थानाय जों खोनागासिनो दं आरो जों गावनि मेगनजोंबो नुदों, नुगासिनो दं। असमीया रावा आसामनि सौरकारि राव जानानै थानायबादि बर 'फोराबो बर' रावखौ बर 'नि आथिखाल खुंथाइयाव थानाय बि.टि.सि.खौ सुंद' सल' हिसाबै गिबिसिनै लिरजादोंमोन 'ईशान चन्द्र मोसाहारिनि आखाइजों मुडा 'आबारि'। बर', थुनलाइ आफादनि जोनोम जानायनि बोसोरनै खावसेनिफ्रायनो खुगा लाइनि बड' (The Bodo) खौ सुजुयो। MSS मायथाइनि 19 अक्ट'बर खालि। बेनि मासिगिरिया जादोंमोन गौरी कान्त ब्रह्म आरो गाहाइ सुजुगिरियाव दंमोन सतीश चन्द्र बसुमतारी। बेबादिनो गोबां जिल्ला, दख'राफोरावबो गोबां बिसम्बि, लाइसिफोरा मोखां महर मोनबोदों। गोबां दानसेयारि दानथामारि, दानद'यारि, बोसोरारि बायदि लाइसि दिहुनबोदों। मथ'नो गोनां मोननैसोआ जादोंमोन- बिबार अलंबार सानसिरि आरो मुसिरि, हार्थखिं हाला बायदि बायदि। बेफोरनि अनगायैबो थाखोनि फरायबिजाब दिहुननानै गोबां लिरगिरिफोरा दिनैबो बिहोमा होबोदों, होगासिनो दं।

आथिखालाव नाथाय दुखुनांथावना गोबां बर 'नि गेजेराव लिरगिरिनि अनजिमाया बांनयनिफ्राय बांनयब्लाबो फरायगिरिनि अनजिमाया सेंबोदों। बेफोर सोमजिदों बर 'फोरा इंराजी बिजोंनि फारसे

गोसो दुंखांबोनायाव। मोनफ्रोम बोसोरावनो फरायगिरिनि आंखाला खमायलांबाय थाबोनाया सम सम बिखा खायसेब मोनहोबोदों। सानखांहोदों इसारा होदों जोंखौ, सानसे थारैनो बे थुनलाइया थैथाबगोन नामा बेखौ। आथिखालाव सुबुंफोरा बिजाब फरायनायनिफ्राय दोरोदनानै थाना Social एबा Electronic Media, Internet नि फारसे गोसो बोग्थाबजादों। बेफोरजों गोरोबना थानानै जों गावनि आंगो राव-थुनलाइ, बिजोंखौ सिबिनो बावगारोब्ला गोरोन्थि जागोन। गोबां जिल्ला आफाद, दख'रा आफादफोरनि मावथिफोराबो बे फारसे फोसाबनो गोसो मोदोम दुंखाडैयाव लोर्बां जालांनायाव गोबां बिजाबा आलाइ-सिलाइ जाबोदों, गोमालांनो हमबोदों। बे थारैनो बयनिबो थाखाय दुखु, गोनांनि बाध्रा।

बे गासैबो जेंनाखौ सुस्रानायनि लामायाबो जोंनियावनो दंथारो। मोनसे बेराम जायोब्ला बे बेरामनि मुलियाबो बबेबा मोनसे खं'नायाव थाखोमाना थायो। खालिबोल' जों बेखौ नागिरनायनि गोनांथि दं। गोदोलांनो नागिरनाय थुनलाइखौ बोखांनो थाखायबो रावखौ जोंनो दिहुनथारनांगोन। बेनि मोनसेबोल' राहायानो खौसेथि जानाय। बयबो खौसेयै हाबा मावनायावनो देरहासातनाय आरो गोजोननायाबो दं। जेंनाखौ सुस्रानायाव बयबो बोसोन होनाय आरो लानायनि गेजेरजोंसो बे हारिनि फांथेनाय एबा सोंख'नना दोन्नाय जेंनानि फानजारिया गैडो। मानोना बर'आ गावहानो राव, थुनलाइ, हारिम-आरिमु, धोरोम, मावनाय-दांनय दंजायो। खालिबोल' बेखौ

फनेथांना लाखिनो थाखाय बेखौ गोसारहोनायनि थाखाय जयै मावबोनाया गोनां।

1963 मायथाइनि 18 मे खालारखालिनो बिजो महरै गायसनजानाय बै बिजोखौबो जोनो फोजोबस्त्रांफिनना लानायनि फारसे आगान सुरदों। जोनि बर' बिजोनि फरायसालिफ्रा लासै लासै जोबनायनि खामसालिथि मानबायलांगासिनो दं। बेनि गुबै जाहोनानो जादों बर' बिजोखौ मोहेर आरो गुसेब नोजोरजों नायनाय। SEBA बर्डजों खुंजानाय HSLC आन्जादफोरखौ नोजोर होयोब्ला मोनो बर' बिजोनि फरायसाफोरा आथिखालाव बोसोर बोसोर हाइग्लायबोदों। बे मोनसे बर' बिजोनि इयुननि थाखाय थारैनो जेब्रोद गिथावना बर' थुनलाइ आफादा बर' बिजोखौ साबखांहोनो थाखाय गुबुन गुबुन समाव गोबां फोरोंगिरि सांग्रांथि मेल (Teacher's Awardness Programme) बो खुंबोदों। नाथाय बे मेलनिफ्राय खायसे खायसे फोरोंगिरि बिथांमोनखौ आनज्रायनाया गुबैयै इंराजि, असमीया बायदि

बिथिडाव थिसनना होनायाव बर' बिजोनों सोलोंथाइ लानाय फरायसानि अनजिमाफोरा खमायलांगासिनो दं। फरायसा गैयिनि गोबां फरायसालि थैनो गोनां जाबोदों। गंसे फरायसालिजों गुबुन गंसे फरायसालिजों जरायदेरफानो गोनां जादों आरो बायदि बायदि। नाथाय बेबादि ज्जलांबाय थायोब्ला बावैसो समनि गेजेरनिनो बर' रावाबो बिजो गोमानानै थानाय मोनसे राव जानानै थालांगोन। बिजो गैयि बे रावा उनाव आरो थैलांनोबो हागौ। बेबादिनो हरियाबो फारि फारि लासैनो गोमोरलाडोब्ला बेनिखुइ दुखुनांथावसिन आरो मा थानो हागौ।

बिमानि रावजों फोरोंनो नायगिरनायनिफ्राय गोजानाव थानानै गुबुन बिजोडाव थिसननाय जंनाया बर' निल' नडा दुलाराय आसामनाडैनो गावबागाव रावनि बिजो फारसे जेंना गोग्लैदों। बेयो जादों 'मुलुगाव इंराजि बिजोनि सोलोंसालि गोसारनाय।'

सोदोबनि खबाम आव

गोमानाय सावगारि

—अनजालि सरगियारि

सोदोबफोरा बाराव बिरथिदों ह्मजो लारि बारलांदों
मैला जालांदों सोदोमस्रि दाखायदों उन उन खारनो
मोनसे फुरिसिम!

गोमालांनो हमदों मोखथां नि
गोथां सावगारि लांथिया जानांदों जिउनि मोनसे फारि।

दिवा- दिवा लामा संदानै
मोखथांनि फुरिया
मोखां सोलाइनो हमदों
गोमालांनो जिउनि मोनसे सल।

गोजाम नोजोराव आराव जालांदों समफोरा गोरोबा
जादों सोदोबनि खबाम आव आन्दोंयदों जाबथुमसे
मोन्दांथि!

फोथाइथि गोयै संसारनि दावराव आव
बना होनांगौ लारियै जिउ
थेवबो गोरबो फैसालिया
जोबनायनि सिगां
दाख्इनो मोनसे सल' खोथालांनो।

नोंखौ नेनानै

—बिनेस्वर बसुमतारि
बि.ए बाथि सेमिस्तार
गाहाइ सुजुगारि

नोंखौ नेनानै दंमोन आं
दैमानि रुगुं आव जिरायनानै फैगोन सानना नाथाइ!
नेयै नेयैनो जारां साना माब्लाबा नों दोबै लांबाइ।

दावमा दावसानि रिनदाव रिनसि गाबनायाव
नोंखौ सो फैदों सानना गोसोया उसाव-बादाव
जाबाइदों
माब्लादि फैबावगोन नों?

नोंखौनो नेनानै दंमोन आं
बे सोमखोर समायना जायगायाव फैगोन साननानै
दावमा दावसानि गोदै रिनदाव रिनसि गाबनायाव
आंबो फागोला जालांबाइ
नोंखौनो नेनानै दंमोन आं।

हादाननि दुखुथिया जिउ

—रथ'मालि बर'

बडाइगाव फरायसालिमा, बडाइगाव

सम सोरखियाव गिदिंनानाय बिसोरनि जिउ
 खारलुं खारसि रैखाथि गैयि
 जेन' बिसोरनि जिउजों गेलेनाय बादिसो
 बिसोर फावथिनागिरि आरो आं।
 हांखुर फावथिनागिरि आरो आं।
 हांखुर जादोंब्लाबो गैलिया आंहा गोहो
 बिसोरनि मोदै बिखायाव खामग्लिहोदोंब्लाबो
 उप्... सोलेराव ज़िद सौग्रावफैदोंसै
 हांमा सुरहाबना आय' सानहाबदोंसै आं
 आं बर' फिसा जानानैब्लाबो
 बिसोरनो खुन्थिया फसंथाहेनो हायाखिसै।
 बे खामग्लिलांनाय अल'खद समाव
 गावखौनो फोलानानै बहाबा दोनखुमादोंसै
 सोलो बुद्धि बाहायना खाथायना दंसै।
 गोसोआव जिलिद जिलिदयै सौग्रावफैदोंसै
 गोजांसिउ गोजांसिउ गाबा सायर' मोखां
 गिखांनाय लाबोदोंसै गोसोआव आंहा
 दान्दिजोर जिउखौ लानानै बेसेबांबा हालाय-हाफाय
 जिउनि फेरलेबसे मुख्तायावनो
 दायो फेलें आरो फेलेंसै...

बेसेबां सहायबावनो
 आरोबाव बेसेबां हमथाबावनो
 हालिया बिसोरनि रुबाय लांनाय देहा
 हालिया बिसोरनि गावसालांनाय बिखा।
 दा नुनानैबो नुयै बादि
 रोहो रोहो जिगाब सेरनि
 रोहो रोहो जिगाब सेरनि बिफां बादि
 गोसोआव सारअन्थाइ गावफैदोंसै आंनाव।
 हान्थिनाय जिउ लामायाव गाबै गाबै
 बुब्लिनि सान हर बिब्दिनो सहायनांदोंसै
 मोनखानाय आखाइनि मोनथाइ
 बिसोर सिख'जाजोबदोंसै।

खायसे हरफोरा नॉनि गोसोखांथिजॉनो बारहोजायो

—राजेश बर'

दैदेनगिरि

—धनस्त्रि गयारी

निजोम हराव
दिम लाइटनि सोराडाव
हारसिडै जिरायनानै
नॉनि खोथा सानै सानै
आं गावखौ बावगोमायो
निजोम बुब्लिया बिदिनो आंखौ बिदाइ होलाडो।

एखनब्ला हांमा सुरहाबो
मिथिस्लाबै खावलाइया मोदैजों सिग्लाबो
हास्थायसेयावबो आंदि नोंखौ मोनफिननो हालिया
गोसोर्जॉल'सो नोंखौ मोनदांसै
नोजोरावबोथ' नों जोबोर गोजानाव
बेखायनोथ' लाहाखि महर बेरखाडो आंनि मोखाडाव
नोंजों बारहोनाय समनि मोन्दांथिखौ बिलिरै बिलिरै
बाबेनहरनांसै हर खोमसि बुब्लिखौ।

सिमां होसोयै होसोयै
आं जोबोरैनो मेंग्लिबायमोन
नों आंनि सेराव थानायमोनब्ला
जरासे नॉनि मेगनाव नायनानै
जाथोसे गोदै मिनिस्लुनायनि खराग लानो हागौमोन
जानांगौ अब्ला मेंग्लिनाय गोसोआ थाजिम मोनगौमोन
नाथाय दा सानस्त्रिया रुगुं सौहालिया
गोजांस्त्रिव मोनहोनाय गोसोखांथिजॉनो हरफोरखौ बारहोनांसै।

सार-अन्थाइ अखा नेवसिना,
सांग्रांथि बयबो जुजिनो
नॉनि रावा सोरगिदिं खोमसि,
स्त्रि-स्त्राय बर' हारिनि गामि।
बर' हारिनि मोनसे थांखि
जाय थांखिखौ लानानै,
बर' हारि खौसे बयबो।
लोरबां गोसो-देहाखौ लानानै।
खोमानाय बर' हारिखौ मोनफिनो
थै गैया नॉनियाव बर' बिमानि,
जाय बर' हारिया नोंखौ;
जेब्लायबो जौगार्थो सानना।
गावनि थैखौ दै खालामनानै
नोंखौ बेसिम जौगाहोदोंमोन।
नों बर' बिमानि मोदै बोहैनायखौ
हमदांस'नो हायासै।
बर' हारिखौ फोथांना लाखिनो
आंगोनि आंगोखौबो खोमाना
नॉनि गोर्बोआव,
मोनसे सुखु हायि जोलैनि।
हांगार जाना थाबाय
नॉनि आंगो बर'नि रावआ,
खोमसि जाबोबाय,
माखौ लानानै बर' बिमानि बुरखायबावनो।
बोरै जॉनि जारिमिनखौ फोरोंनो
नों नडा जॉनि दैदेनगिरि।

जौ आरो हारि

—बिजुलि बर’

मुडा आनि जौ
जेब्लाबो थायो आं बयनिबो गोजौ,
बर’ हारियालायनो
आं नडाब्लानो जाया, हाबा-खेराइ गोसो ज’वा।
आंलायनो बर’ हारिनि हारिमु
खालामदों बिसोरखौ आं खोमसिनि आगजु,
लौंदों बिसोरो जु-जु
जादों हारिया रुखु-रुखु।
आंलायनो सुबुनि गाञ्जि मुवा
अब्लाबो जादों बिसोर आवा-फावा,
साननो गोरुडा सानदों सासे
साननो रौडिया सानदों हाजार-बिजार।
सिखावजों थाब्ला सिखाव जायो
साधुजों थाब्ला साधु जायो
उनफिनना नागरनो हाब्लासो नागार
हायाब्ला जालांगोन जिउमाया हांगार।
आनि बेन्दोंआव
नोजोरा थायो बिसोरनि खोमसियाव,
सानो बिसोरो गोजौआव
मावो बिसोरो गाहायाव
गब्र’ नाडो बिसोरो गोथेनि हाख’रम्ब।

बयबो बाहागो लादो

—दिभिया बसुमतारी
बडाइमाव फरायसालिमा

दे बयबो जानजि खाफ्रादो
दे बयबो फालो फालो आवगाय बोदो
बर’ हारिखौ जौगा होनायाव
बयबो बाहागो लाफैदो।

जौहालाय राव दं
जौहालाय हारिमु दं
जौहालाय दानाय-लुनाय दं
जौहालाय हारिमु आसार-खान्थि गासैबो दं।
बिब्दि बुंना ओरैनो थाब्लाल’ जानाय नडा
गाबोन नडा दिनै
दिनै नडा गाबोन
जान्जि खाफ्रादो दे, बयबो जान्जि खाफ्रादो।

हारिखौ फोथांना लाखिनो थाखाय
समाजखौ गोग्गो लाखिनो थाखाय
मावनांगोन जों बयबो खौसेयै।
बिखानि थैखौ दै खालामनानैब्लाबो
मेंनायखौ दोनथ’नानैब्लाबो
जुलि जालांगोन जों बर’ बिमानि थाखै
बर’ बिमानि गोथार फिरफिलाखौ
अरायबो अखोरां सायाव बिरबोबाय थागोन।

लोगोरि

—क्रिष्णा गयारी

जिउनि थार लोगोरि सायख'ना लानायबो
 नौनि जिउनि देरसिन बिबान
 नौ जायखौ हास्थायदौ
 बेखौ जेबो गुदि बिजौ मोनथियालासे
 गोसो सिङ्गाव गोरलै जायगा होनायाबो
 नौनि देरसिन गोरोन्यि।
 थारैनो नौ बेखौ मोननो हास्थायमारोब्ला
 नौनि जिउनि खालामनो गोसो जाबायब्ला
 बेनि सोरगिदिं गासैखौबो
 मोनथिना लाग्रोनायानो मोजां।
 समा जेबोला सैफैगोन
 नौनि थार बुंथिना लानायनि
 गोसो गोरबो सिनि
 जौब्लाउ खांनाय अरा
 जेबोला गोमोर लांगोन
 फोरमायथिना लाखांनायनि उनाव
 अब्लासो गोसोखौ रेजें मोनगोन।
 मोननै गोसोआ जेबोला गोरब लायगोन
 गोरबो बेखेवना फोरमायथिलायगोन
 बुंस'हायै सुखु-दुखुनि बाथ्रा....
 जेबोला गेजेर समसिम सफैगोन

अबोला लासै लासै मिनिट खारनायबादि
 सोलायलानो हगोन
 गोसोआबोदि एसेबां सोलायसुला
 मानसिनि मोननो हास्थायनाय लुबैनाय जोबनो थाडा।
 बोथोराबो बै समनि बोथोर बादि नॅलिया
 आथिखालनि बोथोर हमनो हालिया
 बबे समाव नौ गोमोर लांगोन
 बबे सम आरो बोथोरा
 नौनो सुखु आरो दुखु होफैगोन
 जेबो बुंस'हालिया।
 जेरैथिबो लामाफोरा खोमसि जाबोदौसै
 थैनाय थांनाय जोबनो गैलिया
 रावखौबो फोथायनो हाया जालांबाय
 जुनातनि आखु मानसिया।
 सोलौनो हमबाय।
 बेनिखायनो,
 मोजां गात्रि सायख'ना लानायानो
 गोरलै बाथ्रा नॅलिया
 जिउनि मोजां लोगोरि मोननांगौआबो
 दुखुनिसो बाथ्रा।

फागला बिबायारि

—रमा बसुमतारी
बि.ए. सेथि बोसोर

लाजिनायखौ जालदाब जुलदाब गारथारोसै
आं नडाब्लानो गोसो थोनायखौ मोनखाथारा आं... !

आखाइ फारसेआव बालथि लानानै मेथाइ
खनै खनै आंनि ट्राइभारआ गारि सुगासिनो। आंनियाव
खामानि मावनाया बोसोरबासो जाबाय। गामिआव
औरैनो बेकार थाबाय थानायखाय आंनियावनो द्राइभार
महरै आं खामानियाव थिसनफैयो। खामानि मोनि
समाव आं खामानि होनायखाय बियो आंखौ दा
इसोर बादि सिबियो। आंनि गारिखौनो गावनि
जिउबायदि सामलायनानै सोलियो बियो।

: बिफा.... ! ओइ बिफा...सनास्रि बिमाया
आंखौ राव हरो, आंबो फिन हरो

: मा जाखो ?

: नै Breakfast आ थियारि जाबाय,
जाफैदे.....

: थांगौ र' ! होननानै आं द्राइनिं टेबोलाव
जिरायहैयो। टेबिलआ जाग्रा बेसादफोरजौं बुंफबनाय
दावदै एवनाय, स्लाइस, बाटार-बिस्कूट आरोबाव
आपेल-आंगुर गोबां दं।

आं सासे इण्डास्ट्रियेलिष्ट, गुवाहाटीयाव
थायो। आं माहाजोन जादौब्लाबो हारिनि फारसे

साननायखौ गाराखै। आं सम मोनब्लानो गामियाव
गथांनानै दासिमबो समाजनि हाल-सालखौ खौरां
लाहैयो। बैसागो-मागोआव आं आंनि न'आवनो
आलासि लिंहरनानै हाबाफारि खुडो, गाजा-गोमजायै
फालियो।

सनास्रि बिमाया आंखौ जोबोर अनो। जौं
सानैजौं मोजां मोनलायनानै हाबा जादौं। आंनि
हिन्जावाबो सासे Bank मेनेजारमोन नाथाय गथ'-
गथायफोरनि फरायनायनि फारसे नोजोर होनानै दा
बियो सारिखौ एंगारबाय।

दिनै रबिबारखाय जौं बयबो बेरायग्लांहेनो
नागिरदौं, द्राइभारबो गारिखौ थियारि खालामखांबाय
जानांगौ। बेखायनो आं हिन्जावखौ राव हरो-

: दाबो ओंखारखाडाखै नामा ?

:जासिगोन र', आं दख'नाखौ अबे गांसेखौ
गाननांगौथाय बासिना होफैलाय (बियो आंखौ लिंहरो)
अब्ला बियो गथ'फोरखौ देलाय होखांबायमोन। बियो
बिसोरखौ गारियाव गाखोना थानो थिनहरो। आं
बिनो गुफुर ब्लाउस, निला दख'ना आरो निला
फास्रा बासिनो होयो। बियो देलायखांनानै गावनि
मबाइलजौं खनसे खेब सेलफि जायो। फिसाइ बासिनो

होनाय गाननाय-जोमनायजों गावखौ समायब्रेनाय मोनथारबाय बे।

: थुदो जाबाय, थांसै (बियो ओंखारबोयो) गथ' सानैआबो न'निफ्राय दोरोदनो लुगैथारबाय। बिसोरबो जेरावबो थांफेरनो मोना नालाय। सानफ्रोमबो रिउसननिफ्राय स्कुल, स्कुलनिफ्राय टिउसन। मालाय बिमाया सासेखौ डक्टर सासेखौ इन्जिनियार खालामनो गोसोथार, गावन्ने मासैखौबो सामलायजोबो। बेखायनो आंहा गथ'फोरनि फरायनायनि फारसे बारा खर' सानांगौ गैया।

बयबो गारिआव गाखोबाय। जौनि द्राइभार गारिखौ सालायबाय। थाडै थाडै जेब्ला एसे गोजान सौहैयो अब्ला आं द्राइभारखौ बुडो-

: गारिखौ बे आस्रम खाथियाव दसेलाखिथ'लाय। द्राइभारा गारिखौ लाखियो। आनि हिन्जावआ एसे उसु-खुथु जानानै सोडो-

: आथुरफ्राव....! खर'आव मा सौदावफैलायखो?

: र', आं बे मावरिया आस्रम एसे रां होना फैनि।

: जालायबाय बेना हाखु दाखुफ्राव, गाबोन होफैब्ला जाया होमब्ला!

: थोद जाम्बि, आं गाबोन होफैनोथ' हायो नाथाय बिसोरहाबा दिनै थाखाय रां दंजायोना गैया। ओरैनोबा दानिया मानसिफ्रा बेयाव दान होफैबांला।

: दे! दे.. थाब होनानै फै।

आं गोखै गारिनिफ्राय ओंखारनाय मावरिया आस्रमसिम थाडो। आस्रम बैगिरि आयंआ सिथलायावनो जिरायनानै दंमोन। बियो आंखौ सिनायखायो, आं बे आस्रमाव फ्राय बायदिसिना मुवा-बेसाद आरो रां होफैबाय थायो नालाय। बियो आंखौ रायदावो-

: ए आयंसो माथो।

: आं आयं, नैबे जि रोजा रांखौ लाखिदो, आंहाबो आथुरथार, गारियाव बिसि फिसा दं, बेरायहैनो नागिरदों (आं रांखौ बिनि आखाइयाव होयो)

: जागोन दे, इसोरा नोंखौ बोर सारसिथों, दानि जुगाव नोंबादि अनफावरि मानसि मोननाया गोब्राबसै।

: दे, आयं आं थांनोसै।

: दे... मोजाडै थांदो।

आं गोखैनो गारिसिम खारस्रो खारस्रो फैफिनो। अब्ला गारियाव द्राइभारल' दंसै। बिमा आरो गथ'फ्रा ice-creem जानो थाखाय लामा गुबुन फारसेथिं थांनो नागिरदों। बिसोर लामा बारसबाय थानायावनो आं नुहुरो लामाजों गंसे i20 कारआ जोबोर गोखै खर'थिंजों फैगासिनो, द्राइभारा जौ फैनाय जानांगौ एसे गेद्दा-गेद्दिबो जादों गारिया। माब्लाबानो बियो आनि बिसि फिसाखौ सौख्लायलाडो बिमा.....! (आं गोबारै होखावो)

खाथि खालायाव थानाय मानसिफ्रा आंखौ गले गले नायबाय

सोरबा सोरबा मिनिबायबो। अब्ला आं उदिस मोनबाय

बेफोर गासैबो सिमांसोमोन। आं माहाजोन नडा, आंहा नखर संसारबो गैया। अदेबानि आं सासे बिबायारिसो, ट्रेइन स्टेसनआव उन्दुलानाय समावनो बैफोर सिमाडा आंखौ साग्लोबदोमोन।

आं लासैयै बे जायगानिफ्राय सिखारनानै ट्रेन स्टेसननिफ्राय ओंखारबोयो। ससे थाबायलानानै आं गंसे दखानाव आखाइ फोलावहैबाय। दखानदारा एसे बोराबस्रो जानानै थाइनै खुसेरा गरसे आंनि आखाइयाव होबाय। अब्ला स्कुलाव थांनो नागिरनाय सासे गथंआ दखानाव मेथाइ जानो थाथ'दोमोन, बियो आंखौ गल'ल' नायनानै बिमानाव सोडो-

:बियो फाग्ला खोमा ने आइयै?

बिदि बुंनानै बियो आंनि सेराव फैनो नागिरबाय।

: खाथियाव थांनाडा बाबा। लेथ्रा-फेथ्रा फेद' थांनोसै, फाग्लासो बियो।

बिदि बुंनानै बे हिन्जावा गथ'खौ लानानै स्कुटिजो साखावलांबाय। आं बे दखाननि खाथियावनो दसे जिरायबाय। गथ'नि सौनाय आरो बिमानि फिननायनि फारसे आं गोथौयै सानहाबबाय। फाग्ला....! बियो आंखौ फाग्ला बुंलांबाय। नंगौ गोबां मानसिफ्रानो आंखौ फाग्ला बुडो नाथाय आं जेबो साना। नाथाय बिसोरनि बुंनाया आंनि गोसो, बिखा-बिख्लो खायसिब मोनहोदो। मानोना आंनि

दिनै बेबादि जानायनि जाहोना बे गथ'नि बिमायानो एबा दखानाव लोगो मोननाय हिन्जावानो।

जेब्ला आं थाखो जिआव फरायोमोन अब्ला आं बे गथ'नि बिमा एबा 'रैमालि'खौ मोजां मोनोमोन। नाथाय मेट्रिक पास जानायनि उनाव बियो गुबुन H.S. School आव मुं थिसनो आरो आं गंसे सरकारि कलेजआव मुं थिसनो। बिनि उनाव जौनि गेजेराव सोमजिहांनाय मोजां मोननायनि गोफोन दौलेंआ थबस्र' जलाडो। आं सानदोमोन आं बिखौ बावनो हागोन नाथाय आं बावनो हायासै। बेबादिनो गोसो सिडाव दुखुखौ लाथुमनानै आं दसे सम मिनि-खुसि थानो नाजादोमोन नाथाय लासै लासै आंनि गावखौ Control खालामनो हानाय गोहोआ गोमालांनायसै।

दिनै आं बेसेबा गोबावनि उनावसो रैमालिखौ नुदो। नाथाय बियो आंखौ सिनायाखै मानोना आंनि लाद्रा जानाय गोलाव खानाय आरो जामाव माव दारिनि थाखाय आंखौ गोबां गोदोनि लोगोफोराबो सिनायनो हाला। आं सानबाय थायोमोन बेबा दा बबाव दं... मा जाखो... होननानै दिनै बिखौ नुनानै आं हमदांनो हाबाय बियो खुसियै दड। आं गोजोनबाय मानोना आं जायखौ मोजां मोनो बियो दा गावनि मोजां मोननायजो गोजोनै संसार जादो। *

आघोननि फोथार

—प्रनब बसुमतारी

बि. ओइस कलेज, हावलि

फैलाव गुवार हायेन
सोमखोर-सोमखोर माइनि बारि
सनाथि माइ बिदांफोरा मोसादों
हाइला-हुइला।

दोम दोम गसंनाय
दुब्रि हाग्रानि गोजों निहोरफोरा
समाय होदों
आघोननि फोथार।

हालि-हालि बिरदों
दावसिन दावला
ज' ज' हान्जा-हान्जा
मेंनाय बानाय बावगारना
खाफालनि गोलोमदै गसर होना।

सोरबा हार्दों माइ,
सोरबा फाप्लिनि बोलोजों
बानदों माइ दांघ्रि
सोरबा मारा होनाय
गावजों गाव मिनि खुसि।

गुमा थावसियाबो हर बिरदों
एखनबा थाब साबखांना सिफियाव
सोना लायो,
मोनाबिलि समाव खावजानो।
आलारि फोजोंना, गुयुब खुलुमना
लाइजौ लाइजों रुजुनना लाबोदों,
न'नि माइनाव!!

सोनाबहा दोबैलांहां साननि
जारां गाबजों
रंगिना संगिना जोंखांदों
सनाथि माइनि गाब,
आरोबाव समायसिनदों
फैलाव आघोननि फोथार।

सिमांनि अनजालि

—रनजय बसुमतारी

बे बुहुमनि सासेल' जिरख'नाय आंनि,
मिथिंगाजों रुजुथावना महर नॉनि,
दाउ खौऔनि रैसुमै देंखोजों रुजुथावना गारां नॉनि,
मोज्लाज जाज्जिजों रुजुथावना जाज्जि नॉनि,
बर' हारिनि बायदि गाबनि
गाननाय दख'नाजों समायनाय।
बारदै सिख्लानि बादि खानाय नॉनि
बिरलांफाबाय नॉनि महराव आंदि।
नाथाय.....!
हाया बिरलांफानो।
अखोरांनि हाथरखि नॉदि
गोहो गैया आंनावदि
मोजां मोनो आंदि नौखौ।
नेहाद आंदि मोजां मोननायाव
आय' जिरख'नाय आंनि अनजालि।
बेंथा-बेंथि थानाय जिउ आंनि
बोहैबाय थानाय दैमाजों रुजुजानाय
जाफुंहोनो हायि मिजि आंनि।
दुखुथिया सुबुंजों रुजुजानाय
सिमांखौ मोगथां महर होनो हायि।
सिमांनि अनजालिखौ,
मोगथां महर होनो हायि
आय' सिमांनि अनजालि।।

फुंबिलि आरो आं

—रिमा नार्जारी

बि.ए. थामथि सेमिष्टार

सानजा अखोरांआव जेबोला
जारां साना ओंखारबोयो
दावमा दावसाफोरा दालायआव बाना
मिलौदो गारांजों आंनि
उन्दुलांनाय जिउखौ फोजाखां हरो
जेबोला फुंबिलिनि बारा
आंनि मोदोमखौ बिलिरफैयो
मेंनाय जिउआ थाजिम मोनो
साननि सोरांआ जेबोला
आंखौ एदाव हरो,
आंनि उन्दुलांनाय मेगनाबो सिरिमोनो
जोंथि जोंब्लाव निहोरनि थरथिंजों
जारां साननि रिथि रिथाजों
फुंबिलिनि महरा समायसिन्दों
आय'! मा इसे समायना
नों फुंबिलिनि सम
नौखौ लोगो हमनो
नेनानै थायो मिथिंगा बिखाया
आरो लोगोसे नेनानै थायो
सानफ्रोमबो आं।

सिगारेट

—चम्या लामा
थाखो- जिसे

फागोला गोसो

—सनजिब बर'

बडनइगाव फरायसालिमा

नुनायाव महरा आनि गंसे पेनसिल महरनि
मोनो आंखौ साहा गला, गय गलाफोराव,
बांसिनै बाहायो आंखौ सेंग्रा एबा हौवासाफोरा
खामग्लिहोना सोबो बिसोर आनि खुन्दै।
बेसेनआ आनि गंसेआव जि रां लथार
मोननो हागौ आंखौ खम बेसेनजौं बायना,
नाथाइ सोबबाय थाब्ला जागोन नौंसोरनाव केन्सार
अब्ला मोननाय नडा आनिफ्राय एनसार।
खोनासं फंबायमोन नौंसोर आंखौ दा बाहाय
नौंसोरनि समआ दा जौगानायनि लाइमोन सम,
बे लाइमोन समआ दा फरायनाय सम
बे समखौ नौंसोर औरैनो आद्रि दा खालाम।
दानि गोबां लाइमोन सेंग्राफोरा गोदोफबबाय
बेफोरबादि गोबां फेग्रा मुवा-बेलादफोरजौं,
खेबसे बाहाय दावब्लानो गोसो हमथा हाया
जानगार जा सेंग्राफोर बेफोर बेसादनिफ्राय।

अ'... आनि जिउनि माइनाव
सानदौमोन आं
नौंखौनो जिउनि लोगोरि खालामनो
नौंहा गुबुनसो दंखायो नामा?
नुदौमोन जेला नौंखौ
आदैमोननि न'निफ्राय
लामाजौं बायजोआव आं ओंखारलांबोला,
हाइ...हाइ...मा एसे समायना फाग्लिया
गोसोखौनो हमथा हायासै आं मानोबा।
आनि बे फागोला गोसोआ
हायाखैसै हरसे थारला उन्दुलानो
नौंखौनो सानै सानै।
फुंबिलि समाव आं जेला
Facebook अन खालामो
नुबाय नौंखौ in a relationship आमोखा..।

ओइ लाइमोनस्त्रि गोरबो खेंफोरनि फै

—माइनावस्त्रि दैमारि

नोंनि गोरबो सिरिनाय गाराइया
रानदोंना रानाखै
रानदोंना रानाखै !

नोंनि दाहा बिदाब बोनथुमनाय थपलानि लिरथाइया जेरै
नोंनि फैसालि आन्दोनि सहायनांनाय लिलिडा सल'फोरा
लावलांबाय थायो
लावलांबाय थायो

गेवलां-गेवथां बिबारफोरा सिउ सिउ बारजों सिरिलाडो
जेरै-
नोंनि उजिगासेनि आद्रा थानाय मिजि हाबिलाफोरा
रानलांबाय थायो
रानलांबाय थायो

फागुननि बेलासियाव सोमलि बिबार बोदोर जाखालि
जेरबासे दैआव साम' लिग्रि दांग्रोमनाय नुदों आं नोंखौ
आलाय-सिलाय गाबसावदोंमोन दैसा गाथोन

फागुननि बेलासियाव सोमलि बिबार बोदोर जाखालि
खर'आव बन रुजुनना फैनाय लोगो मोनदों आं नोंखऔ
बिखुडाव दो दो उन्दुलांदोंमोन दाननैनि खुदिया

फागुननि बेलासियाव सोमलि बिबार बोदोर जाखालि
 राजा लामायाव साथा गंसे होथेनानै फिथा हमनाय नुदों आं नोंखौ
 फ्रि-फ्रि अखा जोदोबनाय अर सालाइ खामदोंमोन बिखा

फागुननि बेलासियाव सोमलि बिबार बोदोर जाखालि
 आइलि-जाइलि गेंब्रुनाय दौबा हमथुमनानै खारलानाय नुदों आं नोंखौ
 मेगन खाथेनाय सुबुंथिखौ सौसिनो नागिरदोंमोन गोदान थं

आय' दोरबो नोंहा मोदेनि लैथोखौबो सानसिनो हायोब्ला
 सोरनो खोन्थानो नों सानाया बेसे गोफार
 आरो नोंनि बिबानादि बेसे गिलिर

बिलाइ गोरलै खिलिबोला थोया थोया हायो अखा दामब्रा
 लामा दथा आखाइ बेरसावो
 नै लाइमोनसि...
 नोंनि गांनाय उखेनायासो देबोर नाडो

नोंनि फाफ्लिनि बजाखौ बानस्लायनो गैया गैया रावबो गैथारा
 माया जेथोआ नोंखौनो फानब्रेबाय थायो, फानब्रेबाय थायो
 जिउ फारिखान्थिनि खुन्दुं थुननायाव जानाडो नोंनि बिदैखि नोंनो सिखिरि
 बेखायनोथ' नोंनि मुंफोरा सहायसुलि, अनसुलि, जोनोमगिरि, खांगिरि, बेंगिरि,
 सामलायगिरि बायदि-बायदि

आरोबाव फागुननि बेलासियाव सोमलि बिबार बोदोर जाखालि
 नोंखौनो नुथारदों आं
 लाइमोन जाफुनाय
 मान्दारबादि जाहाबनाय, लाइमोनसि...! *

नेनानै दं

—गुनिन मुसाहारि
बारग' फरायसा

जों बयबो खौसे जा

—जमुना ब्रह्म

आय' बर' हारिनि सुबुंफोर, नायहर हनै
सोनाबनि रैसुमै बारआ बारबोगौ
बोथोरखौ गुस्लाय होनानै गोदान बोथोर लाबोगौ,
बोथोरजों लोगोसे जों बर' हारियाबो
गोदान बड'लेण्ड सोरजिनो गुस्लायफादिनि।

आय' बर' हारिनि सुबुंफोर, नायहर हनै
सुथुरफोरा आखाइयाव रेबगन लाना दावगाबोगौ
मेगन मोदै खुगायाव खुदै लानानै
मानोथो जों बर' हारिया जिरायना थाबाय थानो,
आय' बर' हारि जों बयबो खौसे जादो।

आय' बर' हारिनि सुबुंफोर, नायहर हनै
बर' बिमानि मेगनाव सुखुनि मोदैनि सोलायै
दुखुनि मोदैआसो निजिरा बादि बोहैगासिनो,
आखाइयाव दाहाल थुंग्रिनि सोलायै रेबगन लाना
गुबुन हारिफोरबादि जांखिखांदिनि दावगालांदिनि
आय' बर' हारि जों बयबो खौसे जादिनि।

समा बारबोबाय बेसेबांबा
आलो दिडा मिथिस्लाबै
सानस्रि उनाव हर हरनि उनाव सान
बोथोराबो बारलांबाय बैसाग जेत आसार
मिथिंगानि महराबो गुस्लायलांबाय
मुगानि सानस्रिफ्राबो सोलायबोबाय
नाथाय गोरबो गोसोआ आंनि
दाबोनो रोडासै सोलायनो रजे
अननाय मोनो हास्थायनाया नॉनि
बुब्लिफोरनि बाबेननायाव थांबाय समफोरा
बोसोरसे बोसोरनै गोबां बोसोर बारलांबाय
अब्लाबो सानस्रिया बेरखाडो आंनि
रुगुं मोनहास'यै जिउ फैसालि रुगुंआव
दाबोनो जाखांफैयो
नॉनि बेसेबा मिनिखैरोनाय
सोमज्रो ज्रो महरा दडो दाबोनो
आंनि बिखायाव अन्थाइ जाना
रोमै रोमै जाखांफैयो गोरबो फैसालियाव
दाबोनो रजे नॉनि रैरुप महरा
दं आं दाबोनो नोखौ लामा नायना
फैगोनदा नों गोरबोआव आंनि
मोजोमसे अननाय बिलायनो।
मेगन सोलेरा रुमु लांगोन
अननायनि बान्दोआ अराय सम
जिउ दावरियाव मोगथां महर लाना।
थागोन आं नॉनिबोल' जाना
दं नेनानै अरायबो जोबथा फैसालि रुगुंआव
नॉनि आगान फोलावगोन

थांनाय हरनि सिमां

—फुकन बसुमतारी
बि.ए. थामथि बोसोर

उः दिनै हरसे उन्दुनो मोनासै
 गामियाव पुलिसफोरा लाइमोनफोरखौ
 जाहोन गैयालासे हमदों आरो लादों
 नाथाय आं बोरैबा खबर मोनफ्रानानै
 न'निफ्राय बारग'नो हादों
 आरो बबाव थागोन, बबाव मागोन मोननानै
 आनै मोनहानि न'आव खारनानै थादों
 जेराव आनैमोनहानि न'आ रावबो नुहरस'यै ख'ना जायगायावमोन
 नाथाय बेयावबो पुलिसफोरा नुहुरसननानै होसोनो हमदों
 आंबो बिसोरखौ नुनानै खारगासिनो खारनो हमदों
 बिब्दिनो खारै-खारै आं सानैसो बर' जोहोलावफोरखौ लोगो मोनदों
 बिब्दिनो जों जयै समनि फाख'नाव उदांसिनि सिमां नुनानै,
 बर'लेण्डनि महरखौ मोगथाडाव नायनो लुबैनानै सुथुर आरो
 सरकारनि हेंथायै जुजिनो जान्जि खाफ्रायो
 समाव जों खारो आरो समाव होसोयो
 फारसेथि सुथुरफोरस सोरखौबा गावथारबाय,
 लेंग्रा-ख्रमा जाबाय, सोरखौबा हमबाय,
 सोरखौबा जिनाहारि खालामबाय,
 सुबुं मोनथाइया बोलि होजाना सेव-हांगार जाबाय
 अब्लाबो गोहो गोलोन्दां नडा दावहारु जौनि
 थांखि दं बर'लेण्ड सोरजिनायनि।

बेबादिनो जों सान-हर खारगासिनो खारनो हमदों,
 बार-अखा सिजानानै, दैमा-दैसा, बिलो-बिलोमा,
 फलन्थाबारि बारनानै हाजो खंखर खंखर....
 सानसेखालि जों बिब्दिनो खारै-खारै साखाथिनि राज्यो,
 हादराव खारनानै थाखुमाहैयो जेराव जों पुसिल, आर्मिफोरनि
 नोजोराव वान्टेद जानांदोमोन
 आफोद बेयो सिमांसो! ?
 थांनाय हरनि सिमां

जिउ

—उषा रानि मुसाहारि
 बि.ए. बाथि सेमिष्टार

जोनोमजों फैफानाय जिउ सोलेर
 मुवा नडा, बेसाद नडा
 नुनो थाडा, मोनदाडा
 हमथानो हाया, सुजाबनानैबो लाखिनो हाया।
 बेसेन गोनां बेबादि जिउखौ
 थांनानै थानाय समाव
 गाञ्जि लामायाव आगान होनानै
 गावनि जोनोम जिउखौ खहा दाखालाम।
 आदर्श गोनां गियाना
 बयनिबो जिउआव थायो
 सोलेराव हायाव, थै रोदायाव
 अगियान आखुखौ सिखोमानानै दोननो दासान
 नडाब्ला जानांगोन जिउ मोनसेयाव आलाय-सिलाय

मेन'खा

—बिदांस्त्रि बसुमतारी

बि.ए. सेथि बोसोर

14 नभेम्बर हादरनाडै दिने भारतनि गिबि गाहाय मन्थ्रि जवाहरलाल नेहरुनि जोनोम सान। 14 नभेम्बर गथ'सा सानखौ सानसेनि मेहेर गोनां हाबाफारिजों फालिदों। फरायसाफोरखौ लानानै थुनलाइयारि बादायनाय, सावगारि आखिनाय आरो बायदि बायदि बादायलायनायाव देरहासाद जानायफोरनो बान्थाबो गथायदों। बान्था राननाय हाबाफारिया 4.30 रिंगासो जादों।

बिरास ब्रह्म मेन'खानि नायल' जाल' सासेल' फिसाज्ला थाखो नैआव फरायो। मोनब्रै बान्था आवग्रिनो हादों, मेलेम गोनांथार गथ'आ। बिमा मेन'खाया बेखौ लानानैनो गोजोन मोनो। थाम बोसोर आगोलनिफ्रायनो इउ.एन. एकाडेमि फरायसालिनि फोरोंगिरि हाबाखौ मावदों मेन'खाया। मेन'खाया B.A. First Class। बिमा बादि फिसा बिरासआबो गोरों बयजोंबो अनजायो नोरुम आखुनि गथ'।

मेन'खाया फिसाज्ला बिरासखौ लानानै न' फारसे मोखां जालांदों। इउ.एन एकाडेमीनिफ्राय समायनानि न' बिजनी सुदेमफुरिया 4 कि.मि.सो गोजान जागोन। बेखिनि लामाखौ साइकेलजोंनो हान्थियो मेन'खाया। न' मोनहैना फिसाज्ला बिरासनि

द्रेसजों खुनानै आर्थि-आखाइ सुखांना ओंखाम खुरना होदों।

न'आव मानसि दंना?

ओं दं। (रावखौ हमनो हायाखैब्लाबो न' सिनिफ्राय राव हरदों मेन'खाया न' सिनिफ्राय ओंखारबोनासो सिनायदों गामिनि बिमादै जानाय सिलिना)।

हा माथो खालामबाय थदों मेन'खा?

(मोखां नुग्रोमोना सोंदों सिलिनाया)

दासो मोनफै खादों मादै फरायसालिनिफ्रायनो। बिरासखौ ओंखाम जाहोदोंमोन आं।

हा दिनैलाय मानो मोनाबोलायखो?

माबा मादै फरायसालियाव मिथिं जादोंमोन बेयावनो मोनाबोलायबाय। हा माथो खौरांमोन मादै? माबाहाय आदै नों गाज्रि मोनाबा मोनसे गोनां खोथासो रायज्जलायनो होत्रा फेदोंमोन आं।

हा माथो गाज्रि मोननो मादै। गोनां खोथाबा बुंबानो जाबाय।

बुंनोबो गिलाय लाडोबाय आं आदै।

हा माखौ गिनो मादै बुंबानो जाबाय।

माबाहाय आदै हबै दावरायबारिनि मेरगानि

थाखायसो रायथिनो थिननायखाय फैदोंमोन आं। सिबाय बिहाबो बोसोरसेल' जाथारदोंमोन जुलि जानायानो हरखाब बिसिया लोमजाना थैजायो। बिनि थाखायनो नोंखौ सानदोंमोन आदै।

आं हानाय नडा मादै। फिसा सासे मोनबाय बिनो थोबाय। गोदानै जुलि जाफिननो गोसोबाथ' आं फिसाइ थैजानानै 6 बोसोर सम थानाय नडामोन।

आं नोंनि मोजांनि थाखायसो बुंदोंहाय आदै। नों हारसि एसेबां खस्थ'बो खालामनांनाय नडा। हा-हु, बारि-बागान ग्रोम-ग्रोमथार मोजां नखर मावै-दाडै जानांगौल' आरो नोंखौथ' मानसिफोरा गाज्जि नोजोरसो होबाय थायो। माथो माइनाव, जिरिथा मोनहा मानसिफोरनि सिगां सिगां बुंसोलायथारो बे मेन'खाया फिसा सासेयावनो फिसाइ थैजाना फिसाइनि न'खऔ गारबोना जोंनि गामियावनो थाफैफिनबाय आरो हाबाबो जाफिनासै ओरैनो थानो हाथारदों होनबा बे सम सम सोरबा सिनायमोनि सेंग्राफोरबो फैबाय थाथारोनो माथोस नोजोर होनांसिगोन हाय बिखौ। गामियाव बिदि थायोब्ला गामियासो बदनाम जागोन। बायदि बायदि गोबां खोथा बुंथारोबाय आदै बेनिखायनो आं नोंनि मोजांखौसो नायदों।

बेफोर आंनि खाफालसै मादै। आंखौ मा बुडो मा सानो सानथोंसै, नाथाय सैथोआ आंजोंनो दं। बिदि गोथार जुलि जाफिनला गोदान संसार जानायखौ आं साननो हायासै मादै।

दे जायाब्ला आं माथो बुंभावनो आदै। थादो दे आदै आं थानोसै। गाज्जिल' दामोनसै। बाथ्राखौ थास्लेबना बुंलाडो सिलिनाया।

खाफालानो गाज्जि बुंनांगोन सिबाय मेन'खा...। गोदो उन्दैयावनो खस्थ'नि गेजेरजों देरबोदों दाबो खस्थ'खौ सौसि-सौसि हान्थिनांगौ जादों। हाबा जानानै फिसाइ थैजाना गथ' सासे थासेयावबो मेन'खानि महरा दाबो सिख्ला देलोडैनो दड। बेनिखायनो मेगन नोजोरा गोग्लैयो सोरनिबा सोरनिबा गेजेराव।

मेन'खाखौ जोनोम होखांनानै समायना बिमायाबो बे बुहुमखौ नागारनानै थादों। बिफा रामोन्दाया फिसा मेन'खानो गावनो बिमा बायदि खांबोदोंमोन। आबाद मावनानै खुनुरुखुम नख'र दैदेनबोनाय रामोन्दाया बिसि थैखांजानानै नैथि खेब जुलि जाफिनाखै। दिनै समायनानि बेलायावबो बेनो जादों।

खस्थ'नि गेजेरजोंब्लाबो रामोन्दाया फिसा मेन'खाखौ लेखा फरायनो खाबु होदों। ख' ख' जोथोन लाबोदों। मेन'खायाबो उन्दै समनिफ्रायनो फरायनाय लिरनायाव मोजांखासो उन्दै समनिफ्रायनो खन्थाइ लिरनो रोंगौमोन। नोरोम आखुनि। फरायनायजों लोगोसे संनाय-खावनाय, दानाय-लुनाय गासैखौबो मोजाडैनो रोंगौमोन। लोगोसे आबाद फोथाराव बिफाखौ मदद होयोमोन। मेट्रिक आन्जादनिफ्राय लानानै B.A. आन्जादसिम सेथि थाखोआव उथ्रिबोदों मेन'खाया। B.A. पास जाखांनाय लोगो लोगो बरपेटा जिलानि सिडाव थानाय गोबरधना गामिनि नायफैनायावनो जुलि जानानै थाडो। बिरदाव दैमारी H.S. पास साखिल'सो गैजाया हाल-खदाल ग्रोम-ग्रोम बिदा-फंबाइ साबा।

गिदिर नखर। खामानि-दामानि हाख'आ हाख'आ मोनदोँब्लाबो दान मोनसेनि उनाव मिलाया सोलिनो हादोँ मेन'खाया।

हाबानि बोसोरसे उनावनो सासे फिसा हौवा जोनोम होयो मेन'खाया। जोबोद खुसि मेन'खा आरो फिसाइ बिरदावआ फिसा हौवा मोननायनि। नाथाय मा खालामनो मानसिया सानो मोनसे गसाइया खालामो मोनसे। फिसा हौवासा बोसोरसे जास्लाबियावनो फिसाइ बिरदावआ प्रेसार स्ट्रक जानानै बे बहुमखौ अरायनि थाखाय नागारलाडो। सहायनो हायाव नडा मेन'खानि खाफाल एबा बरादा। फिसाइ थैनायनि उननिफ्रायनो बिहाव-बिखुनजो, बिजावजालिफोरा सैया सैया खालामबाय थादोँ मेन'खाखौ।

दान मोनसेल' थानो हादोँ मेन'खाया फिसाइ गोमाजानायनिफ्राय बिहाव बिखुनजोनि न'आव। बिनिफ्राय गोदान मिजिं लानानै बिफानि आंगो न'आव थाफैफिननो गोनां जादोँ फिसा बिरासखौ लानानै। गामिनि मानसिफोरा बयबो मुगैदोँ बुंसोलायदोँ बायदिसिना गाञ्जि गाञ्जि रावजोँ। बेफोर गासैबो मेन'खानि गोरबोआव दंसै।

खैफोदआ फैयोब्ला फारफ्रोमनिफ्रायबो फैयो बिफा रामोन्दायाबो हरआव उन्दुना थानायवनो थैना थायो। बिफा गोमाजानानै बांसिन जारलायाव गोग्लैनो गोनां जादोँ मेन'खाया। खामानि मावना जानोना फिसा बिरासखौसो लानो। उन सिगां रावबो गैया जादोँ। फिसाज्ला बिरासआ ब्रै बोसोर जानाय लोगो लोगो इउ.एन एकाडेमि फरायसालियाव मुं थिसनना

गावबो बे फरायसालियावनो फोरोंगिरि मावनो खाबु मोननानै खुनुरुखुमै बिमा-फिसा सोलिसाबनो हानाय जादोँ।

दिनैबो थाम बोसोर जाबाय इउ.एन. एकाडेमि सोलोँसालिनिफ्राय फोरोंगिरि हाबा मावनाया। गोबां दुखु-दाहा नाखेबजादोँब्लाबो दिनैसिम थुनलाइ सोरजिनायखौ आरो खन्खाइ लिरनाय हुदाखौ नागारनो हायाखै मेन'खाया। मोजां मोजां खन्थाइ लिरनायखौ नुनानै गोरायुंआ गांनै खन्थाइ बिजाव सुजुनायाव राडारि मदद होदोँ मेन'खाखौ बयजोँबो खन्थाइगिरि महरै सिनायानो हादोँ मेन'खाया।

फुंबिलि 8.30 रिंगा फिसाला बिरासखौ लानानै फरायसालि फारसे मोखां जालांनाया सानफ्रोमबोनि मेन'खानि रुटिन। दिनैबो ओंखारदोँ थिग फुंबिलि 8.30 रिंगायावनो। फिसाला बिरासखौ साइकेलनि खेरियारआव दैखांना नारदोँ न'नि लांगोनासिम। साइकेलखौ दोनथ'ना लांगोनानि हख्लाखौ फाहा जादोँमोन मेन'खाया बे समावनो माइनावनि राव 'हख्लाखौ मोजां मारिलांहाय मेन'खा। माथो नॉनि न'आवलाय सेंग्रा-बोराइ मानसि फैनायानो जोबनो थांथारला। मानसि थाब्लाबो फैयो गैयाब्लाबो फैयो।

हा सोर सोरथो फैबाय थायो आनै आं गैयि समावलाय? (हख्लाखौ फाडै फाडै सॉफिनदोँ मेन'खाया।

बिखौलाय जौलाय बोरे मिथिबायनोसै, नोंहासो मा मुहिनि होना दोनजोबखो। (फादुब राव) बिदि जेबो गाञ्जि खामानि लानानै आंनाव

फैयाहाय आनै, जा फैयो मोजां खामानिनि थाखायसो फैयो।

मोजां खामानि लाना फैनायालाय मैया फैनाय बे सानै सेंग्राफोरा माथो खोमसि लायनासो थांथारदोंलाय। हौवा मानसि गैयि न'आव बे सेंग्राफोरालाय माथो मोनफैयो।

फाब नांगोनहाय आनै आंखौ एसेबां गाञ्जि सन्देह खालामनाया। बिसोर सेंग्राया रावबो नडा फरायसा आफादनिसो गावसिनि बोसोरारि खुगा लाइसिनि लिरबिदांसो लांफैदोंमोन।

मोजाडै सोलिना थानो नाजाहाय मेन'खा। (माइनावआ मेन'खाखौ हुमखि होनाय रावजों बुंलाडो।) माइनावआ गामिनि सेरेब बुरैसा साथाम गथ'नि बिमा। मिथिं दावथिं गार्थिग्रा जेराव थाखा फैसा मोनो बेयावनो माइनाव। गामिनि सेला-हेलानि लिदार। मन्थ्रि, एम.एल.ए.नि स्किम नागिर नागिर थाबायनायाव एक नाम्बार माइनावआ।

सुदेमफुरि गामिया गोदोसोनाय गामि। लेखा फरा रॉनाय मानसिया आसि बिजौआव साननो हानाय। मोजां साननो हाग्रा बुजिनो गोरों मानसिफोरा दाबो मेन'खाखौ बाखोनायो। नाथाय माइनाव जेनिथामोनबादि सा साञ्जां बाथ्रा रायलायग्रा लोंला-जालाया बांसिनथार।

बेरेफुंजानि माइनावजों नंखाय बाखायावनो दाय हमजाना बखि हरजानानै गोसोखौ मोजां मोनाखै मेन'खाया। फरायसालियाव गोसोखौ दरसि दरसि लानानै थाबाय थारों।

मेन'खा....

ओं सार... (गोरायुंनि गाबञ्जिनाय रावआव आंगो सांगो बागदावना ओंखारलांदों मेन'खाया) दिनै नॉनि मोजां खौरां मेन'खा मा मोजां खौरां सार? नों दिनै आसाम TET आन्जादआव उथ्रिसारनो हाबाय। आं नॉनि Result खौ दानिसो नायखांबाय।

नंगौनासार...?

औ नंगौ...!

साबायखर सार,

दसेनो मेन'खानि माइनावजों बुंहर जाना दरसि गोसोआ स्रां जादों। खुसि मेन'खाया लाख'हायि बेसेबा खुसि।

दान मोनथामनि उनावनो बर' बाजार H.S. फरायसालियाव जयेन जादों मेन'खाया। फिसाला बिरासखौ नख'र संसार जानायनि लामाया स्रां जादों। लेदिबार साइकेलजों फिसाला बिरासखौ लाना फरायसालियाव थांबाय थाग्राया से बोसोर उनावनो लेदिबार साइकेलनि जायगायाव स्कुटिजोंसो थांग्रा जाबाय। थारला गुस्तायनो हादों मेन'खाया बेसेबा खस्थ'नि गेजेरजों सौसि सौसि फैनानै। गामिनि माइनाव, जेनिखामोनबा बेनि खुगा बैनि खुगा गाञ्जि गाञ्जि फोसावनाया खम जाबोदों, गामिनि बयबो नुनानै बाखोनायदों।

मानसिनि खाफाला माब्ला मा जायो रावबो बुंस'हाया। दिनै आरो जोबोद मोजां खौरां सफैबावदों मेन'खानि जिउआव। देग्लाय मेन'खानि खन्थाइ बिजाबा साहित्य एकाडेमि बान्थानि थाखाय फोसाव

जायो। खौरांखौ मोननानै फुंनिफ्रायनो खौरांगिरिफोरो
आरो मेन'खाखौ बरायो बर' थुनलाइ आफाद,
फरायसा आफादनि दैदेनगिरिफोरा थुबुर जाफैदों
मेन'खानि न'आव। गामि समाजनि दैदेनगिरि बयबो
ज' ज' ओंखारदों मेन'खाखौ बरायनो। माइनाव,
जेनिया मोनहाबो उन उन मोखांखौ दिन्थिनो हाया
हाया जादों। गावसोरखौनो दायनिगिरि दायगिरि

सानना लादों। जोबथारनायावनो मेन'खानि खाथियाव
थांना मोखां दिन्थिहैनो हाथारासै माइनाव,
मेनितामोनहा। गोसोजों गोसो सानदों माइनाव,
जेनितामोनहा- 'मेन'खायासो दिनै बर' आइजो
माहारिनि गंसे आलारि बाथि जानो हामारबाय
मालाय।' *

बिबार

—करण कुमार बसुमतारी
बि.ए. बाथि सेमिष्टार

बारसे बारनै
बिबार नायबाय आं
गैया माथो आंनि थाखाय?
समायना गावदां बिबार।
आंमि दरखंआव
बारना थानायमोनब्ला,
बै बिबारखौ आं
आरोबाव गावदांसिन खालामसिनगौमोन।
हावरिया खाफाल आं,
बिबारखौनो मोननो थाडा।।
हावरिया खाफाल आंनि
लुबैनाय साननाया सिगां आंनि
जाफुंगोन सिमांआ आंनि
बै बिबारखौ सानसे समायहोगोन।

फैमाल मिजिं

—सानसुलि बसुमतारी
एम.ए. थामथि सेमिष्टार

मिजिं दंमोन आंहा गोजौ थाखोआव
सहैनायनि जिउनि लामाजों आगान
सुरनो.....
नाथाय.....
फैयोदि गोसोआव मानो?
बायदि गोसोआव सॉलु
सान, हर अरायसम सानो आं,
आंनि गोसोनि साननाय मिजिंखौ.....।
बै.....सम ससेयावदि मा जाहैगोन,
आनदायबाय आं.....
मानोदि बै सम ससेयाव;
थाबथाहैनो नागिरखो मानो? मानो?
'रांखावरिनि आंखालाव'
दिनै मा जाखो आंनि मिजिंआ....
फैमाल.....
गासैबो।

नाजानाय गोहो

—साइखलं बसुमतारी
एइस.एस. नैथि बोसोर

खाफालखौ दुसिनानै मुलाम्फागैया
बिदिन्थानि सोरखिया नेनानै थाया,
मिथिस'वा खाफालनि लिरनायखौ रावबो
सुबुंनि जिउआ दिदोमथि नडा।
साननैसोनिल' सुबुंनि जिउ सोलेरा,
गाबनाय मिनिनायजों बुंफबनाय बे संसारा,
थानो हाया, थाबाय थाया
जिउनि बे दिडाया।
सुखुआ जायखारो दुखुआ साग्लोबो
खोमसियाव आन्दायनांगौ जायो गोरान्थिआव,
जिउआ दुखुनि लैथोआव गाबनाडो
मिनि सुखु थेर बेथेर जायो।
जेननाय देरहानाय बायदि थांखिया
गावनि नाजानाय गोहोनि सायावसो,
गुबुननि सायाव सोनारना थानाया
जिउआव मोननाडो बिदै गला।
जायनो गावखौ दानो हायो
साननैसो समनि गेजेरआव,
जोंथि अलंबार जानानै थालाडो
बेनो सुबुंनि दावहाथिलि।

सिमांनि राजखुंगुर

—करिना नार्जारी
बि.ए. थामथि सेमिष्टार

निजोम हराव नुजानाय
जोंथि हाथर्खिबादि
फुंबिलिनि दुब्रि बिलाइनि
गोजों निहोर बादि,
बिबार बागाननि सिनायहायै
मासे सिखिरि जानानै
दान्दिसे समनि थाखाय
गोर्बोआव जिरायफैना,
हरखासै सिरिजाहाथ मोनहोना
आनि थानि आंखौ खालामना
बहा नों गोमालांखो ?
जानो हागो बियो आनि
नुनाय हरनि सिमांसो,
थेवबो आद्रा जानाय मिजिआ
नागिरबायदों दिनैबो
नोंनिनो फंसे राव

सायर' मोखां

—सर्मिला दैमारी
बि.ए. थामथि बोसोर

हमथाना लखिनो साननाय बान्दोआ बेसेबां गोरा
दिनै रावहाबो बेखौ फोरमायनो सम गैया,
आय' होननाय सोदोबा गोमालांबाय माब्लाबानो
साननाय आंनि नॉनि सिमा गैया जोबनो गैया।
गोबॉनि रादाब फोसावनाया कमेदिसो दिनैनि जुगाव....
सिरिनाय फिथाइखौ बै जायगायावनो थाइहोफिननो हाया
बेखौ निउटननि ल' आनो फोरमान होबाय,
सुद्रायनाय सानस्त्रिया थिनोब्ला मानो खोमसियाव?
आद्रा थानाय दैहुनि दैया बेसेबांदि गुसु सुदेम
बेखौ हमदांनो हानाय मेलेमखौथ' सोरजिगिरिया होखादों नाडासै!
बिरलांनाय बै दावथुआनोथ' सान्थिनि नेरसोना,
सोरबा थाव थेलेफानि सोगोमनाया खेरखेराय जायिनिसो.....!
रोहो-रोहो जॉनाय अरखि खान्दा सन्देरनाय
बेयोदि निहिरनि बिलिरनायाव गोमोरलांगोन।
सारा मुलुगनि मुगैजानाय सुबुडा दिनै थुलुंगा,
मोदानहोनाय आयनायाबो बायखागोन बियो सानसे।
जाय मिजिंखौ लानानै सुजुनाय सिमां,
गोसोनि गोथार थानसालियावनो दोननानै
साजाय समायना जायख्लंनि गाबजों सायर' मोखांजों नडा।

दोंथाम लिमारिक

—जरना बसुमतारी
बडाइगाव फरायसालिमा

(1)

फुंखा आरो निजोरानि मोजां मोनज्जायनाय
बे जोनोमाव नोंखौ मोनाब्ला थैगोन बुंनाया
थाखोजि मोनस्लाबमोना खारसनदों
नारा-नाथायैब्लाबो जुलिखौ लादों
बोसोरसे उनाव खोनानो मोनबाय डाइभर्स जानाय।

(2)

आब' मैनाथिया गोदोनायाव दौलें लगायनाय
मोजां मोननायखौ मोनाब्ला मानो थांना थाबावनो साननाय
रादाइ खादोंमोननो मोजां मोननाय सेंग्राजों माब्लाबानो बावगारा होननाय
मैया नुबाय पार्कआव बेरायनाय सोरबा अनजालिनि आखाइ हमना
आथिखालाव सोर बुंनो हानो रादाया मा बेनि फिननाय?

(3)

अनिआ Facebook आव सासे सेंग्राजों गोसो थोलायदों
दिनै लोगो हमनो थाखाय पार्कआव थांनो ओंखारलांदों
बेसेबा गोजान Facebook आव लोगो मोननाय सेंग्रा
थांना नुहैबाय सेंग्रानि आथिआ थोंसे लेंग्रा
न'आव फैफिनना अनुआ दर्जा-खिरखि फांथेना गाबदों।

बर' हारिनिसिम फेरलेबसे गुमुर

—सोरां ब्रह्म

बि.ए. सेथि बोसोर

'फिसौ',

बर'हा दा जारिमिन गैया, बेखौ.... बेखौ
सोरजिना लायैयावनो इयुनि बर' बिमा आरो
फिसाफोरा दुखु-दाहा सहायनांबाय आरो सहायनांगौ।
बेयो आंनि बर' हारिनिसिम फेरलेबसे गुमुर...।'

समा मोनाबिलि जाबायमोन। आं सेयाराव
जिरायनानै बर' खौरां खोनासंगासिनो दं। आंनि
आइया बाथौ थानसालियाव आलारियाव अर
लगायना आर'ज गाबगासिनो। बे समावनो गामिनिनो
सासे बुरैया जोंहानि न'आव फैदों। आबैनि मुडा
अनासि। बुंनो थाडोब्ला बुरैहा सासेल' नायल'-
जाल' आगोमा फिसाज्ला दंमोन। बुरैनि फिसाज्लानि
मुडा राजिब। नाथाय दा बिहा रावबो गैलिया।

आबैया आंनो खिनथानाय बादिब्ला, एसे
बोसोरनि सिगांसो जाय समाव बर' हारिखौ सुबुंफोरा
गाज्रियै गादबदोंमोन, नासयदोंमोन, बै समाव आबैनि
फिसाज्ला राजिबाबो बर' हारिखौ फोजाखांनो बर'
दावहारु हान्जायाव हाबहैदोंमोन। नाथाय सानसेखालि
बिमा बुरैनि संनाय खब'से ओंखाम जानो आरो
बिमानि मोखां नायसालांनो फैनाय समावनो हाखुवा
दैनि सेराव पानबारि थाना आर्मि हान्जानि गुलियाव

जिउ गोमानाडो। बै समनिफ्रायनो दा आबैया हारसिडे
जिउ दैदेननांदों। सम सम फिसाज्ला गोमाजानायनि
दुखुफोरा दाखा जोमैनि अखा खोरोमनाय बादि
खोरोम होयो जानांगौ। बेनिखायनो सम सम
हारमुनियामाव मेथाइ रोजाबसो गारो आबैया...

खोमसि हर... गेजेरनि...

गावदां....अखाफोर...

नों... बबाव.... गोमा... हैखो...

.....

गोसोनि.... दाहारजों,.....

मेगननि.....गोजानाव.....

नों... बबाव.... गोजाव... लांखो.....

.....

.....

मेंग्लिनाय.....गोसोया.....

नागिरनानै....नोंखौ.....आं

बबेयाव... मोनहै... बावगोन...

आबैनो गंसे जिरायनो आं मासि होयो।

बेनि उनाव आं आबैजों एसे बाथ्रा सावरायलायो।

आं आबैखौ बुंदोंमोन...

'आबै' माथो, बर' जोहोलाव जोहोलावजो

बिथांमोननि दानि गोदान सरकारा सासेयाव ब्रै लाख रां हरोनो। आबैयाबो आदै राजिबनि मुडाव मोनगोन।' अब्ला, हरखाव आबैनि मोखाडा मानिबा दुखुनि गोसोम जोमैफोर बादि दाखिफबो। आबैयाबो गाब्रु मोखाडै बंफिनदों-' हा थैनानै थांनायनि नामालाय बहा सिखांबावनो आबौ!' आबैनि मोखाडा लाहाखि जासिनलाडो।' मानो मोना जानो आबै, बे रांखौ मोनोब्ला नोंहाबो एसे सहाय जागोनना।' आं जावलेयैनो बंफिनना आबैखौ दुखु होनाय बादि जादोंमोन।

थारै आंनि बंनाय रावा आबैनि गोसोखौ बायफले होदों। आबैया दुफुं सिखारो आरो दुखुनि खुद्रिनाय गारांजों आंखौ बुडो-'आबौ! हनै, नायहर नोंनि आइया बाथौ थानसालियाव आर'ज गाबगासिनो।

सोरनि थाखाय??

थारैनो फिसा-फिसौनि थाखाय, समाजनि थाखाय, हारिनि थाखाय, जाथिनि थाखाय....आरो...आरो...बे जाथिया सोर जाखो....!!!

नाय फिसौ, मानसिनि जिउखौ बेसेनजों बायनो हाया। आं सासे बर' बिमा आरो आं सासे बर' बिमा जानानै आं आंनि फिसानि जिउखौ रांजों फाननो हागोनना???? आरो... हानायमोनब्ला आं आंनि फिसा राजिबनि जिउखौ बै समावनो रांजों बायना होगौमोन। बर'आ गुबुन हारिजों दिनैबो थगायजागासिनो दं फिसौ। बै समाव बर' बिमाया

बेसेबां दुखु सहायनांगौ जादोंमोन, बेसेबां बर' आइजोफोरा जिनाहारि जानांगौ जादों, बेसेबां दावहारु जोहोलाव जोहोलावजोफोरा जिउ खोमानांगौ जादों, बेनि रोखा रोखा जारिमिन दा, बर'फोरा गैया। थानायमोनब्ला दिनै बर' बिमानि मेग'नाव मोदै गनांनाय नंलामोन। आरोथ' दाबोनो समा बेबायदिनो सम सम...।'

आबैया मिथिगौ, गोदोनि बर' हारि... दानि बर' हारि गोबां फारागथि थानायखौ। 1993 माइथाय 20 फेब्रुवारिनि बि.ए.ची. गोरोबथा 2003 माइथाय 10 फेब्रुवारिनि बि.टि.चि. गोरोबथा आरो दा 27 जानुवारी 2020 मायथाइनि बि.टि.आर. गोरोबथायाव बर' हारिया एसे गोजोननाय मोनदोंब्लाबो हारि उदांसिनि सानथौवा गोमाना थाडाखै... आरो थांनायबो नडा।

बर' हारिनि राव, थुनलाइ, हारिमुखौ आबैया इनायनो मोजां मोनथारो... थामहिनबा, जानांगौ बर' हारिखौ आबैया...।

आंबो आबैजों लोगोसे गसंफायो। खाबु मोननाय मोनब्ला आं आबैखौ एरैसो सोंनो लुबैदोंमोन...!!! नाथाय फंसेबो राव बंनो आं खाबु मोनाखैसै। थांसै समाव आबैया बर' हारिखौ थांखिना बंलांदोंमोन।

'फिसौ!

बर'हा दा जारिमिन गैया, बेखौ.... बेखौ सोरजिना लायैयावनो इयुनि बर' फिसाफोर आरो फिसाफोरा दुखु-दाहाखौ सहायनांबाय आरो

सहायनांगौ। बेयो आंनि बर' हारिनिसिम फेरलेबसे
गुमुर...।'

आबैनि रावफोरखौलाय आंबो लोगो लोगोनो
सानदांगा, सानद्रिजो सालि-जुलि खालामदो। खाबु
मोननाय मोनब्ला आं आबैनाव एरैसो सॉनो
लुबैदोमोन...!!!

दान्दिसे उनावनो आं सोमोनांदो!!
मोनाबिलिनि माखासे सानबोलावरिजो गोसोआव
माबा माबि बाथ्रा सानफलांगारदो। जोंहानि न'नि

गय बारियाव फालोसे दावसि, दावसि हाब्रां आरो
दाउलुरफोरा एसेबां गाबसावदो। जानांगौ दिनै हरसेखौ
थानो थाखाय जायगा सेलायदो।

बे समावनो सान सिखोलाया सोनाब
फैसालियाव हाबबायमोन। दुलाराय बहुमावनो
खोमसिया साग्लोबबोयो। अब्ला आबैनि फंसे बाथ्राया
आंनि खोमायाव रिंखांफैयो। बेखौ बासा सेलायनाय
दाउफोरजो रुजुनानै आं सेरनि दान्दियाव हमना
दैखांदोमोन। रुजु जखायाथ' एसेबो हेर-फेर गैया।

मोजां मावनानै गोजोन मोत्रायाव गोग्गानाय थानो हागौ ; नाथाय गात्रि
आखलै मोननाय गोजोत्रायाव गोग्गानाय थानो हाया।

— लक्षेश्वर ब्रह्म (गोजोत्राय)

दख'ना

—कनिखा ब्रह्म
बि.ए. बाथि सेमिष्टार

सिनायथि होयो नों बर' हरिनि
आंमो ज्जिउ थैस' थांस'नि
बजबना लाबाय नोंखौनो
हरिनि थामोन्था नों।
मिथिंगानि समाइना महर
ज्जिब-जुनारनि आखु
बायदि महर गाब बेरखाडो
नोंनि गुवार फैसालियाव।
लाखियो नों बर' आइजोनि
गोजों गोथार आब्रुथि,
गुबुन गुबुन मुं नोंनि
गोसारदों बर'नि गेजेराव।
खोमानो हाया नोंखौ
नेवसिनो साना नोंखौ
बर'नि नेरसोनथि नोंनो।
गोसो गोरबो बर' आइजोनि
थाबाय थागोन नोंनिनो साखाथियाव।
रिंखांहोगोन हिसानसालियाव
मिलौहाबनाय रिंगुनि देंखो

बेजोंनो समाइखाडो बर'नि नखर।
नाथाय नोंखौ सै सै खालामदों
खोमसियाव आन्दायनाय सुबुंफोरा
सावगारदों हनै नोंनि गोजों गोरबो,
बाहायदों नोंखौ मैला गोसो महरजों
सोंखारिबायदों हनै नोंनि मुं लाना।
जानो हागौ नों थावरिनो हायाखै
बे दुंहाव, बर'नि गेजेराव
अब्लाबो नों थानांगोन
बर'नि आंगोथि जानानैनो...
नों गैयाबोला सोर सिनायनो
बर'खौ मोनसे हारि होन्ना?
नों आनज्रायलानो दासान....!
बर'नि आब्रुथिया गोमालांगोन!!!

जिनाहारि

—अनजु रानि बसुमतारि

बाध्रायाव दं-

मैया जेरै गावनि मोदोमानो गावनि सुथुर
हिन्जाव फिसायाबो गावनि देहा, महर मुस्त्रियानो सुथुर।

दिनैल' नडा

बर' महारिनिल' बाध्रा नडा
मुलुगनां जाफ्लेबाय थानाय जाथाय।

मेगनजों नुनाय आरो खोमाजों खोनानाय
बेफोर मेगन सेरनिनो सावगारिबोल'

अखा नायब्लानो गिखंथाव जाथाइनि रादाब
सान-हरनि जेबो फाराग गैला,

सम आइराखिया माबेथिं

आरो

बेसे गोखों खारदों
बेनि फारसे रावहाबो मोनबो उदिस गैया जालांदोंसै
खालिबोल' जिनाहारि।

गलामनि सोंथि

—प्रमद इसलारि

एइस.एस. नैथि बोसोर

दिनै गाबोन दिनै गाबोन
ना माब्लाबा?
उदां लुबैदोंमोन आंबो
रंजानायनि आबिरबो बेरहोनो।
नाथाय, धोनी-गोरिब
फारागथि रानजानाय थासारि
आंनि बे अरायनि सोंथि,
गोसोआव मोनदांथियो माब्लाबाफोर
दिनै एबा गाबोन
लुबैनाय मानि बेसादखौ मोनफुथारगोन।
माथो हनै गोलोमदै सरग'नायनि
खस्थआनो बेसेन गैया,
रात्रो रोंयै मेगननि बानायाव
रावबो आय' बुंग्रा गैया।
फोथायदों रेबगननि गोहोखौ,
रेबगन! नोंनि गोहोआ
बेसेन दं दा बि?
गलमानि मिजिंखौ गलामनि थांखिखौ
जाफुंहोगोन दा नों?
थांनानै थादों बैफोरनि थाखायनो-
खब'से ओंखामानो उखैगासे,
थोरिनि न'ब्लाबो बेनो गोजोन देरा।
रिथि-रिथा हाथरिखिजों लोगोसे
जेब्ला आं उन्दुफायो, अब्ला
बे सोंथिआनो सोंथि-
दिनै नंआब्ला गाबोन हास्थायनाय
मानिफोरा
जाफुंथारगोन दा बि?

जिउनि सानरेब बिलाइयाव

—लक्ष्मीस्वर बसुमतारी
बि.ए. थामथि बोसोर

जिउनि बे सानरेब बिलाइयाव
मा मोनखो आरो मा खोमानो गोनां जाखो,
फारि फारियै गोसोखांथिनि रेबगनजों
आं लिरनानै दोनदों, जिउनि गोबां सल',
दुखु-सुखु, गाबनाय-मिनिनायनि जारिमिन।

हावरिया खाफालनि हंमा सुरनाया बेनो बेसै
खार'खान्दाइ बिबार बादि हरावनो बारना हरावनो सिरिलांनाय,
अखा हादैनि रिमिनलायाव गादलिनना गोग्लैनाया
सिखांफिननो नाजाबायनानैबो हायाखिसै,
दा आंनि सिनसिआ थोंगोर गसंथआनो हालिया।

उन्दै समनि गेलेलायनाय-रंजानाय
गोदै गोथाव गोजेन बुब्लिफोर,
गोबां सम नेवसिगारनानै गोदान सम आं बरायदों
सानफा मोनफा गोसोनि मिजिंफोराबो बारायलांदों,
गोखों थोखि, हास्थायनाय मिजिंफोरखौ गोथां जिउ होनायनि।

सुजुजानाय खायसे मिजिंफोराबो
जिउ गैजायै सुबुनि गोथे देहा बादि,
जेबो अजद गैयाजासे सिरियै सलादें जानानै थाबाय,
गाब गैयै आंनि जिउनि बे सानरेब बिलाइयावनो
गोदो गोदो उन्दुलांदों, जिउ गैयै आंनि खायसे सिमां।

आसि बिजौआव समनि बेसेन सानै सानै
हान्थिबोनाय आगाना, लामानि अन्याइयाव हरखाब सौथुनानै
आंखौ दा बावगारहोबाय समनि बेसेन साननो,
आनि-थानि जाना आन्दायनांबाय आंनि मिजिंफोरा
मोनफ्रोमबो आगाना जेंनानि सुजोंनो सुब्रेजाबाय।

मन्दिरानि आददा

—रिश्मा दैमारी
बि.ए. सेथि बोसोर

मोगथां इयुननि
सिमांफोरा गुफुं सोलेर
मोदोमफु, गाब गाहोनो
मेंग्लिलांनाय सिथलायाव
मिनिनाय बिदै लाबोनो
अनसुला उदां बिखायाव
फान्जारिनि अनसुलि बिखाजों
मोगा-मोगि गसंनांनो गोनां जायो,
गुफुर सानबोलावरिनि मन्दिरायाव
लोरगि दैथुनजों गेलेनाय।

जुगामि, इयुन मुलुगनि...
लांदां गोरबोआव,
बेसेन गोस्र अलंकार
जाय, गोगो गियाननि
सातना होनो लांदां फोथारसालियाव....
हान्थियारि जिबिनो,
सोमोनांथाव, हाथियार होनो
लुफाव, लुफाव,
मन्दिरानि आददा जों।

गोमखाडो दिडायारि आराव
मोनफ्रोम हान्थिलांनाय लामायाव,
गोजोन जिउनि दुंलोब लामायाव
जिउनि दैथुनफोरा,
गोथां सोमखोर, बिलाइफोर बादि....
मुलुगाव जौथाइ मोनजोबनो,
मन्दिरा आददा जों, मोहेर गोनां,
बेरखांदों समायस्रि गाब।

फोरमाय हायासै

—जोंसार सरगियारि

गोसोनि खोथा फोरमायनो आंहादि खुगायाव राव गैया
हास्थायसुला गोसोआ हास्थायखुमासैल' नोंनि अननाय
बुंनो साननाय आंनि गोसोनि खोथा हाया बुंनो नोंनि खाथियाव।

नोंबो हमनो हाथारलिया आंनि इसारा
ना मोन्दांसेयावबो हमदांनो हायै बायदि बाहोना
ना नोंहा सोरबा अनसुलासो सायख'नाय दंखआयो नामा आंनि अनगा।

नोंखौ अननो थाखाय आंहाबो बिखा दं
नोंखौ गोजोनै दोननो हानाय आंनावबो खाबु दं
आंनो नांगौ खालिबोल' रावनिबो अननाय सना नोंनि अननाय।

समा बारलांबाय खोन्दो-खोन्दो
बोथोरा बारलांबाय हालो-दैलो
नाथाय हामारासै आं नोंनि सिगाडाव गोसोनि खोथा फोरमायनो
जामारबाय नों गुबुनिसो।

गोर्बोआव सहायस'हायै दुखु थालांबाय स'ना
नोंखौ आं आंनि जिउनि लोगोरि खालामनो हामारासै
बिखाया गावना निजोरा जाना मोदैनि बानाल' बोहैबाय।

खाफालनि रेखा रावबो खोमोरनो हाया
बेनिखायनो नोंजों आंजों मोनसे गोसोनि जानो
इसोरा खाफालनि रेखायाव लिरना हरासै खोमा
बेखायनो नों गुबुनिसो जामारबाय स'ना।

**गाहाइ नेहाथारिनि मावफारि बिलाइ
बिबान समः 2020-21 आरो 2021-22
थावनिः बिजनी सोलोंसालिमा
बिजनी सोलोंसालिमा बर' थुनलाइयारि आफाद**

गिबियावनो 'बिजनी सोलोंसालिमा बर' थुनलाइयारि आफाद' खौ दैदेननो 'गाहाइ नेहाथारि' बिबाननि थाखाय आंखौ गाहाइ नेहाथारिनि बिबान सायख' गिरि बिथां मोननिसिम आंनि गोरबोनिफ्राय साबायखर बाउहरग्रोनाय जाबाय। लोगोसे बिबानखौ मावफुंनायाव बोसोन आरो हेफाजाब हेनाय मानगोनां बिजनी सोलोंसालिमानि गोरायुं सार, बिबुंगिरि सार आरो मेदाममोन लोगोसे आफादनि बिबानगिरि, बिजनी सोलोंसालिमानि साफ्रोमबो फरायसुला फरायसुलि आरो बारग' फरायसा बिथांमोननिसिमबो-गोरबोनि साबायखर होबाय।

थानाय 2020 इं मायथाइनि 2 सेप्टेम्बर अक्ट'आव आंनि जिउ जारिमिननि अराय गोसोखांथि जानानै थाबाय। जेराव बिजनी सोलोंसालिमा बर' थुनलाइयारि आफादनि गाहाइ नेहाथारि बिबान मेननाय आंनि थाखाय बेसेबांबा खाफालनि बाथ्रा। मानोना बिबानखौ मावफुंनोनायाव आं गोबां मिथियिखौ मिथिबाय, रोडिखौ रोंबोबाय आरो बयजोंबो गोरबोनानै हाबा मावनो खाबु मोनबोबाय। सायख' जाजेननाय समाव बिजनी सोलोंसालिमा बर' थुनलाइयारि आफाद बादि मोनसे गोथार आफादखौ दैदेनलानो थाखाय गोसोआव गोनो-गोथो आरो गिनाय मोनदोंमोनब्लाबो बारग' बिबानगिरि बिथांमोननि गोखों बोसोन होनायाव गाहाइ नेहाथारिनि गिलिर बिबानखौ मावफुंनो थुलुंगाखाडो आरो आं बिबानखौ गोसो खुसियै गनायना लायो आरो आंनि खंख्ला गियानजोंब्लाबो आफादखौ दैदेननो नाजायो।

25 आरो 26 फेब्रुवारी, 2021

थानाय 25 आरो 26 फेब्रुवारी, 2021 इं अक्ट'आव साननैनि हाबाफारिजों कक्राझार सरकारि फरायसालिमा बर' फरायसा थुनलाइ आफादजों खुंफुंजानाय खुंगा 38थि 'ईसान मोसाहारी' गोसोखां सान फालिनायाव जौनि बिजनी सोलोंसालिमा बर' थुनलाइयारि आफादफ्रायबो गासै सा 6 फरायसा बाहागो लाहैयो। बेजों लोगोसे बिलिफां दैमारिया गाव हारसिडै गुबुन गुबुन फरायसालिमाफोरनि गेजेराव बांसिन बान्था मोननो हानानै 'ईसान मोसाहारी उनसंगिरि' बान्थाबो मोनबोनो हादों।

1992 इं माइथायाव जोनोम मोननाय बिजनी सोलोंसालिमा बर' थुनलाइयारि आफादआ जोनोम बुल्लिनफ्राय बिजनी सोलोंसालिमा गायसंगिरि सोद्रोमा, फोरोंगिरि मोनसे समनि बर' थुनलाइ आफादनि आफादगिरि समाज सिबियारि गेदेमा सानजारां लक्षेश्वर ब्रह्मनि थैनाय सानखौ थानाय बोसोर 2019 इं मायथाइसिम लानधियै गुबुन गुबुन सोलोंसालिमानि सोलोंसाफोरखौ लानानै गाजा गोमजायै फालिबेदों। नाथाय दुखुनांथाव बाथ्रा थानाय 2020 इं मायथाइ आरो 2021 मायथाइयाव कर'ना भाइरासनि साग्लोबनायाव गाजा गोमजा खुंफुंनो हानाय जायासै। अब्लाबो सानजारां लक्षेश्वर ब्रह्मनि '37थि थैनाय सान आरो खुंगा 29थि थैनाय गोसोखां सान फालिनाय 2020 इं मायथाइ' आरो '38थि

थैनाय सान आरो खुंगा 30थि थैनाय गोसोखां सा फालिथाइ 2021 इं मायथाइ' आव Online नि गेजेरजों 2020 मायथाइयाव मोसानाय आरो खन्थाइ लिरना हरनाय बादायलायनाय आरो 2021 मायथाइयाव गावनो सुजुनाय खन्थाइ, सुंद' सल' आरो गोदान मेथाइजों हारसिडै मोसानाय बादायलायनाय आरो बिजनी सोलोंसालिमा बर' थुनलाइयारि आफादआरि आफादनि फिरफिला बिरहोनाय लोगोसे सानजारां लक्षेश्वर ब्रह्मनि सावगारियाव बिबार बाउनाय हाबाफारिनि गेजेरजों खुंफुनाय जायो।

2021 इं मायथाइनि 2 सेप्टेम्बर अक्ट' खालिसिम आनि बिबाननि समखौ फोजोबनो आरो गोदान बिबानगिरि थिसननायनि सम जाबायमोन आरो बे हाबाफारिखौबो लानाय जादोंमोन। नाथाय बे खेबावबो आंखौनो गाहाइ नेहाथारिनि बिबानाव सायख फिनो। नाथाय बे खेबाव आनि बिबान रुजुननायनि सम नंलामोन एबा जौनि उननि फंबाइ बिबानाव मोननिसो समफारिमोन अब्लाबो खायसे जेंना आरो उसुबिदाखौ सावरायलायजोबनानै आंखौ गाहाइ नेहाथारि आरो लोगोफोरखौ गुबुन गुबुन बिबानाव सोसनफिनो। आफाद दैदेननांगौ आरो हाबाफारिखौ गाजा गोम्रजायै खुंफुफिनांगौनि खाथियाव आं बिबानखौ नाजावनानै लाफिनो आरो लोगोफोराबो गावबा गाव बिबानखौ रुजुनो।

सानजारां लक्षेश्वर ब्रह्मनि 37थि थैनाय सान आरो खुंगा 29थि थैनाय गोसोखां सान फालिनाय 2020 इं मायथाइयाव online नि गेजेरजों बादायलायनायनि देरहागिरिफोर-

Dance Competition:

1थि बान्थाखौ मोननो हादों B.B. Kishan College, Jalah निफ्राय Barakha Baro

2थि बान्था- Karanjit Brahma- Kokrajhar Govt. College

3थि बान्था- Pranoy Owary- UN Academy Kokrajhar

गावनो सुजुना हरनाय खन्थाइ-

1थि बान्था- मदन नार्जारी- बिजनी सोलोंसालिमा

2थि बान्था- शिबग मुछाहारी- बर'बाजार H.S. School

3थि बान्था- पुलनि मुछाहारी- बासुगाव कलेज

सानजारां लक्षेश्वर ब्रह्मनि 38थि थैनाय सान आरो खुंगा 30थि थैनाय गोसोखां सान फालिनाय 2021 इं मायथाइयाव online नि गेजेरजों बादायलायनायनि देरहासारगिरिफोर-

गावनो सुजुना हरनाय खन्थाइ-

1थि बान्था- मदन नार्जारी- बिजनी सोलोंसालिमा

2थि बान्था- उदांसि ब्रह्म, कक्राझार सोरकारि फरायसालिमा

3थि बान्था- फुंखा बसुमतारी, बरमा सोलोंसालिमा, बरमा

गावनो सुजुना हरनाय सुंद' सल'

1थि बान्था- बिजिन्द्र मुसाहारी, बर'बाजार सोसोंसालिमा, बर'बाजार

2थि बान्था- राजेश बर', बरमा सोल्लोसालिमा, बरमा

3थि बान्था- कितिका बसुमतारी, कक्राझार सोरकारि फरायसालिमा

गोदान मेथाइजो हारसिं मोसानाय-

1थि बान्था- सुइति नार्जारी,

कक्राझार सोरकारि फरायसालिमा

2थि बान्था- रशमि मुसाहारि, चयदुवार सोल्लोसालिमा, गहपुर

3थि बान्था- बिस्वजित बसुमतारि, सालबारि सोल्लोसालिमा, सालबारि

16 नबेम्बर 2021

बे बर' थुनलाइ आफादनि गोथार सानाव बिजनी सोल्लोसालिमायाव फिरफिला बिहोखांनयनि उनाव पानबारियाव बर' थुनलाइ आफादनि जोनोम सानखौ सानसेनि हाबाफारिजो खुंजानाय हाबाफारियावबो बाहागो लाहैयो।

5 डिसेम्बर 2021

गेदेमा रुंसारि ब्रजेन्द्र कुमार ब्रह्मनि थैनाय सानखौ बिजनी कलेज लाइब्रेरीआव बिजनी जिला बर' थुनलाइ आफाद खन्थाइ सान फालिनायाव बिजनी सोल्लोसालिमा बर' थुनलाइयारि आफादनिफ्रायबो बाहागो लाहैयो।

16, 17 आरो 18 डिसेम्बर, 2021

थानाय 16 निफ्राय 17 आरो 18 डिसेम्बर, 2021 इ अक्ट'आव सानथामनि हाबाफारिजो कक्राझार सरकारि फरायसालिमा बर' फरायसा थुनलाइ आफादजो खुंफुंजानाय खुंगा 39थि 'ईसान मोसाहारि' गोसोखां सान फालिनायाव जोनि बिजनी सोल्लोसालिमा बर' थुनलाइयारि आफादनिफ्रायबो बाहागो लाहैयो। बेजो लोगोसे बायदि आयदानि बादायलायनायाव देरहासारबो जाबोनो हायो।

1. Hadwrsa Goyary	Extempore speech	1st prize
2. Hadwrsa Goyary	Debate	3rd prize
3. Sibog Muchahary	Short Story Writing	2nd prize
4. Sibog Muchahary	Modern song	3rd prize
5. Sibog Muchahary	Poem writing	3rd prize
6. Mwkthang Basumatary	Short story writing	2nd prize
7. Mathura Brahma	Spot poem writing	3rd prize

17, 18 आरो 19 जुन, 2022

थानाय 17,18 आरो 19 जुन, 2022 इ अक्ट'आव सानथामनि हाबाफारिजो बरमा फरायसालिमा बर' फरायसा गौथुमजो खुंफुंजानाय 5थि रेणु बर' गोसोखां सान फालिनायाव जोनि बिजनी सोल्लोसालिमा बर' गोसोखां सान फालिनायाव जोनि बिजनी सोसोसालिमा बर' थुनलाइयारि आफादनिफ्रायबो गासै सा 13 फरायसा बाहागो लाहैयो।

बेजो लोकोसे बाइदि आयदानि बादायलायाव देरहासारबो जाबोनो हायो।

1. Daimasha Brahma	(a) Self compose one act play	1st prize
	(b) Self compose peom	1st prize
	(c) Self compose short story	3rd prize
	(d) Spot Poem writing	1st prize
2. Sibog Muchahary	(a) Spot Short Story writing	2nd prize
	(b) Self compose one act. play	2nd prize
3. Bineswar Basumatary	(a) Self compose essay writing	1st prize
4. Mwkthang Basumatary	extempore speech	1st prize
5. Hadwrsa Goyary	extempore speech	2nd prize
6. Karina Basumatary	Dual dance	3rd prize

&

Sibog Muchahary

बे हाबाफारियाव बिजनी सोलोसालिमा बर' थुनलाइ आफादिनि आरो बिजनी सोलोसालिमानि थाखाय बाखोनायथाव बाध्रादि गुबुन गुबुन सोलोसालिमानि गेजेरावनो बिजनी सोलोसालिमाया बयनिखुइबो बांसिन देरहासार जानो हानानै Best College Award खौ मोनबोनो हायो।

13 आरो 14 सेप्टेम्बर, 2022

सानजारां लक्षेश्वर ब्रह्मनि सानथौखौ बर' माहारिनि गेजेराव अरायथा लाखिनायनि असिलायै गुबुन गुबुन बोसोरफ्राव बानजायबोनाय-बादि बे 'सानजारां लक्षेश्वर ब्रह्मनि 39थि थैनाय सान आरो खुंगा 31थि थैनाय गोसोखां सान फालिनाय' खौ दुलाराय आसामनि सिडव थानाय गोजौसिन गेजेरारि सोलोसालि, सोलोसालिमा आरो मुलुग सोलोसालिमाफोरनि बर' फरायसाफोरखौ लाफानानै 13 आरो 14 सेप्टेम्बर, 2022 इं अक्ट'आव साननैनि हाबाफारिजो खुंफुनो बिजनी सोलोसालिमायाव गाजा-गोमजायै खुंफुनो थि खौलामनाय जायो।

बे हाबाफारियावनो सिगांनि खुंनाय हाबाफारियाव बिजनी सोलोसालिमायाव फरायनाय जायफोर फरायसम बर' बिजोर्जो फरायनाय H.S. Final आन्जादआव थि थाखोआव उधिसारनाय फरायसा आरो 2022 मायथाइयावनो बिजनी सोलोसालिमानिफ्राय बर' बिजोर्जो Degree उधिसारनो हानाय फरायसाफोरखौ Top-10 सायख'नानै बिजनी सोलोसालिमा बर' थुनलाइआरि आफादिनिफ्राय मान बाउनाय हाबाफारिबो लानाय जायो।

REGISTRATION COLLEGE

SL/No.	Name of College	Boys	Girls	Total
1.	Kokrajar Govt. College	7	4	11
2.	Kokrajar U.N. College	8	4	12
3.	Kokrajar Aronai College	4	5	9
4.	Bengtol College	6	5	11
5.	Bongaigaon College	5	5	10
6.	Janata College	5	5	10
7.	Tangla College	5	5	10
8.	Baksa Gyanpeet College	4	4	8
9.	Mashalpur College	6	5	11
10.	Goreswar College	5	2	7
11.	Salbari College	7	4	11
12.	Panbari H.S. School	9	9	18
13.	Basugaon College	6	0	6
14.	Barama College	10	3	13
15.	Borobazar H.S. School	4	4	8
16.	Gauhati University	2	3	5
17.	B.B. Kishan College	2	2	4
18.	B.H. College, Howly	6	8	11
19.	Udalguri College	6	3	9
20.	Bodoland College, Ballamguri	1	0	1

H.S. Passed

- | | | | |
|-----|--|----------------|-------------------------------------|
| 1. | मुस्त्रि सानि बसुमतारी
बिफा: मुस्त्रि प्रेम नाथ बसुमतारी
बिमा: मुस्त्रिमा रनिमा बसुमतारी
गामि: उलुबारि
ला:सो: सिलिखागुरि
थाना- पानबारि, जिल्ला- सिरां बड'लेण्ड | 77% जौखोन्दो | लेटार- 2
इंराजी
सानखान्थि |
| (2) | थराइना बिनिता बसुमतारी
बिफा: मुस्त्रि निरमल बसुमतारी
बिमा: मुस्त्रिमा चम्पाबति बसुमतारी
गामि: दलहापारा
ला:सो: गेरुवाकाबारि
थाना- बिजनी, जिल्ला- सिरां, बड'लेण्ड | 75.2% जौखोन्दो | लेटार- 2
Bodo (MIL)
Adv. Bodo |
| (3) | मुस्त्रि निपुन हबसुमतारी
बिफा- मुस्त्रि भरत चन्द्र बसुमतारी
बिमा: मुस्त्रिमा दैमान्थि बसुमतारी
गामि: फुखुरिपार
ला:सो: बिसरखना
थाना- गवालपारा | 72% जौखोन्दो | लेटार- 2
असमिया (MIL)
इंराजी |
| (4) | थराइना अनजिमा दैमारी-
बिफा: मुस्त्रि कामेस्वर दैमारी
बिमा: मुस्त्रिमा दुमे दैमारी
गामि: दहलापारा
ला:सो: मंग'लियान
थाना- बिजनी, जिला-सिरां, बड'लेण्ड | 65.2% जौखोन्दो | लेटार- 2
Bodo
Adv. Bodo |

- (5) थराइना नन्दिता बसुमतारी 64.2% जौखोन्दो लेटार
 बिफा: मुस्त्रि तर'नि बसुमतारी Bodo (MIL)
 बिमा: मुस्त्रिमा आरति बसुमतारी
 गामि: बेसरगाव
 ला:सो: कलियागाव
 थाना- बिजनी, जिल्ला- सिरां, बड'लेण्ड
- (6) थराइना चानिया बर' 63.8% जौखोन्दो
 बिफा- मुस्त्रि तुलसिराम बर'
 बिमा- मुस्त्रिमा आलाइस्त्रि बर'
 गामि- एलेंबारि
 ला:सो: बागरगाव
 थाना- पानबारी, जिल्ला- सिरां, बड'लेण्ड
- (7) थराइना रिस्मा दैमारी 64.4% जौखोन्दो
 बिफा- मुस्त्रि अमर दैमारी
 बिमा- मुस्त्रिमा दयाबति दैमारी
 गामि- औवाबारि
 ला:सो: मंग'लियान बाजार
 थाना- पानबारी, जिल्ला- सिरां, बड'लेण्ड

T.D.C.

1. थराइना रेहेना बसुमतारी 82.7% जौखोन्दो
 बिफा- मुस्त्रि रबिन्द्र बसुमतारी
 बिमा- मुस्त्रिमा म्निक्का बसुमतारी
 गामि- आन्धारगाव
 ला:सो: सिलिकागुरि
 थाना- पानबारी, जिल्ला- सिरां, बड'लेण्ड

2. मुस्लि प्रबाल बसुमतारी 82.4% जौखोन्दो
 बिफा- मुस्लि सिबनाथ बसुमतारी
 बिमा- मुस्लिमा निप्राजिता बसुमतारी
 गामि- 1 नं खाबुलिबागान
 थाना- बिजनी, जिल्ला, सिरां
- (3) थराइना बिथ'राइ बसुमतारी 82.2% जौखोन्दो
 बिफा- मुस्लि अबिनास बसुमतारी
 बिमा- मुस्लिमा दामे बसुमतारी
 गामि- बेसरगाव
 ला:सो: कलियागाव
 थाना- बिजनी, जिल्ला- सिरां
4. थराइना रुमा बसुमतारी 81.2% जौखोन्दो
 बिफा- मुस्लि बहजन बसुमतारी
 बिमा- मुस्लिमा रहिला बसुमतारी
 गामि- सुदेमपुरि
 ला:सो: बिजनी
 थाना- बिजनी, जिल्ला- सिरां
5. मुस्लि रिंसार बसुमतारी 79.3% जौखोन्दो
 बिफा- मुस्लि भवेन बसुमतारी
 बिमा- मुस्लिमा बिमला बसुमतारी
 गामि- हाहचरा, ला:सो: हाहचरा
 थाना- बिजनी, जिल्ला- सिरां
6. थराइना धिरजज्यति ईशवारी- 78.8% जौखोन्दो
 बिफा- मुस्लि प्रानजित ईशवारी
 बिमा- मुस्लिमा खनिका ईशवारी
 गामि- कुमारसालि, ला.सो. बि/लादांगुरि
 थाना- बिजनी, जिल्ला- सिरां

7. थराइना बिरगोसि ब्रह्म 72.5% जौखोन्दो
 बिफा- मुसि उबाम ब्रह्म
 बिमा- मुसिमा गायदे ब्रह्म
 गामि- बेसरगाव
 ला:सो: कलियागाव
 थाना- बिजनी, जिल्ला- सिरां
8. थराइना पृथीबी नार्जारी 78.8% जौखोन्दो
 बिफा- मुसि प्रानजित नार्जारी
 बिमा- मुसिमा नामेस्वरि नार्जारी
 गामि- सोनाब्र दैसुमगुरि
 ला.सो. नेहरु बाजार
 थाना- बिजनी, जिल्ला-सिरां
9. मुसि मानिथाव मुछाहारी 77.6% जौखोन्दो
 बिफा- मुसि जलेशवर मुछाहारी
 बिमा- मुसिमा सोमबे मुछाहारी
 गामि- सिमलगुरि
 थाना- आमगुरि, जिल्ला-सिरां
10. थराइना हिरा बसुमतारी 77.4% जौखोन्दो
 बिफा- मुसि मोनला बसुमतारी
 बिमा- मुसिमा दमासि बसुमतारी
 गामि- लावखिगुरि
 ला.सो. बि/लादांगुरि
 थाना- बिजनी, जिल्ला-सिरां

Results of Literary Competition

Spot Poem Writing

- 1st Prize- Swmkhwr Brahma (Gauhati University)
2nd Prize- Udangshri Swargiary (Gyanpeeth Degree College)
3rd Prize- Jayantha Rose Basumatary (Barama College)

Spot Short Story Writing

- 1st Prize- Mwkthang Basumatary (Basugaon College)
2nd Prize- Ajwla Basumatary (Panbari H.S. School)
Dwimali Boro (Janata College)
3rd Prize- Sumitra Basumatary (Borobazar H.S. School)

Debate Competition:

- 1st Prize- Nerswn Basumatary (Kokrajhar Govt. College)
2nd Prize- Karabi Boro (Barama College)
3rd Prize- Udit Boro (Salbari College)
Samiran Swargiary (Salbari College)

Quiz Competition

- 1st Prize- Kokrajhar Govt. College
(1) Dwiden Brahma
(2) Dwimalu Islary
2nd Prize- Gauhati University
(1) Biliphang Daimary
(2) Namita Basumatary
3rd Prize- Panbari H.S. School
(1) Pankaj Boro
(2) Ajwla Basumatary

Poem Recitation Competition

- 1st Prize- Rimina Brahma (U.N. Academy, Kokrajhar)
2nd Prize- Ajay Basumatary (Mushalpur College, Mushalpur)
3rd Prize- Lwithwsri Basumatary (Borobazar H.S. School)

Self Composed Essay Writing

- 1st Prize- Bidanshri Basumatary (Gauhati University)
2nd Prize- Sadin Brahma (Bongaigaon College)
3rd Prize- Sumitra Basumatary (Borobazar H.S. School)

Self-Composed Poem Writing

- 1st Prize- Jayanta Rose Baro (Barama College)
2nd Prize- Somaina Basumatary (Udalguri College)
Jihisia Islary (Aronai College, Kokrajhar)
3rd Prize- Thorulota Boro (B.B. Kishan College)

Spot Essay Writing

- 1st Prize- Ajwla Basumatary (Panbari HS School)
2nd Prize- Samiran Swargiary (Salbari College)
3rd Prize- Jwmwi Basumatary (B.H. College, Howly)
Dwidan Brahma (Kokrajhar Govt. College)

Self- Composed Short Story Writing

- 1st Prize- Mithinga Muchahary (UN Academy, Kokrajhar)
2nd Prize- Samaina Basumatary (Udalguri College)
3rd Prize- Hayensar Basumatary (B.B. Kishan College)
Sibog Muchahary (Bijni College)

Results of Cultural Competition

Folk Song Competition

- 1st Prize- Gidion R. Basumatary (Tangla College)
2nd Prize- Khungur Boro (Barama College)
3rd Prize- Sungtha Basumatary (Salbari College)

Modern Song Competition

- 1st Prize- Swmkhwr Basumatary (B.B. Kishan College)
2nd Prize- Calvin Narzary (Bengtol College)
3rd Prize- Gidion R. Ramchiary (Tangla College)
Sadin Brahma (Bongaigaon College)

Modern Dance Competition:

1st Prize-	Mohorthi Boro (Goreswar College)
2nd Prize	Sudem Sona Ramchiary (Barama College)
3rd Prize-	Lakshmi Brahma (Bongaigaon College)

Demsi Dance Competition:

1st Prize-	Rimina Brahma & Violet Narzary (U.N. Academy, Kokrajhar)
2nd Prize	Ansuma Mihilary & Animes Owary (Barama College)
3rd Prize-	Jasada Narzary & Nabajit Narzary (B.H. College, Howly)

1. Best Participant College **“SHANJARANG DERHASAD BANTHA- 2022”**
Barama College (Total Prizes-6) Toren Boro

2. Best Discipline Award-
“BIRENDRA GIRI BASUMATARY DERHASAD BANTHA”
Aronai College, Kokrajhar

3. Best Participant **“SHANJARANG BADAYARI BANTHA”**
Ajwla Basumatary, Panbari H.S. School Total Prizes- 3

13 आरु 14 सेप्टेम्बर साननैन मेहेर गुरुनं खंजानाय ‘सानजारं लक्षेश्वर ब्रह्मनि थैनाय सान फालिनाय’ जौ लोब्बा लानानै सावराय जथुम (seminer) आरु गेवलां मेल हाबाफारिखौबो सरजाबदेरनाय जायो। सावराय जथुम (seminer) खौ मोननै आयदानि सायाव लानाय जादौमोन।

1. आयदा: सानजारं लक्षेश्वर ब्रह्मनि सानथौ: मोनसे सावरायनाय।

फुंखा सुबुं: सुनिति बसुमतारी, बारग’ गाहाइ फोरौंगिरि, पानबारी गेजेर फरायसालि

2. आयदा: गोदान सोलौंथाइ खान्थि: बर’ बिजौनि इयुन।

फुंखा सुबुं: कृष्णा गपाल बसुमतारी, बिथोनगिरि, इउ.एन. एकाडेमि

गेवलां मेलनि हाबाफारियाव गाहाइ आलासियाव मोननो हादोंमोन बर' थुनलाइ आफादनि मानगोनां आफादगिरि तरेन बर' सारखौ। थिखानाय बुंथिगिरि आलासिखौ मानगोनां एबसुनि आफादगिरि दिपेन बर' सारनि सोलाय एबसुनि लोगो गाहाइ नेहाथारि दिनेस ब्रह्म बिथांखौ मोननो हादोंमोन बिथांजोंनो लोगोसे हाबाफारियाव बाहागो लाफादों एबसुनि नेहाथारि रंगिना बरगयारि, एबसुनि सुबुं फोनांजाव नेहाथारि सरनजित नार्जारी, दिल्ली Unit ABSU नि आफादगिरि उरखाव ब्रह्म, सिरां जिल्ला एबसुनि नेहाथारि बिनिया मुसाहारि बिथांमोनहा।

गेवलां मेलनि माननि आलासि मासियाव मोननो हादों बिजनी दखरा एबसुनि आफादगिरि सुबिलाल दैमारि, 33 नं बिजनी बियाबनि बारग' एम.एल.ए. कमलसिं नार्जारी, बिजनी ABBWF नि गाहाइ नेहाथारि रुकमिनि दैमारि, बिजनी सोलोंसालिमानि गोरायुं ड० बिरहासगिरि बसुमतारी आरो हाबाफारि-बिलाइयाव मख'जानायनि अनगायैबो बिजनी ओनसोलनि गोबां दैदेनगिरि, फोरोंगिरि बिथांमोना बाहागो लानानै हाबाफारिखौ मेहेर गोनाडै जाफुंसार होयो।

28, 29 आरो 30 अक्ट'बर, 2022 :

थानाय 28, 29 आरो 30 अक्ट'बर, 2022 इं अक्ट'आव सानथामनि हाबाफारिजों कक्राझार सरकारि फरायसालिमा बर' फरायसा थुनलाइ आफादजों खुंफुंजानाय खुंगा 40थि 'ईशान मोसाहारी' गोसोखां सान फालिनायाव जोंनि बिजनी सोलोंसालिमा बर' थुनलाइयारि आफादनिफ्रायबो बाहागो लाहैयो। बेजों लोगोसे बायदि आयदानि बादायलायनायाव देरहासारबो जाबोनो हायो।

- | | | |
|--------------------|------------------------------|-------------|
| 1. दैमासा ब्रह्म | (a) जायगायावनो खन्थाइ लिरनाय | 2थि बान्था |
| | (b) सुंद' सल' लिरनाय | 2थि बान्था |
| 2. मोगथां बसुमतारी | बाथ्रा दान्थेलायनाय | 1 थि बान्था |
| 3. जनिफा नार्जारी | जावजा मोसानाय | 3थि बान्था |

आरो

दशरथ बसुमतारी

आफादखौ दैदेननायाव जागायनायनिफ्रायनो मदद होनानै हाबाफारिखौ जाफुंहोनाय मानाव गेदेद गोरायुं सार, बिबुंगिरि सार आरो मेदाममोन लोगोसे बारग' बिबानगिरि आदा-आब' आरो आनि लोगोफोर बयनिसिमबो आनि गोसो गोरबोंनिफ्राय जोबोद जोबोद गोजोननाय आरो साबायखर जासिबाय।

जोबथारनायाव गंग्लायै आर'ज गाबोदि बिजनी सोलोंसालिमा बर' थुनलाइआरि आफादनि गाहाइ नेहाथारि बिबानाव गथानानै मावबोनाय हाबाफारिफोराव आं मिथिस्लाबै गोरोन्थि मावपलांबोनाय गासै गोरोन्थिनि थाखाय निमाहा बिबाय आरो आंनि बोसोरारि मावफोरमायथिनायखौ एसेयावनो फोजोबबाय। गोजोनथों।

बिजनी सोलोंसालिमा बर' थुनलाइयादि आफाद थांबानै थाथों।
बिजनी सोलोंसालिमा जिउ लावथों।
बर' राव गेवलांथों।

नोंथानि फोथायजाथाव
पबित नार्जारी
गाहाय नेहाथारि
बि.सो.ब.थु.आ.
मायथाइ-2021-22

“आलारी” मोखां लाइसिनि गाहाइ सुजुगिरिफोर

बिसान	गाहाइ सुजुगिरि	मायथाइ
सेथि बिसान :	बिनय कुमार बसुमतारी	1996
नेथि बिसान :	बाबुराम बसुमतारी	1997
थामथि बिसान :	कमल गयारी	1998
ब्रैथि बिसान :	अनिला बसुमतारी	2004
बाथि बिसान :	हेनरी बसुमतारी	2005
दथि बिसान :	रोजोब मुसाहारी	2006
स्निथि बिसान :	बिपुल मुसाहारी	2007
डाइनथि बिसान :	बिमल चन्द्र मुसाहारी	2008
गुथि बिसान :	राखेब बसुमतारी	2009
जिथि बिसान :	लक्षण नार्जारी	2010
जिसेथि बिसान :	सोरांसार दैमारी	2011
जिनैथि बिसान :	गोगोम बसुमतारी	2013
जिथामथि बिसान :	रबिन मुसाहारी	2014
जिब्रैथि बिसान :	अमित बसुमतारी	2015
जिबाथि बिसान :	गोसोखां बसुमतारी	2016
जिडथि बिसान :	दैमालु बसुमतारी	2017
जिस्निथि बिसान :	रनसाय बसुमतारी	2018
जिडाइथि बिसान :	बिलिफां दैमारी	2019
जिगुथि बिसान :	दान्थे बर'	2022
नैजिथि बिसान :	बिनेस्वर बसुमतारी	2023

ना: गो: बिजनी सोल्लोसालिमा बर' थुनलाइआरि आफादनि गिबि गाहाइ सुजुगिरिया गोगोम ब्रह्म कछारी (1992) मोन। नाथाय बिथानि गाहाइ सुजुगिरि जानाय समाव आरो सम सम माखासे असुबिदानि थाखाय “आलारि” मोखां लाइसिखौ सेबखांनो हाबोआखै।

बिजनी सोलोंसालिमा बर' धुनलाइआरि आफादनि
बिबान लाबोनाय आफादगिरि आरो गाहाइ नेहाथारिफोर

आफादगिरि	नेहाथारि	मायथाइ
(1) बिरेन्द्रगिरि बसुमतारी	(1) शंकरदेब गयारी	1992-1992
	(2) राजेश कु: ब्रह्म	1992-1993
	(3) बिनय कु: बसुमतारी	1993-1994
(2) जमिअ' कु: बसुमतारी	(4) इन्द्रसित ब्रह्म	1994-1995
	(5) इन्द्रजित ब्रह्म	1995-1996
	(6) रोहोसा ब्रह्म	1996-1997
	(7) लाहेराम मुसाहारी	1997-1998
	(8) कमल कु: गयारी	1998-1999
	(9) कमल कु: गयारी	1999-2000
	(10) रबिन गोरा बसुमतारी	2000-2001
	(11) सानसुमा बसुमतारी	2001-2002
	(12) अशक कु: नार्जारी	2002-2003
	(3) गोगोम ब्रह्म कछारी	(13) बिसित्रा बसुमतारी
(14) मनिल बसुमतारी		2004-2005
(15) हेनरि बसुमतारी		2005-2006
(16) सुबिलाल दैमारी		2006-2007
(17) बुद्ध गयारी		2007-2008
(4) इन्द्रजित ब्रह्म	(18) रनजय कु: ब्रह्म	2008-2009
	(19) इजिपस्तेन नार्जारी	2009-2010
	(20) फुलुं ब्रह्म	2010-2011
	(21) पुनम बसुमतारी	2011-2013
	(22) सोमदोन ब्रह्म	2013-2014
	(23) ललित ब्रह्म	2014-2015
	(24) कपिल देब बसुमतारी	2015-2016
	(25) दुला बसुमतारी	2016-2017

आलारि

(5) गोगोम ब्रह्म कछारी	(26) बिक्रमजित ब्रह्म	2017-2018
(6) ड० गोगोम ब्रह्म कछारी	(27) समादान गयारी	2018-2019
(7) ड० गोगोम ब्रह्म कछारी	(28) चन्दन बसुमतारी	2019-2020
(8) ड० गोगोम ब्रह्म कछारी	(29) पबित नार्जारी	2021-2022
(9) ड० इन्द्रजित ब्रह्म	(30) पबित नार्जारी	2022-2023
(10) जयसि नार्जारी	(31) रोमै ब्रह्म	2023-2024

आलारि



मावख'
बिजनी सोल्लोसालिमा बर' थुनलाइआरि आफाद



बिजनी-783390
जिल्ला- चिरां, बि. टि. आर. आसाम
गायसननाय- 1992
त्रायथाइ: 2022-23

आफादगिरि- जयसि नाजारी
8638426044

गाहाइ नेहाथारि- रोमै ब्रह्म
9864653685

लेकनाइ आफादगिरि

ड० कुसुम ब्रह्म

देबु बसुमतारी

लोगो गाहाइ नेहाथारि

समेश बसुमतारी

तिकोल नाजारी

रागिरि

करण कुमार बसुमतारी

थुनलाइ नेहाथारि

बिनेस्वर बसुमतारी

लोगो थुनलाइ नेहाथारि

लतास बसुमतारी

बाध्ना-दान्ये नेहाथारि

अर बिन्द' नाजारी

लोगो बाध्ना दान्ये नेहाथारि

दैमुथि ब्रह्म

मिजिक मुसाहारी

हारियु नेहाथारि

दिमोल ब्रह्म

लोगो हरियु नेहाथारि

जनिका नाजारी

माइनाव बसुमतारी

सुबु फोनांजाब नेहाथारि

राहुल ब्रह्म

बिथुराज बसुमतारी

प्रनिथा मुसाहारि

बिरजना बसुमतारी

लक्ष्मि बसुमतारी

गिबियावनो बिजनी सोल्लोसालिमा बर' थुनलाइयारि आफादनि जानानै आनि गोसो गोरबोनिफ्राय बयनिस्मिबो गाहाम हामलायथि बावहरबाय। बिजनी सोल्लोसालिमा गायसनगिरि, थुनलाइगिरि, समाज सिबियारि गेदेमा सानजारां लक्षेस्वर ब्रह्मनि 40थि थैनाय सान आरो खुंगा 32थि थैनाय गोसोखां सान फालिथाइजॉं लोब्बा लाखिनानै बोसोरारि 20थि बिसान "आलारि" मोखां लाइसिखो आबुं महर होनाय गाहाइ सुजुगिरि बिनेस्वर बसुमतारी बिथानिसिम आनि गोसो गोबोर्जो रोजा-रोजा साबायखर बावहरबाय। बेजो लोगोसे लाइसि दिहुनायाव हेफाजाब होफानाय सुजु आफादनि गासै सोद्रोमा बिथामोननिसिमबो गोसो गोरबोनिफ्राय साबायखर बावहरबाय। आरोबाव सुजु आफादनि बोसोनगिरि ड० बिरहासगिरि बसुमतारी, ड० गोगोम ब्रह्म कछारी, बिनिका गयारी आरो ड० बाबुल बसुमतारी, मासिगिरि जयसि नाजारी जायफोर लाइसि दिहुननाय समाव नांगोबादि हेफाजाब आरो बोसोन होबोनाय सार मेडाम गासैनिसिमबो रोजा-रोजा साबायखर बावहरबाय।

जो मिथिगोदि थुनलाइआनो हारिनि आइना। जैरं गंसे आइनायाव गावनि महरखौ रोखा नुयो थिग बे बादिनो थुनलाइनि गेजेरजोबो मोनसे हारिनि गासै आसार आखुआ रोखायै नुजा सारो, जाय हरिया थुनलाइ गेया बे हरिया सोदोमसि गैया। आसा खालामो बे लाइसिनि गेजेरजो गोजाम गोदान लिरगिरिफोरा गावनि लिरबिदांखौ फोसावनानै थुनलाइ बाखियाव एसेब्लाबो बिहोमा होनो खाबु मोनदोखौ।

जोबथारनायाव फिन खेबसेबाव आनि गोसो गोबोर्जो गासै सिबिजाथाव फोरिंगिरि, आंगो लोगो देरसिन उन्दैसिन गासैनिसिमबो रोजा-रोजा साबायखर बावहरबाय जायफोर जागायजेननायनिफ्राय जोबजासिम बिजनी सोल्लोसालिमा बर' थुनलाइयारि आफादजो खुंजानाय सानजारां लक्षेस्वर ब्रह्मनि 40थि थैनाय सान आरो खुंगा 32थि थैनाय गोजोखां सान फालिनायाव गोब्राबथारि हेफाजाब होबोबाय नोथामोननिसिम गोसो-गोरबोनिफ्राय साबायखर बावहरबाय। गोजोन्यो।।

बिजनी सोल्लोसालिमा बर' थुनलाइ आफाद अराय थांना थार्यो।

आलारि लाइसि अरायबो थांना थार्यो।

नोथामोननि फोथायजाथाव
Ramesh D. Sharma
Gen Secretary
BCBS, Bijnor College
Date:.....

रोमै ब्रह्म
गाहाइ नेहाथारि

बिजनी सोल्लोसालिमा बर' थुनलाइयारि आफाद

मावफुं सोद्रोमाफोर, बिजनी सोलोंसालिमा बर' थुनलाइआरी आफाद-2023



जयसि नार्जारी
आफादगिरि



ड० कुसुम ब्रह्म
लेडाइ आफादगिरि



देबु बसुमतारी
लेडाइ आफादगिरि



रोमै ब्रह्म
गाहाइ नेहाथारि



समेस बसुमतारी
लोगो नेहाथारि



धिंखोल नार्जारी
लोगो नेहाथारि



बिनेस्वर बसुमतारी
थुनलाइ नेहाथारि



लतास बसुमतारी
लोगो थुनलाइ नेहाथारि



दिमोल ब्रह्म
हारिमु नेहाथारि



जनिका नार्जारी
लोगो हारिमु नेहाथारि



मायनाव गयारी
लोगो हारिमु नेहाथारि



अरबिन्द नार्जारी
बाथ्रा दान्थे नेहाथारि



दैमुथि ब्रह्म
लोगो बाथ्रा दान्थे नेहाथारि



मिजिं मुसाहारी
लोगो बाथ्रा दान्थे नेहाथारि



करण कुमार बसुमतारी
रांगिरि



राहुल ब्रह्म
सुबुं फोनांजाब नेहाथारि



बिधुराज दैमारी
सुबुं फोनांजाब नेहाथारि



प्रनिता मुसाहारी
सुबुं फोनांजाब नेहाथारि



बिरजना बसुमतारी
सुबुं फोनांजाब नेहाथारि



लखिसि बसुमतारी
सुबुं फोनांजाब नेहाथारि



बिजनी सोल्लोसालिमानिफाय कक्राइर सोरखारि फरायसालिमाजो खुंफुंजानाय खगा 40थि इशान मोसाहारि गोसोखां सान फालिनायाव बाहागो लाहेनाय



बिजनी सोल्लोसालिमानिफाय बरमा सोल्लोसालिमानि 6थि रतु बर' गोसोखां सान फालिनायाव बाहागो लाहेनाय



बिजनी सोल्लोसालिमा बर' थुनलाइयारी आफादा सानजारां लक्षेश्वर ब्रह्मनि 39थि थेनाय सानाव बिधानि सावगारियाव बिबार बाउनाय



बिजनी सोल्लोसालिमा बर' थुनलाइ आफादनि खुंफुंजानो गोनां हाबाफारिनि थाखाय मोसाखावरि हान्जा आरो मेथाइ रोजाबगिरि हान्जा।



बिजनी सोल्लोसालिमा बर' थुनलाइयारी आफादा 18 मे बर' बिजो सान फालिनाय



बिजनी सोल्लोसालिमानि हरिमु हान्जा